

ILUARSISSUT

(Isumaliutissiissutip matuma isumaliutissiissut ilanngussartalik 16. november 2012-imeersoq siusinnerusukkut agguanneqartoq taarserpaa)

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut
(Inuussutissarsiornermut Aatsitassanullu Naalakkersuisoq)

pillugu

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaaneerpeqarnerani saqqummiunneqartoq

Inuussutissarsiornermut Ataatsimiititaliap suliarinninnermini makkunanga inuttaqarpoq:

Inatsisartunut ilaasortaq Naaja Nathanielsen, Inuit Ataqatigiit, siulittaasoq

Inatsisartunut ilaasortaq Andreas Uldum, Demokraatit, siulittaasup tullia

Inatsisartunut ilaasortaq Kim Kielsen, Siumut

Inatsisartunut ilaasortaq Akitsinnguaq Olsen, Siumut

Inatsisartunut ilaasortaq Karl Lyberth, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqatigiit

Isumaliutissiissut imatut immikkoortulersugaavoq:

Aallaqqaasiineq	3
1. Siunnersuutip imarisaa	3
2. Siunnersuutip Inatsisartuni siullermeerneqarnera	3
3. Tusarniaatitsinermi akissutigineqartut	3
3.1 Siunnersuutip tusarniaassutiginer pillugu nalinginnaasumik isumaliutersuutit	4
3.2 Apeqquut	5
3.3 Apersuineq	6
4. Ataatsimiititaliap siunnersuummik suliarinninnera	6
4.1 Aatsitassarsiornermi aningaasaateqarfiup pilersinneqarnissaanut tunuliaqutaasoq	6
4.1.1 Aallaqqaasiineq	6
4.1.2 Kinguaassanut ingerlateqqitassanik qulakkeerinninnissaq	7
4.1.3 Siunissaq ungasinnerusoq isigalugu aningaasaqarnikkut patajaatsuumik inissisimanissap qulakkeernissaa	7
4.1.4 Namminersorlutik Oqartussanut ataatsimoortumik tapiissutit ikilileriffigineqannginnissaat Aningaasaateqarfikkut isumannaarneqassaaq	8
4.2 Siunnersuutip aningaasatigut kingunerisinnaasai.....	9
5. Inatsisissatut siunnersuuteqarnermi tunngaviusoq	11
5.1 Aningaasaateqarfiup ingerlanneqarneranut aningaasartuutit	12
5.1.1 Aningaasaateqarfiup ingerlanneqarnerani aningaasartuutit nallersueqqissaarneq	13
5.2 Ingiaqatigiissitsinissaq pillugu	17
5.3 Cairnip uuliamik mingutsitsisoqariataassatillugu saliinermut atortui	19
6. Aatsitassarsiornermi Aningaasaateqarfik pillugu Aningaasaqarnermut Siunnersuisoqatigiit kaammattuutaat	22
6.1 Iseritarisassanut killiliussamik kr. 5 millioniniit 75 millioninut qaffaanissaq pisariaqanngilaq.	22
6.2 Aatsitassarsiornermi Aningaasaateqarfik pillugu inatsisip ataatsimut isigalugu erseqqissarnissaa pisariaqarpoq.....	23
7. Allanguutissatut siunnersuut pillugu isummersuutit.....	24
8. Naggasiutitut oqaaseqaatigineqartut	27
9. Ataatsimiititaliap inassuteqaatai.....	29

Aallaqqaasiineq

Siunnersuutip UPA/2012-imi siullermeerneqarluni suliarineqarnerata kingorna ataatsimiititaliap siunnersuut misissorpaa matumuunalu Inatsisartuni suliarineqarnissaanut isummersuutini saqqummiullugit.

1. Siunnersuutip imarisaa

Naalakkersuisut siunnersuutigaat, Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat 2008-imeersoq atuutsinneqartoq allangortinneqassasoq, taamaalilluni inatsit aatsaat 1. januar, ukiumi tulliuuttumi Inatsisartut Nunatta Karsiata naatsorsuutaannik siullermeerluni akuerinninnerannit atuutilersinneqarluni, tassani ersersinneqassalluni ukiumi naatsorsuusiorfiusumi Namminersorlutik Oqartussat aatsitassanit isertitaat minnerpaamik 75 millionit koruuninik isertitaqarfiusut. Tamanna inatsimmut atuutsinneqartumut sanilliullugu kr. 70 millioninik qaffariarneruvoq.

2. Siunnersuutip Inatsisartuni siullermeerneqarnera

Atassut aamma Kattusseqatigiit Partiiat siunnersuutip imarisaanut siunertarisaanullu taper-sersuipput. Inuit Ataqtigiit, Siumut aamma Demokraatit aatsitassarsiornermi aningaasaateqarfiup aallartinnissaanut atuutsinneqalernissaanullu Inatsisartut inatsisaata atuutilersinneqarnissaanut pisariaqartumik, inatsisip isertitassatigut piumasarineqartut malillugit nalim-massarneqartariaqarsinnaaneranut paasinninnertik oqaatigaat. Taamaattorli taakkua partiit pingasuusut isumaqarput, aningaasaateqarfiup allaffissornikkut aningaasartuutaata ataavartumik aningaasalersorneri piumasarineqarumaartussatut naatsorsuutigineqartumi aningaasasaqartittuarumallugit nammineq aningaasaliissuteqarnissamut pisariaqartitanut atatillugu aningaasat maannakkut amerlassusaasa nalilersornissaat naleqquttuusoq.

3. Tusarniaatitsineri akissutigineqartut

Siunnersuut Siulittaasup Naalakkersuisoqarfianut, Aningaasaqarnermut Naalakkersuisoqarfimmut, Nunamut Namminermut, Pinngortitamut Avatangiisinullu Naalakkersuisoqarfimmut, Inuussutissarsiornermut Suliffeqarnermullu Naalakkersuisoqarfimmut, KANUKOKA-mut, SIK-mut, Sulisitsisut Peqatigiiffiannut, Grønlandsbankimut kiisalu BankNordikkimut tusarniutigineqarpoq.

Tusarniaavigineqartut ukuusut tusarniaanermut akissuteqarput:

Aningaasaqarnermut Naalakkersuisoqarfik, Nunamut Namminermut, Avatangiisinut Pinngortitamullu Naalakkersuisoqarfik, KANUKOKA aamma Grønlandsbanken tusarniaanermut akissuteqaamminni nalunaarutigaat, siunnersuummut oqaaseqaatissaqaratik. SIK-p tusarniaatitsineri akissuteqaamminni kattuffik siunnersuummut taperiisooq nalunaarpoq. Kalaallit Nunaanni Sulisitsisut Peqatigiiffiata kattuffiup tusarniaatitsineri akissuteqaataani siunnersuutigaa, Namminersorlutik Oqartussat ukiumi naatsorsuusiorfiusumi aatsitassarsior-

nermit isertitaat kr. 10 millionit pallipatigit aningaasaateqarfik pilersineqassasoq, siunnersuutigineqartutuut kr. 75 millioninut taarsiullugit. Tusarniaaffigineqartut naammaginnartumik piffissalernerqarsimasut paasinarmat, tusarniaatitsisimanerup immikkoortuanut tasunga ataatsimiititaliaq allamik oqaaseqaatissaqanngilaq.

3.1 Siunnersuutip tusarniaassutiginera pillugu nalinginnaasumik isumaliutersuutit

Ataatsimiititaliap oqaatigissavaa, siunnersuutip nalinginnaasumik oqaaseqaatitaani Kalaallit Nunaanni Sulisitsisut tusarniaatitsinermut akissutaa Naalakkersuisut imaattumik oqaaseqaateqarnissaannut pissutissaqartitsilersoq:

“Sulisitsisut siunnersuutaa malinneqassagaluarpat siunnersuutip siunertarisaa anguneqar-navianngilaq, tassalu Namminersorneq pillugu inatsisimmi naalagaaffiup tapiissutaasa ikilisinnaannut aningaasatigut killiliussat ingiaqatigiissinneqarnissaata qulakkeerneqarnissaa aammalu aningaasaateqarfiup allaffissorneranut aqutsisoqarneranullu aningaasartuutit aningaasaateqarfiup aningaasaataanut isertitaanullu naammaginartumik sanilliunneqarsinnaanissaasa qulakkeerneqarnissaa.” (Nalunaarsuut: Siunnersuummik suliarinninnerminut atatillugu ataatsimiititaliap paasivaa nalinginnaasumik nassuiaatinit issuagaq matuma siuliani allassimasoq inatsisissatut siunnersuutip kalaallisoortaanit allassimangitsaq. Siunnersuut siullermeerneqareermat iluarsiiissummik saqqummiussinissamut periarfissaq qaangituteerpoq. Isumaliutissiissutikkulli ugguuna Inatsisartut periarfissinneqarput issuakkap kalaallisuanik paasitinneqarnissamik, taamaalillunilu immikkoortup inatsisip nassuiaatitaani ilaatinneqanngitsoornera iluarsiivigineqarsinnaalluni.)

Ataatsimiititaliaq isumaqarpoq, siunnersuutip nalinginnaasumik nassuaataanit aningaasat amerlassusissaasa kr. 10 millioninut killilerneqarnissaannut Sulisitsisut Peqatigiiffiata tusarniaatitsinermut akissuteqaammini siunnersuutigisaanut Naalakkersuisut itigartitsinerminnut tunngavilersuutigisatik itisilersimagaluarpatigit, tamanna Inatsisartut aalajangiinissaminni tunngavigisassaannut iluaqutaasimassagaluartoq.

Aningaasat kr. 10 millioninut killilerneqarnissaat sooq naammangitsutut isigineqarnersoq, paasinarnerusumik nassuiaateqarfigineqarsimasuuppat ataatsimiititaliamut (inuiaqatigiinnullu) pingaartumik tusarusunnarsimassagaluarpoq. Namminersorlutik Oqartussat inatsisaanni aammalu aatsitassarsiornermi aningaasaateqarfiup allannguutissaatut siunnersuummi kisitsisit assigiit, tassalu kr. 75 millionit pineqarnerat eqqarsaatigalugu Namminersorlutik Oqartussat inatsisaata naleqqersuunneqarnissaanik qulakkeerininnissamik kissaateqarnermik innersuus-sineq paasinarsinnaavoq, taamatulli naleqqersuussinissami sorpiaat iluaqutaasinnaanersut inatsisissatut siunnersuutip nalinginnaasumik nassuiaatitaani erseqqissarneqarsimanngim-mata, sulisitsisut kattuffiata siunnersuutaanik itigartitsineq aammattaaq nassuiaatissartaqanngilaq. Kissaatigineqartutuut nassuiaasersuutissaqaralarpat tamanna aalajangiissusanut naleqqunnerusumik tunngavissaqartitsissagaluarpoq, aatsitassanut aningaasaateqarfiup aallartinnissaanut aningaasanut killigitinneqartut kr. 5 millioniniit kr. 75 millionit tungaannut qaf-fatsinneqartariaqarnerannut tunngavilersuutissat pissarsiarineqarsimasuuppata. Tamatuma

amigaataanerata kinguneraa, Sulisitsisut Peqatigiiffiata tusarniaatitsinermi akissutaani oqaasertaliussat illuinnarsiorpalaartutut naatsutullu isikkoqalernerat. Ingiaqatigiissitsilluni ingerlaaseqarnissaq pillugu apeqqut ataatsimiititaliap kingusinnerusukkut sukumiinerusumik isumaliutissiisummi sammissavaa.

Kalaallit Nunaanni Aningaasaqarneq pillugu siunnersuisoqatigiit Naalakkersuisunit tusarniaavigineqarsimannginnerat ataatsimiititaliap ajuusaarnartutut isigaa. Taamatut tusarniaaneq siunnersuisoqatigiit atuuffeqarnerannut assut tulluarsimassagaluarpoq, tassami nuna tamakkerlugu aningaasaqarnermut tunngatillugu siunnersuut annertuumik *pingaaruteqarsinnaammatt*. Inuussutissarsiornermut ataatsimiititaliaq isumaqarpoq, Kalaallit Nunaanni Aningaasaqarneq pillugu Siunnersuisoqatigiit suliani aalajangiiffigisassatut siunnersuusiornerni assigusunilu annikitsuni assersuutigalugu suliap ataavartumik suliarineqarneranut akiliusimatinneqannginnissaat pingaaruteqartuusoq, kisiannili siunnersuusiornerni annertuuni, oqaatigineqartutut nuna tamakkerlugu aningaasaqarnermut attuumassuteqarsinnaasuni Siunnersuisoqatigiit tamatumuuna oqaaseqarnissaminnut mininneqartariaqanngikkaluarput. Tamatumunnga atatillugu ataatsimiititaliap ilisimaaraa, Kalaallit Nunaanni Aningaasaqarneq pillugu Siunnersuisoqatigiit maanna aatsitassarsiornermut tunngasunik sammisaqarmata, tamannalu aamma Siunnersuisoqatigiit tusarniarneqartariaqarnerannut ersiutaaginnarpoq.

Taamaattorli 2012-imi septemberip 1-ani Siunnersuisoqatigiit Aatsitassarsiornermi Aningaasaateqarfik pillugu inatsisissarlu pillugu namminneq nalilersuinerminnik saqqummiussaqrput. Kalaallit Nunaanni Aningaasaqarneq pillugu siunnersuisoqatigiit isumaliutissiisummi kingusinnerusukkut ataatsimiititaliap uterfigeqqissavai, tassami ataatsimiititaliap isummersuutimi ilaatut Kalaallit Nunaanni Aningaasaqarneq pillugu siunnersuisoqatigiit inatsisissatut siunnersuut manna pillugu tusarniaavigineqakuttoorsimasinnaagaluartut ataatsimiititaliap uparuaavigiinnarniarmagu.

3.2 Apeqqut

Ataatsimiititaliami suliamik suliarinninnermi atugassatut Inatsisartunut ilaasortap Andreas Uldumip § 37 naapertorlugu inatsisissatut siunnersuummut matumunnga tunngatillugu apeqquteqaataata assilineranik kiisalu Naalakkersuisut akissuteqaataannik (2012:87) ataatsimiititaliaq pissarsivoq. Siunnersuutip Inatsisartuni siullermeerneqarluni suliarineqarnerani apeqqutit taakkua ataatsimiititaliap suliamik suliarinninnermini ilanngutissagai qinnuigineqarpoq. Apeqqutit akissutillu ilaat pisariaqarnerat naapertorlugu isumaliutissiisummut ataatsimiititaliap ilanngutissavai. Apeqqutit soorluttaaq aamma akissutigineqartut isumaliutissiisummut matumunnga **ilanngussatut** ilaatinneqarput.

Tamatuma saniatigut siunnersuut pillugu ataatsimiititaliaq nammineerluni Naalakkersuisunut arlalinnik apeqquteqaateqarpoq. Apeqquteqaatit akissutigineqartullu aamma isumaliutissiisummut ilanngussatut ilaatinneqarput.

3.3 Apersuineq

Ataatsimiititaliami suliamik suliarinninnermi atugassatut ataatsimiititaliap Inuussutissarsiornermut Aatsitassanullu Naalakkersuisoq Ove Karl Berthelsen apersorniarlugu aggersarsimavaa, ataatsimiititaliap apersuinissamut aggersaassutaata aammalu Naalakkersuisup akisutaata assilineri isumaliutissiissummut uunga ilanngussatut ilaatinneqarput. Apersuinermut atatillugu ataatsimiititaliaq tapiliussanik apeqquteqarpoq, apeqqutit taakkua aammattaaq isumaliutissiissummut uunga **ilanngussatut** ilaatinneqarput.

4 Ataatsimiititaliap siunnersuummik suliarinninnera

4.1 Aatsitassarsiornermi aningaasaateqarfiup pilersinneqarnissaanut tunuliaqutaasoq

4.1.1 Aallaqqaasiineq

Siunnersuummi Inuussutissarsiornermut Ataatsimiititaliamut innersuussineq imatut paasineqassagunarpoq, tassa siunnersuutip taamaallaat imaluunniit pingaarnertut aatsitassarsiornermut tunngassuteqartutut isigineqarnera. Eqqarsaatigineqarsinnaavorli, siunnersuut namminersorlutik oqartussat aningaasaqarnerannik aqutsinermut tunngassuteqarnerunnginnersoq, pingaartumillu tassani namminersorlutik oqartussani aningaasanik isertitarineqartunik aqutsineq eqqarsaatigalugu. Siunnersuummi isertitassat taakkua kisiisa, tassa aatsitassarsiornermersut taamaallaat pineqarmata, tamanna tassunga atatillugu pingaaruteqannginnerusutut isigineqarsinnaavoq. Taamaalilluni siunnersuut aamma Aningaasaqarnermut Ataatsimiititaliamut ajornanngitsumik ingerlatinneqarsimasinnaagaluarpoq, taannaavorlu aamma ataatsimiititaliaq 2008-imi Aatsitassarsiornermi Aningaasaateqarfik pillugu inatsimmut isumaliutissiissummik saqqummiussisusooq. Tassami taamatut innersuussinikkut inatsisissatut siunnersuutip matuma nunatta aningaasaqarneranut qanoq *pingaaruteqartigisinnaanera* oqariartuutigineqassamat. Taamaattumik Inuussutissarsiornermut ataatsimiititaliap aningaasaqarnikkut nalinginnaasumik tunngaviusumillu eqqarsaatigisassat aammattaaq isumaliutissiissummi ilanngunniarsimavai. Inatsisissatut siunnersuummik suliarinninnerminut atatillugu Aatsitassarsiornermi aningaasaateqarfiliornissaq pillugu 2008-imi siunnersuutip akuerineqarneranut tunuliaqutaasup naatsumik nassuiaateqarfiginissaa ataatsimiititaliap pissusissamisoorsoraa.

Aatsitassarsiornermi aningaasaateqarfiliornissaq pillugu inatsisissatut siunnersuusiornissamut naalakkersuinikkut tunngavilersuutigineqartoq 2004-imi suliarineqarpoq, taamanikkut Namminersornermut Aatsitassanullu Naalakkersuisuusumit.

Aatsitassarsiornermi aningaasaateqarfiliornissaq pillugu inatsisissatut siunnersuut UKA/2008-imi akuerineqarpoq taamanikkut Namminersorneq pillugu inatsisissatut siunnersuutissaq ilisimaneqareersoq eqqarsaatigalugu. Namminersorneq pillugu inatsisitaarnikkut ilaatigut Kalaallit Nunaanni aatsitassarsiornermit isertitanit pissarsisinnaalernissamik qangali Kalaallit Nunaanni kissaateqarsimaneq (§ 7) anguneqarpoq. Taamatut pisinnaatitaaffeqalernermut illua-tungiliullugu Namminersorlutik Oqartussat taamaattoq akuerisariaqarsimavaat, Naalagaaffiup ataatsimoortumik tapiissutaasa siunissami aatsitassarsiornermit isertitanit ukiumi

pineqartumi kr. 75 millionit sinnerlugit annertussuseqartut (§ 8) affaasa amerlaqaannik ikilisinneqarnissaat.

Aatsitassarsiornermi aningaasaateqarfiliornissaq pillugu inatsisissatut siunnersuut Inatsisartut upernaakkut 2007-imi katersuunneranni saqqummiunneqaralarpoq, kisianni namminersorne-runeq pillugu inatsisissatut missingiusiap naammassinissaa utaqqimaaqqaaneqassasoq naalak-kersuinikkut kissaatigineqarmat, aatsitassarsiornermi aningaasaateqarfiliornissaq pillugu inatsisissatut siunnersuutip siullermeerneqarnissaa 2008-imi upernaamut kinguartinneqarpoq, kiisalu aappassaaneerneqarnissaa pingajussaaneerneqarnissaalu 2008-imi ukiakkut katersuun-nermi pisussanngorlugu.

Aatsitassarsiornermi aningaasaateqarfissaq pillugu inatsisissap akuerineqarnerani siunertami tunuliaqutaasoq, tassa tunngaviusumik qularnaassallugu, namminersorlutik oqatussat aatsitas-sarsiornermit isertitariumaagassaasa inuiaqatigiinni aningaasaqarnerup aalaakkaasuunissaa eqqarsaatigalugu siumut isigisumik iluanaarutaasinnaasumillu atorneqarnissaat. Norsket naalagaaffiata aatsitassarsiornermi aningaasaateqarfia inatsisissatut siunnersuusiornermi an-nermumik aammattaaq isumassarsiorfiuvoq.

4.1.2 Kinguaassanut ingerlateqqitassanik qulakkeerinninnissaq

Aatsitassarsiornermi aningaasaateqarfiup pingaarnertut suliassarivaa aatsitassarsiornermit isertitat nalituut katersorneqarnissaat, taamaaliornikkut kinguaariit tulliuuttut aamma nunatta pisuussutaanik ataavartuunngitsunik iluaquteqarsinnaaqullugit. Taamaalilluni aamma kin-guaariit akornanni pisuussutitta naleqquttumik agguaattarnissaasa qulakkeernissaannut anin-gaasaateqarfik *aammattaaq* sakkussaassaaq. Ataatsimiititaliaq isumaqarpoq, inatsisissatut siunnersuut manna kinguaariinni agguataarisarnissap eqqarsaatigineqarnissaa tassuuna *aam-ma* isiginiarlugu nalilersorneqartariaqartoq. Aningaasat aningaasaateqarfimmut tuttussat iki-lisimagaanni, taava tamatuma kingorna aningaasaateqarfimmut ikisassanik ataavartumik iki-lilerisoqartannginnissaanut politikikkut imminut annertuumik piunaffigisariaqarpoq, tassami pinartunik pisariaqartitsisoqartuaannarlunilu inuiaqatigiinni soqutigisaqatigiinnit politikkip tungaatigut pisortat aningaasartuuteqarnerulerannik kinguneqarsinnaasunik pilersoqartar-mat. Ilisimareerparpummi aningaasanut inatsimmi aningaasaqarnerup oqimaaqatigiissarnissaa qulakkeerniarlugu aningaasartuutit ataavartut ikilisarnissat qanoq ajornakusoortartigisoq.

4.1.3 Siunissaq ungasinnerusoq isigalugu aningaasaqarnikkut patajaatsumik inissisi-manissap qulakkeernissaa

Tunngaviusumik aningaasaateqarfissap "Hollandimiut nappaataannik" sunnerneqannginnissaa kissaataavoq, imatut paasillugu, aatsitassarsiornermit isertitat annertuut aningaasaqarnermut ilanngutiinnarneqartarlutik taamaattoqarneratigullu akit akissarsiallu qaffakkiartuinnarlutik, tamatuma kingunerisaanik pisiutissat ikilippun unammillersinnaanerlu sanngiillisinneqarluni.

Namminersorlutik Oqartussat aatsitassarsiornermit isertitaasa aatsitassarsiornermi aninga-aasaateqarfimmut ilanngunneqartalernissaannik siunertaqarnermi ilaatigut pinngitsoornia-

rneqartut ilagaat, isertitarineqartut taakkua pisortat missingersuutaannut (aningaasanut inatsimmut) ataavartumik ikiinnarneqartannginnissaat, ingerlatsinermt aningaasartuutit nalinginnaasut amerlisarneqarnissaat siunertaralugu.

Aatsitassarsiornermi aningaasaateqarfiup tassani inissisimanissaa oqaatigineqarsinnaavoq tassaassasoq "aningaaserivimmi uninngasuuteqarneq", tamatumani aatsitassarsiornermit isertitarineqartut katersorneqartassallutik, taamaalillunilu taakkunanga iluanaarutinik aam-malu isertitarineqartunik atuineq nakkutigineqartumik pilersaarusiugaasumillu ingerlanneqas-salluni.

Tamanna periusissatut naleqquttutut isigisariaqarpoq, tassami aatsitassat naluneqanngitsutuut nutarteqqinneqarsinnaanngimmata. Aatsitassanit isertitarineqartut ataasiaannartumik isertita-rineqartussapput. Isertitat taakkua Aatsitassarsiornermi aningaasaateqarfimmut katersari-neqarunik, aatsitassarsiorfiit qaquguugaluarnersoq paqperpata aatsitassarsiornermiillu isertitat ikilillutik, taamaalilluta isertitanit iluanaarutaasut sipaagarisagut iluaqutigisinnaavagut. Taamaattumik matumani aatsitassarsiornermi aningaasaateqarfiliornianermi siunertaavoq, nunatta katersaanik eqqarsaatigilluagaanngitsumik sumut tamaanga atuisoqannginnissaata qulakkeernissaa.

4.1.4 Namminersorlutik Oqartussanut ataatsimoortumik tapiissutit ikilileriffigineqan-ginnissaat Aningaasaateqarfikkut isumannaarneqassaaq

Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaanni naqissuserneqarpoq, Namminersorlutik Oqartussat aatsitassarsiornikkut isertitaasa amerlas-susaat ataatsimoortumik tapiissutit ikililerneqarnerannik kinguneqartumik annertussuseqaler-pata, aningaasat aningaasaateqarfimmi katersarineqartut aatsaat tiguneqarsinnaalissasut.

Minnerunngitsumillu kingullertut tassa aningaasaateqarfiup siunertaa pingaaruteqarluinnartog tassaavoq, aningaasanik sipaagaqarnissaq Qallunaat Naalagaaffianniit oqartussaaffiit allat nunatsinnut nuunneqarnerannut atugassatut tamanna Namminersorneq pillugu Inatsimmi oqartussaaffinnik nunatsinnut nuussisinnaanermut periarfissat pillugit oqaatigineqartut malil-lugit siusinnerusukkut Namminersornerullutik Oqartussat inatsisaat tunngavigalugu.

Siunnersuut maannakkutut isikkoqarluni akuerineqassagaluarpat tamatuma kingunerisinnal-luarpa, aatsitassarsiornermit isertitarisatta kr. 75 millionit pallinngipatigit aningaasaateqar-fimmut katersaqartoqarsinnaannginnissaa, tamatumalu Namminersorneq pillugu inatsit malil-lugu kingunerissavaa aningaasat kr. 75 millioninit amerlaneruppata amerlanerussutaasut 50 %-iisa, ukiumi tulluuttumi ataatsimoortumik tapiissutinit peerneqarnissaat. Taamaattumik Aningaasaateqarfiup siunissami ataatsimoortumik tapiissutinit ikililerutaasinnaasunut anin-gaasatigut tapertassatut atuuffeqartinnissaa, sanngiillisinneqassaaq, siunnersuut manna ilusi-misut isikkoqartillugu akuerineqassagaluarpat.

4.2 Siunnersuutip aningaasatigut kingunerisinnaasai

Inatsisissatut siunnersuutip nalinginnaasumik nassuiaatitaani oqaatigineqarpoq, inatsisissatut siunnersuut akuerineqassagaluarpat tamanna aningaasatigut kinguneqassanngitsoq. Taannaannarlunniit isigissagaanni taamatut naliliineq eqqortuunerarneqarsinnaavoq. Naliliinerli iluaqutaasussamik ersarissarneqarsinnaavoq itisilerneqarlunilu.

Takorlooraanni, assersuutigalugu ukiut tallimat ingerlatiinnarlugit kr. 75 millionit ataatilaarlugit aatsitassarsiornermit isertitaqartoqarpat, taava taakkua isertitarineqartut ingerlaavartumik nunatta karsianut ikiinnarneqartassapput, taamaalillunilu kr. 375 millionit ataatilaannguarlugit ataatsimut isertitaqarfiuluni. Tamannali aningaasatigut sunniutitut isigisariaqarpoq. Aningaasat taamatut amerlatigisut aningaasanut inatsisissami ukiumoortumik pingaarnersiuinermi ilaatinneqannginnissaannik neriuteqarneq annikitsumik isumallualussinnarnerussaaq pisortat aningaasaliissutaat ullutsinni pisunit soorluttaaq aamma aningaasartuutaasussatut ilimagisanit tatisimaneqarsinnaanerit ilanngullugu eqqarsaatigigaanni. Aammaattaaq tassani siunnersuut aningaasatigut kinguneqarsinnaasutut isumaqarfigineqarpoq.

Taamatut pisoqartillugu Inatsisartunut Naalakkersuisunullu naalakkersuinikkut sulianiarnermut tamatuma pinaveersimatinnissaa ajornakusooruteqassaaq, aningaasat (allat) aamma namminersorlutik oqartussat ulluinnarni ingerlatsinerannut ilaliutiinnarneqassappata pisortanit aningaasalersorneqartunut imaluunniit ullutsinni pisunut aningaasaliissutigalugit amingartoorutaasussatulluunniit ilimagisanut nakkartiinnarlugit, imminut akilersinnaasuunngikkaluanut siunissami ungasinnerusumi (qaninnerusumiluunniit). Inatsisissatut siunnersuummut atatillugu tamatuma taamatut ajornartorsiutaasinnaanera Naalakkersuisunit arajutsisimaneqanngilaq. Tamanna aamma ilaatigut Inatsisartunut ilaasortap Andreas Uldumip § 37 aqutugalugu Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allannguutissaatut siunnersuummut atatillugu apeqquteqaataanut akisuteqaammi atuarneqarsinnaavoq. Apeqqutit tallimaanni apeqquteqartoq imatut allappoq:

”Aningaasap nalikilliarturnera, aningaasartuutit qaffakkiartornerat il.il. eqqarsaatigalguut inuiaqatigiit aningaasarsiornerannut qanoq kinguneqassava, namminersorlutik oqartussat ingerlatsineranut aningaasartuutaat ukiumut imaaliallannerinnakkut 75 mio. koruuninik qaffanneqartuuppata, soorlu uani siunnersuummi taamatut tunngaviumik eqqarsartoqartoq? Apeqqut tunngaveqarpoq Aningaasarsiornermut Siunnersuisoqatigiit aamma Akileraartarnermut Tunnguinermullu Isumalioqatigiisit innersuussutaannik, taakku tamarmik siunnersuutiginikummassuk pisortat ingerlatsineranut aningaasartuutaasa ikilissarneqarneqartariaqartut.”

Naalakkersuisut ima akisuteqarput:

Ingerlatseqatigiiffinnit akileraarutinit isertitat akitsuutillu Namminersorlutik Oqartussani ulluinnarni ingerlatsineranut ilaatinneqassasut siunertaanngilaq.

Aningaasarsianit akileraarutinit aamma pilersuisunit ingerlatseqatigiiffinnut akileraarutinit isertitat 2010-imi aamma 2011-imi Cairn-ip misissuilluni qillerinerisa malitsisisaannik immikkut isertitarineqartut, Aningaasanut inatsimmi ilanngunneqanngillat, pissutigalugu taakkua annertussusaat Aningaasanut inatsisip akuerineqarnerata nalaani ilisimaneqanngimmata.¹

Peqatigisaanik erseqqissassavara isertitat 75 mio. koruuninik ikinnerusut ingerlatsinermut aningaasartuutitut annertunerulersunut atorineqarnissaat Naalakkersuisut inassutigisinnaanngimmassuk. Inassutigineqarpoq isertitat ileqqaarneqassasut imaluunniit ataasiartumik aningaasaliinernut, siunissami aningaasaqarnerup patajaatsuunissaanik tunngavissiisunut atorineqassasut.

Taamaakkaluartoq isumaqartoqanngilaq Namminersorlutik Oqartussat aningaasartuutaasa tassanngaannaq 70 mio. koruuninik annertunerulernerat aningaasat naleerukkiartorerisa ineriartoreranut aammalu aningaasartuutit tatisimaneqarnerannut annertuumik sunnuteqassasoq. Namminersorlutik Oqartussat 2012-imut Aningaasanut inatsimmi isertitaat missingersorneqartut ataatsimut katillugit 6,4 mia. koruuninik annertussuseqarput. Allannguut 70 mio. koruuninik annertussuseqartoq 1,1 %-imik naleqarpoq.

Namminersorlutik Oqartussat aningaasartuutaat Inatsisartunit ukiumoortumik Inatsisartut aningaasanut inatsisaanni aalajangersarneqartarput, taamaattumillu Kalaallit Nunaanni Aatsitassarsiornermi aningaasaateqarfik pillugu inatsimmi atuutsitsilernissamut aalajangersakkat allannguuteqartinneranni, aatsitassarsiorluni ingerlatanit isertitat qaffasinnerulersut nunap karsianut nakkartinneqartussaanerannut ataqatigiinngilaq. Taamaallutik Inatsisartut ukiumoortumik Inatsisartut aningaasanut inatsisaannik akuersinermi, aningaasaqarnermut politikkip amerlanerussuteqartut tapersorsinnaasaasa piviusunnigortinneqarnissaa qulakkeersinnaavaat.”

Soorlu Inatsisartunut ilaasortamut Andreas Uldumimut akissuteqaammi atuarneqarsinnaasoq, kr. 75 millionit ataallugit aatsitassarsiornikkutat isertitarineqarsinnaasut Inatsisartunit ataavartumik ulluinnarni ingerlatsinermut ilanngunneqarsinnaanerisa periarfissaanissaa Naalakkersuisunit mattusimaneqanngilaq – naak tamatumuuna aningaasat taakkua katersarineqarnissaat piffissamulluunniit ungasittumut aningaasaliissutiginnissaat Naalakkersuisunit ingasaassinaveersarluni isumatusaartumillu atorineqarnissaat innersuussutigineqaraluartoq. Naalakkersuisut

¹ Erseqqissuliornissaq pillugu Inuussutissarsiornermut Ataatsimiititaliap ilanngutissavaa, tassalu 2011-imi aatsitassarsiornermit isertitat ukioq 2011-imut aningaasanut inatsisissamut Aningaasaqarnermut ataatsimiititaliatigoortumik ilassutitut aningaasaliissutitut ilanngunneqarnikummata, tamanna Aningaasaqarnermut ataatsimiititaliap aningaasaliissutini suliaani 11-560-imik normoqarpoq, immikkut ittumik ilinniartut ineqarfissaannik sanaartornissamut kr. 141 millioninik aningaasaliinermi immikkut ittumik akileraarutitigut isertitat tunngavigalugit, pingaartumik ukioq 2011-imi oliesmik misissuinerup sukumiisup kingunerisaanik.

kaammattuutiginnarpaat, taamatut pisoqannginnissaa. Tamatuma saniatigut ataatsimiititaliap maluginiarpaa, Naalakkersuisut akissuteqaataanni immikkoortut sisamaanni oqaatigineqartoq imminut assortuuttumik imaqarsorinarmat. Imatut nipeqartoq:

”Namminersorlutik Oqartussat aningaasartuutaat Inatsisartunit ukiumoortumik Inatsisartut aningaasanut inatsisaanni aalajangersarneqartarput, taamaattumillu Kalaallit Nunaanni Aatsitassarsiornermi aningaasaateqarfik pillugu inatsimmi atuutsitsilernissamut aalajangersakkat allannguuteqartinneranni, aatsitassarsiorluni ingerlatanit isertitat qaffasinnerulersut nunap karsianut nakkartinneqartussaanerannut ataqatigiinngilaq. Taamaallutik Inatsisartut ukiumoortumik Inatsisartut aningaasanut inatsisaannik akuersinerminni, aningaasaqarnermut politikkip amerlanerussuteqartut tapersersorsinnaasaasa piviusunngortinneqarnissaa qulakkeersinnaavaat.”

Qulaani Naalakkersuisut tungavilersuutigisaat iluaqutaasinnaasutut (naalakkersuinik-kulluunniit) atorineqarsinnaasutut isigineqassappat, taava 2008-imi Inatsisartuusut aatsitassarsiornermi aningaasaateqarfimmik pilersitsisoqarnissaanik aalajangiisimanerat tungavia-tigut siunertaqarsimassanngilaq. Inatsisartut sukkuulluunniit amerlanerussuteqartut – Naalakkersuisut Andreas Uldumimut akissuteqarnerminni pitsaasutut ersersinniagaat isiginiarlugu – aningaasaqarnikkut akisussaassusilimmik ingerlatsinissaq tamatigut toqqassallugu aalajanger-sinnaavaat aammalu Inatsisartut ukiumoortumik aningaasanut inatsisaannik akuersissutiginninnerit tamaasa aalajangiullugu aatsitassarsiornermit isertitat nalinginnaasumik ingerlatsinermut atorineqaratik sipaagarineqassasut imaluunniit ungasissumut isigisumik aningaasaliinermut atorineqassasut. Taamatut eqqarsaatigilluakkamik Inatsisartut (Naalakkersuisullu) pissusilersornerisa aatsitassarsiornermi aningaasaateqarfimmik pisariaqartitsineq pisariaarutsissavaa.

Taamaattorli Naalakkersuisut iluaqutaasinnaasutut inatsisip atorunnaarsivinneqarnissaanik siunnersuuteqarsimanngillat. Tamannalu aningaasanik taakkunannga, aatsitassarsiornermi aningaasaateqarfimmut tutsinnagit Nunatta karsianut ikineqartartussatut siunnersuutigineqartunik, siunertaanngitsunut naleqqutinngitsumilluunniit atuisoqarsinnaanerata ernumanaateqarsinnaanera Naalakkersuisunit aamma akuersarneqarnerata ilimagineeraanut pissutissaqartitsilerpoq.

5. Inatsisissatut siunnersuuteqarnermi tungaviusoq

Aallaqqaasiutigalugu oqaatigineqassaaq, tassalu inatsisissatut siunnersuusiordermut tamatumunnga tungavigineqartoq ersernerluppallummat. Immikkoortuni tulliuttuni ataatsimiititaliap tamatumunnga isummersuutigisani sukumiinerusumik erserqissaassavai.

Saqqummiussissut naapertorlugu siunnersuummi siunertarineqarpoq “namminersorneq pillugu inatsimmi ataatsimoortumik tapiissutit ikililernissaannut killiliussamik ingiaqatigiissitsinissap qulakkeernissaa aammalu aningaasaateqarfiup aqunneqarneranut aqutsisoqarneranullu

anigaasartuutit aningaasaateqarfiup pigisaanut isertitaanullu naleqquttumik sanilliussinissap qulakkeernissaa.”

5.1 Aningaasaateqarfiup ingerlanneqarneranut aningaasartuutit

Ataatsimiititaliap maluginiarpa, Naalakkersuisut saqqummiussissummini ilaatigut aamma oqaatigigaat, aningaasat aatsitassarsiornermi aningaasaateqarfimmi aallarniutaasussat kr. 5 millionit aningaasaateqarfiup siulersuisunut, aqutsisuiunut allaffissornermullu aningaasartuutissaanut Naalakkersuisuniit naammattutut *isigineqarunnaartut*. Tamatuma kingunerisaanik Naalakkersuisut siunnersuutigaat, aningaasat aallarniinermi atugassat minnerpaaffissaat kr. 75 millioninut qaffanneqassasoq, taamaalilluni aningaasaliissutaasuniit iluanaarutaasussat aningaasaateqarfiup siulersuisuinut, aqutsisuiunut allaffissornermullu matussusiissutaasinnaanissaat tamakkiisumik naatsorsuutigineqarsinnaalerluni.

Qulaani pineqartunut atatillugu ataatsimiititaliap aamma maluginiarpa, aatsitassarsiornermi aningaasaateqarfik pillugu inatsisaareersumi § 8, imm. 2-mi allassimammat, aningaasaateqarfiup ingerlanneqarneranut aningaasartuutit Namminersornerullutik Oqartussanit matussuserneqartassasut, aningaasaateqarfiup aningaasai aningaasartuutigineqartunut matussutigissalugit, naammangitsut paasineqarpat. Tamatuma saniatigut allassimavoq, piffissami tamatamani inatsisiliortuusup ilisimasimagaa, pingaartumik aningaasaateqarfiup aallartisarnerata nalaani naatsorsuutigineqarsinnaasoq, aningaasaateqarfiup ingerlanneqarnera oqimaaqatigeeqqissaartumik pisinnaassagunanngitsoq. Aalajangersakkap nassuiaatitaani taamaalilluni ima allassimasoqarpoq (allassimasut ataasigut ilaatigut titarnilerneqarput):

”Aningaasartuutit aningaasaateqarfiup aningaasaataannit akilerneqarsinnaanngippata aningaasartuutit Namminersornerusunit akilerneqassapput, inatsisartut aningaasanut inatsisaannik imaluunniit ilassutitut aningaasaliissutaannik Inatsisartut akuersissuteqartarnerat naapertorlugu. Aningaasaateqarfiup pilersinneqarnerani ukiut siulliit aatsitassarsiornermit isertitarisassat malunnaateqangaarnissaat qularnaateqanngilaq, taamaattumillu siulersuisunut akissarsiassanut, allatseqarfimmi akissarsiassanut, allaffinnut atortunullu allanut aningaasartuutaasunut matussutissanik aningaasassaqaassanani. Aningaasartuutininut matussutissatut aningaasanik nuussinissaq pissaaq inatsisartut aningaasanut inatsisissamik akuersineratigut imaluunniit Aningaasaqarnermut ataatsimiititaliap ilassutissatut aningaasaliissutissanik akuersineratigut.”

Taamaalilluni inatsisimmi erseqqissumik taassumalu nassuiaatitaani allassimavoq, aningaasaateqarfiup aningaasaat pissarsiarisai ukiuni siullerni atuuffigisaani immaqqa aningaasaateqarfiup ingerlanneqarnissaanut naammassinnaassanngitsut. Inatsimmi takuneqarsinnaavoq Inatsisartunut imaluunniit Inatsisartut Aningaasaqarnermut Akileraartarnermullu ataatsimiititaliaanut Naalakkersuisut saaffiginnissinnaasut, aningaasaateqarfiup ingerlatsinermini aningaasartuutaasa Inatsisartut aningaasaqarnermut inatsisaatigut imaluunniit ilassutitut aningaasaliissutitigut matussuserneqarnissaasa qulakkeernissaat siunertaralugu.

Taamaalilluni 2008-imili inatsit akuerineqarmat ilisimaneqarsimavoq, piffissap ilaatigut, aningaasaateqarfiup ingerlatsinermini nammineerluni akilersuinissaanut qulakkeerisumik aatsitassarsiornermit isertitarineqartut matussutigissallugit naammattarnaviannigitsut imaluunniit ataavartuusaratik. Taamaattumik nassuiaruminaappoq, sooq Naalakkersuisut inatsisissatut siunnersuummut matumunnga saqqummiussissumminni oqaatigimmassuk, maanna nalilerlugu, ”... aningaasat aatsitassarsiornermi aningaasaateqarfimmi aallarniutaasussat kr. 5 millionit aningaasaateqarfiup aningaasartuutissaanut naammattutut isigineqarunnaartut...”. Inatsisimmi § 8, imm. 2-mi nassuiaatitai naapertorlugit aningaasaateqarfiliornermi eqqarsaataanikuunngimmat, aningaasaateqarfiup pissarsiai katersarineqartut erngertumik aningaasaateqarfiup aallartinneraniit aningaasaateqarfiup ingerlanneqarneranut aningaasartuutitut tamanut matussutaasassasut. Inatsisissatut siunnersuutigineqartoq Kalaallit Nunaata Aatsitassarsiornermi aningaasaateqarfia pillugu inatsisaaqqaartumi *piumasaqaataasunik* tunngaviaatigut taamaalilluni allannguuteqartitsivoq, tassami aningaasaateqarfiup ingerlanneqarnerata aningaasalersornissaa tunngaviaatigut malunnaatilimmik allanngortinneqarmat – naak tamanna inatsisissatut siunnersuummi *allassimannikkaluartoq*.

5.1.1 Aningaasaateqarfiup ingerlanneqarnerani aningaasartuutinik nalilersueqqissaarneq

Kalaallit Nunaata Aatsitassarsiornermi aningaasaateqarfia pillugu inatsisip atuuttup § 50-anut nalinginnaasumik nassuiaatini ilaatigut allassimavoq:

”Taamaammat inatsisartut inatsisaat aatsaat atuutilertariaqarpoq Namminersornerusut ukiumoortumik aatsitassanit isertitai aningaasaateqarfiup ingerlanneqarnerani ukiumut aningaasartuutit tungaannut pingaaruteqanngitsutut isumaqarfigineqarunnaarpata. Aningaasaateqarfiup pilersinneqarneranit ukiumi siullerni ukiumut aningaasartuutit 450.000 kr.-it missaannit ikinnerusinnaanngillat. Taamaammat siunnersuutigineqarpoq inatsisartut inatsisaat aatsaat atuutsinneqalissasoq Namminersornerusut aatsitassarsiornermit ukiumut isertitaat perngaammik minnerpaamik 5 millioner koruuninngorpata.

Andreas Uldumimut § 37-imut akissuteqaatit sisamaannut Naalakkersuisut ilisimatitsisutigaat, kr. 450.000-nik naatsorsueqqaarneq nassaarisinnaasimanagu. Naalakkersuisut akissuteqaamminni missingersorlugu naatsorsuisimanertik ataani nangillutik oqaatigaat, aningaasaateqarfiup ingerlanneqarneranut aningaasartuutaasut katillugit ukiumut kr. 1-2 millionit pallittarsinnaagaat.

Inuussutissarsiornermut Ataatsimiititaliap aallaqqaasiutigalugu oqaatigissavaa, naatsorsuisimanerup taassuma takussutissartaasa tammarsimanerat ataatsimiititaliap tupigimmagu, Aatsitassanut Pisortaqqarfiup peqqissaartuuneq suleriallaqqissuunerlu ilisarnaatigisartagai eqqarsaatigalugu.

Tulliullugu ataatsimiititaliap oqaatigerusuppa, Naalakkersuisut aningaasartuutissatut missingiusiaata nutaap kr. 1-2 millioninik aningaasartallip tunuliaqutaa, inatsisissatut siunnersuutip nalinginnaasumik nassuiaatitaani paasissutissartaqanngilluinnarmat.

Aatsitassarsiornermi aningaasaateqarfik pillugu inatsimmi atuuttumi § 17, imm. 1 malillugu, siulersuisunut ilaasortat akissarsiaasaannik Naalakkersuisut aalajangersaasinnaatitaapput tamatumuunalu malittarisassaliorlutik. Inatsisartunit 2008-imi inatsit akuersissutigineqarmat naatsorsuutigineqarsimavoq siulersuisunut ukiumut katillugit kr. 210.000-inik akissarsiaqartitsisoqartassasoq.

Tamatuma saniatigut - soorlu Naalakkersuisut oqaatigigaat - pisortamut allatseqarfimmullu aamma aningaasartuuteqartoqassaaq.

Aatsitassarsiornermili aningaasaateqarfik pillugu inatsisartut inatsisaani § 23-imi allasimavoq, aatsitassarsiornermi aningaasaateqarfiup allatseqarfia pisortamik ataasiinnarmik inuttaqarsinnaasoq. Naatsorsuutigineqartariaqarpoq tamanna aningaasaateqarfiup aallartisarneqarnerani tamanna immikkut pisariaqarsinnaasoq, allatseqarfimmi pisortap ikiorteqarneranut aningaasartuuteqartoqartariaqassanani.

Aammattaaq inatsimmi allassimasoqanngilaq, pisortaq ulloq naallugu sulisutut atorfeqartineqassasoq, imaluunniit saniatigut allamik atorfeqaqqusaassanngitsoq. Pingaartumik aningaasaateqarfip ukiuini siullerni pisortatut atorfeqarneq taamaalilluni ullup affaannaani atorfiusinnaavoq assersuutigalugu inummit, siulersuisunut ilaasortaareersumit assersuutigalugu suliffeqarfimmi aningaasarsiornermik ingerlataqartuneersumik imaluunniit namminersorlutik oqartussat ingerlatseqatigiiffiaanneersumik. Taamaalilluni aningaasaateqarfiup pisortaanut akissarsiaqartitsinermi aningaasartuutissat ikinnerussallutik.

Aningaasaateqarfiup aningaasaataata amerlinissaata tungaanut pisortap siulersuisullu suliassaata pingaarneq tassaasinnaavoq aningaasaateqarfiup aningaasaataanik aqutsisumut avataaneersumut attaveqartarneq. Aatsitassarsiornermi aningaasaateqarfik pillugu inatsimmi § 28 malillugu aningaasaateqarfiup ulluinnani aningaasaataanik aqutsineq taamaalilluni aqutsisutut taaneqartumit isumagineqartassaaq. Aqutsisuusoq suliffeqarfimmi aningaasarsiornermik ingerlatsineq pillugu inatsimmut ilaassaaq pappiaqqanillu aningaasanik nalilinnik suliffeqarfittut ingerlatsisinnaanermut akuersissuteqassalluni. Tassani pineqarsinnaapput aningaaseriviit imaluunniit ingerlatsiviit aningaasaliisarfittut ingerlasut. Taamaalilluni aningaasaateqarfiup aningaasaataanik ulluinnarni aqutsineq siulersuisut qullersaqarfiullu suliassarinnngilaat, suliassaq tamanna aningaasaqarnermik ilisimasalinnit isumagineqartussaammat.

Ataatsimut isigalugu taamaalilluni ataatsimiititaliamut takujuminaappoq, sooq imaluunniit qanoq ililluni aatsitassarsiornermi aningaasaateqarfiup aallartisarneraniilli ingerlatsinermut ukiumut kr. 2 millioninik aningaasartuuteqartarnissaq Naalakkersuisuniit ilimagineqarnerneq. Ilimagineqarsinnaavoq, aningaasat taakkua amerlanaarlugit tagginneqarsimasinnaasut.

Tamanna tunngavigalugu aningaasaateqarfiup aallarnisarneqarnerani sooq imaluunniit qanoq iliorluni ingerlatsinermut ukiumut kr. 2 millionit atorneqartarnissaat Naalakkersuisuniit ilimagineqarsinnaanersoq, ataatsimiititaliap takujuminaatsippaa. Tamatumuuna erseqqinnerusumik nassuiaasoqarnissaa pillugu apersuinermini siuliani taaneqartumi Naalakkersuisunut ilaasortaq ataatsimiititaliap qinnuigisimavaa. Naalakkersuisunut ilaasortap apersorneqarnermini apeqqummut 2b-imut akissuteqarnermini ilisimatitsissutigaa, kukkunersuisunit PWC-mit Qallunaat Nunaanniittumit aningaasaateqarfiup ukiumut allaffissornermut aningaasartuutissaanik tassunga ilanngullugit siulersuisunut akissarsiassat, pisortamut allaffimmiunullu ukiumut t kr. 20 millionit atorneqartussatut missingersuusiorsimagaat. Tamatuma saniatigut PWC-p allakkiamini Aningaasaateqarfiup pappilissanit nalilinnit ernianit iluanaarutigisinnaasaatut naatsorsuutigisat suusinnaaneri sukumiinerusumik allaaserai.

Allakkiap taassuma assilinerata ataatsimiititaliap piniarsimavaa paasillugulu, apriliip 11-ani 2012-imik ullulernerqarsimasoq, tassa imaappoq Andreas Uldumip § 37 aqputigalugu apeqquteqaatiminut akissutisinnissaa ullormik ataatsimik sioqqullugu. Taamaalilluni allakkiaq taanna inatsisissatut siunnersuutip matuma Inatsisartunut februaarip 23-ani 2012-imi tunniunerqarneraniit qaammat ataaseq affaalu sinnerlugit qaangiutereersoq suliarineqarsimavoq (siunnersuummi ulluliussaq naapertorlugu). Taamaalilluni allakkiaq tassanilu naatsorsuisimaneerit inatsisissatut siunnersuutip matuma saqqummiunneqarnissaa Naalakkersuisunit aalajangiiffigineqarmat tunngavilersuutitut atorneqarsimasinnaanngillat. Naalakkersuisunut ilaasortap maajip 15-ani 2012-imi akissuteqaammuni malitsigitillugu oqaatigaa, allakkiaq Andreas Uldumimut ersarissumik akissuteqarnissaq siunertarlugu piniarneqarsimasoq.

PWC-p naliliisartussanut najoqqutassiarisaata naliliiviginissaa periarfissaasimanngilaq, tassami PWC-p naliliinera paasissutissiissutigineqartut malillugit oqarasuaatikkut piunaqarsimammat. Ataatsimiititaliaq isumaqarpoq suliasamik taamaattumik oqarasuaatikkut imitsineq eqqumiillunilu naleqqutinngilluinnartuusoq, tassami naliliisartussat qanorpiaq ilusilersugaanissaat piunasaqaataasussallu pillugit allaaserisaq, allakkialiornermi tunngavilersuutaasinnaasoq tunngavilersuutaasussarlunniit taamaalilluni uppersarneqarsinnaanngimmat. Tamatuma saniatigut ataatsimiititaliamit oqaatigineqartariaqarpoq allakkiap, telefonikkut inniminnigaq sivikitsuinnarmillu immaqa ullumik ataatsimik marlunnillunniit piffissaqartitsilluni Danmarkimi kukkunersuisarfimmut suliarititap, annertunerusumik itisiliisuunissaa imaluunniit inniminniisup tunngavilersuutaanut apeqqusiisuunissaa ilimananngimmat.

PWC-p aningaasaateqarfiup ingerlatsinermini aningaasartuutissaanik nalilersuinermini aningaasaateqarfiup aallartinneqarnerminiit tamakkiisumik inuttaqartinnissaa aallaavigisimavaa, tassa siulersuisoqarluni, pisortaqlarluni il. il. Siusinnerusukkut immikkoortumi matumani oqaatigineqartutuut aatsitassarsiornermi aningaasaateqarfimmut inatsisaaqqaartup nalinginnaasumik oqaaseqaataani allassimavoq tamanna pisariaqanngitsoq. Naalakkersuisunut ilaasortap maajip 15-ani 2012-imi akissuteqarnermini (apeqqutit sisamaannut) aammattaq

maluginiaquaa, aatsitassarsiornermi aningaasaateqarfik pillugu inatsimmi atuuttumi § 11-imut nalinginnaasumik oqaaseqaatit malillugit oqaatigineqarmat, aningaasaateqarfiup allaffiani sulisunik pisariaqartitsineq nalilersorluarneqassasoq, aammalu aningaasaateqarfiup siulersuisui tassaasut aningaasaateqarfiup sulisunik pisariaqartinneqartunik sulisoqarnissaanut tunngaviusumik akisussaasuusut.²

Tamatuma kingorna suliap kukkunersiuisunit avataaneersunit naliliivigineqarnissaa ataatsimiititaliap pisariaqartissimavaa tassa Deloitte Nuummeersut. Deloitte akissutaa 28. august 2012-imeersoq isumaliutissiisummut **ilanngussatut** ilaatinneqarpoq.

Deloitte akissutimini ilaatigut allappoq “... Aningaasaateqarfiup ingerlatsinikkut aningaasaqarnera isiginiarlugu aningaasat kr. 5 millioniniit qaffasinnerusunngortinnissaat naleqqut-tuuvoq.”

Pissutsit atuuttut atuukkumaartussatullu naatsorsuutigisat tunngavigalugit tamatuma saniatigut aningaasaateqarfiup iluanaarutissaatut PWC-mit ilimagisatut oqaatigineqartunut Deloitte aamma isumaqataavoq, soorlutaaq aamma Aatsitassarsiornermi Aningaasaateqarfik pillugu inatsisip atuutilersinneqarnerani aningaasanut killissaliussassatut siunnersuutigineqartoq aamma suliffeqarfiup isiginiarsimagaa. Deloitte pissutsit tamakku oqaatigisai ataatsimiititaliap isumaliutissiisummi matumani kingusinnerusukku iserfigiumaarpai.

Taamaalilluni ataatsimut isigalugu isumaqarnarpoq, Aatsitassarsiornermi Aningaasaateqarfiup ingerlatsineranut atatillugu aningaasartuutissat Naalakkersuisut missaliuinerattut annertususeqartariaqanngitsut, tassa imatut paasillugu ukiumut kr. 2 millionit missaanni. Kisianni aningaasartuutissat missaliuineq tamanna tunngaviutinniarneqassappat aammalu aningaasaateqarfiup iluanaarutaanit aallaqqaataaniilli aningaasaateqarfiup ingerlatsinermi aningaasartuutaanut tamanut matussusiisarnissaq aallaaviginiarneqarpat taava aningaasaateqarfiup aallarnisarnenerani aningaasaliissutissat inatsisartut inatsisaanni atuuttumit qaffasinnerusunissaat naleqquttuusorinarpoq. Aningaasat taakkua kr. 75 millioniussanersut allaanerussanersulluuniit oqallisigineqarsinnaavoq, *piumasaqaatissatulli oqaatigineqartuni* Deloitte in-

² Ataatsimiititaliap apeqquaqataani ataatsimiititaliap Naalakkersuisunut ilaasortaq qinnuigaa erseqqissumik uppersaqquullugu Aatsitassarsiornermi Aningaasaateqarfik pillugu inatsimmi atuuttumi § 23-imut oqaaseqaatini allassimammat, Aatsitassarsiornermi Aningaasaateqarfiup allatseqarfia minnerpaatut ataatsimik pisortaqluni sulisoqarsinnaasoq. Ataatsimiititaliap apeqquaqatai Aatsitassarsiornermi Aningaasaateqarfiup siulersuisuinut allatseqarfillu ingerlanneqarnerannut missingersuutissatut Naalakkersuisuniit naatsorsuutigineqartut tunngavigalugit suliarineqarput. Apeqquaqatitut akissuteqarnermini Naalakkersuisunut ilaasortap naggasiutigalugu oqaatigaa Inatsisartut Naalakkersuisullu aningaasaateqarfiup sulisunik atorfinitsineranut akulerutissappata tamanna aatsitassarsiornermi aningaasaateqarfiup inatsisaanut atuuttumut assortuutissasoq, Naalakkersuisut nammineerlutik missingersuutissatut missaliuisimanerat tamanna isiginiarlugu Ataatsimiititaliap isumaqarpoq, Naalakkersuisunut ilaasortamit isummersuutigineqartut tulluanngitsorujussuusut ataatsimiititaliamillu isumakulutsiniarnertut pissuseqarpatut apeqquummut tamatumunnga ataatsimiititaliap sukumiinerusumik iserniarnissaata pinngitsoortinnissaa siunertaralugu.

nersuussinera malillugu aningaasat amerlassusissaannik killiliineq malunnaatilimmik qaffattariaqassapput.

5.2 Ingiaqatigiissitsinissaq pillugu

Inatsisissatut siunnersuutip matuma saqqummiunneqarneranut tunngavilersuutigisat ilaattut Namminersorneq pillugu inatsimmut tunngatillugu ingiaqatigiissitsinissamik periaaseqarnissap pisariaqartinneqarnera oqaatigineqarpoq. Isumaliutissiissutip immikkoortuani 4.1.1-imi oqaatigineqartutut, Namminersorneq pillugu inatsisikkut Namminersorlutik Oqartussat aatsitassarsiornikkut isertitarisassaannut kr. 75 millionit killissaliunneqarput, tamatuma kingunerisaanik naalagaaffiup ataatsimoortumik tapiissutaanik ikililerisoqassanngippat.

Taamatut ingiaqatigiittumik ingerlaaseqarnissamut pisariaqartitsinermik tamatumuuna oqartuuteqarneq ersarissumik oqaatigineqanngilaq. Taamaalilluni inatsisitigut imaluunniit aningaasaqarnikkut inatsisit taakkua marluk akornanni ingiaqatigiissitsinissap pisariaqavissortuunera takuneqarsinnaanngilaq. Inatsisip nassuiaatitaani taamatut kissaateqarsimanermut patsisaasinnaasoq ajoraluartumik taamaallaat eqqaallatsiarneqaannarpoq.

§ 37 aqqutigalugu apeqquteqaammi 2012:87, apeqqutit aappaanni, inatsisit taakkua marluk aningaasatigut (Ingiaqatigiissinnissaat) pillugit iluaqutissartai pillugit Naalakkersuisut nassuiaateqaqqullugit qinnuigineqarput.

Naalakkersuisulli taamaallaat akissutigaa, aatsitassarsiornermi aningaasaateqarfik pillugu inatsimmi aningaasat amerlassusissaannut killiliussap qaffanneqarnissaat kissaatigineqartoq, aningaasaateqarfiup pilersinnissaanut naammattunik aningaasaliissuteqarnissaq qulakkeerniarlugu. Naalakkersuisulli ilisimatitsissutigingilaat, aningaasaateqarfiup aningaasaqarnikkut oqimaatigiiissaarnissaa qulakkeerniarlugu sooq kr. 75 millioninut aningaasat amerlassusissaannik killiliinissaq ingerlatsinermut aningaasaliissutissatut naleqquttutut isigineqarnerasoq. Aammattaaq ilisimatitsissutigineqanngilaq, sooq (aningaasat amerlassusissaannut killiliunneqartoq) *namminersorneq pillugu inatsimmi* taamatut aallaaveqarnissamut naleqquttutut isigineqarnerasoq. Tamatumunnga atatillugu erseqqissartariaqarpoq, aatsitassarsiornermi aningaasaateqarfik pillugu inatsit namminersornerlu pillugu inatsit tunngaviatigut tassaasut inatsisit imminnut attuumassuteqanngitsut. Naalakkersuisut taamaalillutik aamma ingiaqatigiissitsiniarsimaneq tamanna aatsitassarsiornermi aningaasaateqarfik pillugu inatsimmi aningaasat amerlassusissaannut killigitap kalaallit inatsisaannut allanut (imaluunniit tassunga atatillugu qallunaat) inatsisaannut atassusernissaa qularnaarniarsimasinnaagaluarpaa.

Tamatuma saniatigut maluginiassallugu pingaaruteqarpoq aatsitassarsiornermi aningaasaateqarfik pillugu inatsimmi § 7, imm. 2-p aalajangersagartaa. Aalajangersagaq imatut oqaasertaqarpoq:

”Aningaasaateqarfiup aningaasaatai Namminersornerusunut akilerneqarsinnaanngillat Namminersornerusut ukiormi aningaasarsiorfiusumi aatsitassanit isertitaat perngaammik ima amerlatigilernerat, namminersorneruneq pillugu inatsit naapertorlugu Namminersornerusut aatsitassanit isertitanik ataatsimullu aningaasaliissutinik pissarsisinnaanerat pillugu naalagaaffiup Namminersornerusunut ataatsimut aningaasaliissutaannik ikilisitsinermik kinguneqalernissaat sioqqullugu”

Aalajangersakkamut nassuiaatini allassimavoq, ”... qulakkiissavaa, Namminersornerusut aatsitassani isertitarisartagai peqqutigalugit naalagaaffiup Namminersornerusunut ataatsimut aningaasaliissutaasa siunissami ikilisinneqarpata, aningaasaateqarfiup aningaasaataanit Namminersornerusunut akiliuteqartassaaq sapinngisamik amerlaqataannik taartissaannik nalimmassaalluni.”

Namminersornerneq pillugu inatsit naapertorlugu Namminersorlutik Oqartussat aatsitassarsiornermit isertitaasa kr. 75 millionit qaangerpatigit Naalagaaffiup ataatsimoortumik tapiissutai ikilisinneqassapput. Kisiannili Naalakkersuisut siunnersuutaat malillugu Namminersorlutik Oqartussat aatsitassarsiornekkut isertitarisaasa aningaasat taakkua qaangerpatigit aatsaat Aatsitassarsiornermi Aningaasaateqarfimmut aningaasanik katersisoqarsinnaalissaaq. Avaqqunneqarsinnaassagunangilaq, takorloorneqarsinnaallunilu tamatuma kingunerisinnaammagu ulloq taanna aningaasaateqarfik aningaasanik atuisussanngorpat aningaasaateqarfiup aningaasaateqannginnissaa. Siunertaagaluarpormi, ataatsimoortumik tapiissutit aatsaat ikililernerqalerpata Aatsitassarsiornermi Aningaasaateqarfik Namminersorlutik Oqartussanut aningaasanik tunniussisalissasoq, Namminersorlutik Oqartussat ataatsimoortumik tapiissutinut annaasaqaataatut amerlatigisunik.

Naalakkersuisut inatsisissatut siunnersuutaata matuma taamaalilluni kingunerisaanik, aatsitassarsiornermi aningaasaateqarfik pillugu inatsimmi § 7, imm. 2-mi aalajangersagaq isumaarutissaaq atuuffeerutissallunilu. Tamanna eqqarsaatigilluagaanani naleqqutinngilaq kalaallit inuiaqatigiit siunissaq ungasinnerusoq isigalugu imminullu nammassinnaasumik aatsitassarsiornermit isertitarisanik naleqquttumik qulakkeerneqarnissaat eqqarsaatigalugu.

Malitsigitillugu oqaatigineqassaaq, Naalakkersuisut § 37 malillugu apeqquteqaammut 2012:87 Andreas Uldumimut akissuteqarnerminni (apeqqut normu 1-imut) siunnersuutigimmassuk, siunnersuummi matumani aningaasat amerlassusissaannut kr. 75 millioninut killigititaq ukiumoortumik nalimmassarneqartassasoq, Namminersornerneq pillugu inatsimmi § 8, imm. 1-2-imi aningaasanut kr. 75 millionit killigitinneqartut procentiisa annertoqqataannik. Kingulleq taaneqartoq ukiumoortumik nalimmassarneqartarpoq, qallunaat aningaasanut inatsisaanni nalinginnaasumik akit akissarsiallu qaffaataasa annertussusilerneqartarnerat malillugu. Naalakkersuisut akissuteqaamminni inatsisissatut siunnersuutip nassuiaatitaanut nr. 2-

mut innersuussippit. Tassani allassimavoq, aatsitassarsiornermi aningaasaateqarfiup aallartinnissaanut aningaasat amerlassusissaannut killigititaq Namminersorneq pillugu inatsimmi aalajangersagaq taaneqartoq "malillugu" tamanna nalimmassagaasoq. Tamanna Naalakkersuisut ima paasivaat, aningaasat amerlassusissaannut killigititaq aamma aatsitassarsiornermi aningaasaateqarfiup aallartinnissaanut *qallunaat* aningaasanut inatsisaanni nalinginnaasumik akit akissarsiallu qaffaataasa annertussusilerneqartarnerat malillugu nalimmasarneqartassasoq. Taamaalilluni ataatsimiititaliap tamatuma ataqatigiinnera matumuuna erseqqissarusuppaa, tassami aalajangersagaq taanna siunnersuutip nassuiaatitaata oqaasertalersorneqarnerani erseqqissumik oqaatigineqanngimmat. Oqaatigineqassaaq Deloittep Inuusutissarsiornermut Ataatsimiititaliamut oqaaseqaasiamini 28. august 2012-imeersumi aammattaq pissutsip tamatuma erseqqissumik paasineqarnissaata pisariaqarnera uparuaavigimagu.

Aammattaq oqaatigineqassaaq, tassalu Naalakkersuisut ataatsimiititaliap apeqqutaanut nr. 5-imut maajip 15-ani 2012-imi akissutiminni miserratinginngimmassuk "*inatsisini marluusuni naleqqatigiisitsinissatut aningaasatigullu siunnersuutigisat inatsisitigut pisariaqanngitsut.*" Taamaalilluni Naalakkersuisunut ilaasortaq inatsisip nalinginnaasumik oqaaseqaatitaanut imatut allassimasumut akerlianik oqarpoq:

"Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allannguuteqartinneqarnera pillugu inatsisartut inatsisissaannut siunnersuummi matumani, Namminersorneq pillugu inatsimmi Naalagaaffitup tapiisutaasa annikillineqarnissaat pillugu aalajangersakkap taamaalillunilu piffissap Kalaallit Nunaata Aatsitassarsiornermi Aningaasaateqarfiata pilersinneqarnissaanik pisariaqartitsiviulersutut oqaatigineqarsinnaasup, akornanni naapertuutsitsisoqalerpoq."

Taamaattumik immikkoortumi matumani isummersuutigineqartut ilaattut naatsumik oqaatiginnartariaqassaaq, inatsisissatut siunnersuummi Namminersorneq pillugu inatsimmut tunngatillugu ingiaqatigiisitsinissaq pillugu inatsisissatut siunnersuummut matumunnga saqqummiussinissamut tunuliaqutassatut oqaatigineqartut nassuiartariaqanngimmata imaluunniit inatsiseqartitsinikkut tunngasutigut nassuiaaserneqartariaqaratik.

5.3 Cairnip uuliamik mingutsitsisoqariataaassatillugu salinermut atortui

Andreas Uldumip § 37 malillugu apeqquteqaataani (2012:87) siusinnerusukkut oqaatigineqartumi inatsisissatut siunnersuummut matumunnga saqqummiussinermi Cairn Energymit uuliamik mingutsitsisoqariataartoqassatillugu akiuiniarnermi atortunik Skotlandimiit tunniusineq tunuliaqutariniarneqartutut pingaartillugu oqaatigineqarpoq.

Apeqqusiani normu 7-imi aamma 8-imi Aningaasaqarnermut Ataatsimiititaliap Aatsitasarsiornermi Aningaasaateqarfik pillugu ataatsimiititaliap taaneqartup ukioq 2012-imut Aningaasanut Inatsisissatut Siunnersuutip aappasaaneerseqarnissaanut isumaliutissiissusiaani oqaatigineqartut apeqquteqartup innersuussutigai.

Aningaasaqarnermut Ataatsimiititaliap isumaliutissiissutaani immikkoortoq manna apeqquteqartup issuaavigaa:

“Inatsisissatut siunnersuummik UPA 12-imi suliarineqartussamik sulissutiginnittoqartoq ataatsimiititaliamit maanna paasineqarpoq, taamaalilluni aatsitasarsiornermit isertitat ullumikkut killigitinneqartumit 5 mio. kr.-init amerlane-ruppata aatsitassarsiornermi aningaasaateqarfik aatsaat atuutilersinnaalluni (Apeq. 11.7d aamma apersuinermi apeq. 7b). 2010-mi aatsitassarsiornermit isertitat 2.94 mio. kr.-iusut Naalackersuisut akissutaanni allassimavoq. Taamaalillutalu 5 mio. kr.-it taakku qanilliarorpagut. Aamma allassimavoq uuliaarluernermi saliutinik minnerpaamik 20 mio. kr.-inik naleqartunik Namminersorlutik Oqartussat 2012-imi tunineqassasut. Atortulersuutit taakku nalingat aatsitassarsiornermi isertitatut isigineqartoq oqaatigineqarpoq, taamaattumillu maleruagassat maannatut itsillugit aatsitassarsiornermi aningaasaateqarfik 2012-imi atuutilersussatut naatsorsuutigineqarluni.

Suliamut inaarutaasumik isummertinnani inatsisissatut siunnersuutip tamatuma saqqummiunneqarnissaa Aningaasaqarnermut Ataatsimiititaliamit utaqeqqaarneqarumavoq. Inatsimilli suliaqarneq aallartinneqartinnagu uuliaarluernermi saliutit pillugit ajornartorsiut allatut aaqinneqarsinnaannginner-soq isumaliutigineqaqqaartariaqarpoq. Taamatuttaaq aningaasat killigitinneqartut allanngortinneqarnissaannik aalajangerneq sukumiisumik isumaliutigineqaqqaarluni aatsaat pisariaqarpoq, tassanilu nunap aningaasaqarnerani taamatullu kinguaariit agguataarneqarneranni pissutsit ilanngunneqartariaqarlutik. Piffissamut sivikitsumik isigaluni Namminersorlutik Oqartussat ingerlatsinermit tapiissutinullu aningaasartuutaasa amerlineqarnissaat siunertariinnarlugu aatsitassarsiornermi aningaasaateqarfik pillugu inatsimmik allannguineq ungasissoq isigalugu aningaasaqarnikkut attassisinnaanitsinnik ajornartorsiutit eqqarsaatigalugit assut eqqarsarnartoqassaaq.”

Aningaasaqarnermut Ataatsimiititaliap paasissutissiissutai Inuussutissarsiornermut Aatsitasanullu Naalackersuisumik apersuisimanermit aallaaveqarput taamaalillutillu eqqortuunissaat ilimagisariaqarlutik.

Aatsitassarsiornermi Aningaasaateqarfiup isertitanut nassuiaatitaanik Naalakkersuisut paasininnerat Eqqartuussissuserisunit Lettikkunnit allakkiakkut Naalakkersuisut Inuussutissarsiornermut Ataatsimiititaliamut ingerlatissimasaani tamanna naqissuserneqarpoq. Allakkiaq ilanngussatut ilaatinneqarpoq. Allakkiamit Eqqartuussissuserisunit Lettikkunneersumit atuarneqarsinnaavoq, aatsitassarsiornermi aningaasaateqarfik pillugu inatsimmi isertitanut nassuiaatigineqartoq aatsitassarsiornermi inatsimmi nassuiaatigineqartup assigusoq. Taamaalilluni tamanna tassa imaappoq, tassalu aatsitassarsiornermi aningaasaateqarfimmut aatsitassarsiornermit aningaasangorlugit isertitat kisimik pineqanngitsut, aammali oliemik mingutsitsisoqarnerani akiuiniarnermi atortut aningaasallu ilinniartitaanermut pituttorsimasumik immikkoortinneqartut aamma isertitatut naatsorsuunneqartassasut, naak nalillit taakkua aningaasaliissutaasinnaanatililu erniortinneqarsinnaanngikkaluartut. Tassunga atatillugu oqaatigineqassaaq, aatsitassarsiornermi aningaasaateqarfik pillugu inatsit namminersorneq pillugu inatsimmi imaluunniit aatsitassarsiornermi inatsimmi piunasaqaataanngimmat, taamaalillunilu isertitat pillugit nassuiaatit eqqarsaatigalugit taakkua assigisariaqarnagit.

Inuussutissarsiornermut Ataatsimiititaliap apeqqustillinera tunngavigalugu Deloittep paasininneq tamanna siullermik ima oqaaseqarfigaa oqaatigalugulu:

“Namminersorneq pillugu Isumaqatigiissummi isertitarisassanut nassuiaatigineqartut Aatsitassarsiornermi Aningaasaateqarfimmut/Nunatta karsianut isertitarisassatut nassuiaatigineqartuniit imaqqortunerupput, tassami akuersissutinik tunniunneqartunit isertitarineqartussat suulluunniit ilaatinneqarmata. Cairni akuersissummik peqareemat, atortut Namminersorlutik Oqartussanut tunniusimasaat Namminersorneq pillugu Isumaqatigiissummi isertitarisassatut nassuiaatit naapertorlugit taakku tassunga ilaareerput, Aatsitassarsiornermi Aningaasaateqarfik/Nunatta karsiata naatsorsuutai malinnagit, soorlu Naalakkersuisut Hr. Uldumimut allakkatigut 12. april 2012-imeersutigut (qupp. 11) akissuteqarnerminni tamanna oqaatigaluaaraat.”

Deloittep tamanna nassuiarpaa manna erseqqissaatigalugu tassalu Namminersorneq pillugu inatsit naapertorlugi 2011-imi aatsitassat pillugit isumaqatigiissusiaqartoq kr. 3 millioninik aningaasartalimmik, tamannalu aamma eqqortumik nalunaarutigineqarsimasoq, isertitalu taakkua (aningaasanut inatsimmi konto pingaernerup 66.01.03-ip aamma 66.01.05-ip ataanut inissinneqartussaasimagaluartut) Nunatta Karsiata naatsorsuutaanut isertitatut ilaatinneqarsimanngitsut. Malitsigitillugu aatsitassarsiornermi aningaasaateqarfiup isertitaanut nassuiaammut tunngatillugu naliliinini Deloittep tunuartissimavaa, Eqqartuussissuserisunit Lettikkunnit allakkialiaq innersuussutigalugu. Tamanna tunngavigalugu Inuussutissarsiornermut Ataatsimiititaliap pissutsit marluk uku oqaatigisariaqarpai: siullertut aatsitassarsiornermi aningaasaateqarfiup isertitanut nassuiaataata aningaasaateqarfimmut tunngaviusup eqqarsaatigeqqinnissaa pisariaqarpaluppoq, Inuussutissarsiornermut Ataatsimiititaliaq isumaqarmat oliemik mingutsitsisoqarnerani akiuiniarnermi atortut assigisaasalu aningaasaateqarfimmut isertitatut inis-

sisimanissaat inissaminiippalunngitsoq. Aappaattullu soorluuna malunnartooq, isertitanut nasuiaat taanna siusinnerusukkut ima nalornissutaatigisimasooq allaat, kukkusumik kontomut nalunaarsuisooqartarsimanera ilimanaateqarsinnaalluni.

6. Aatsitassarsiornermi Aningaasaateqarfik pillugu Kalaallit Nunaanni Aningaasaqarnermut Siunnersuisooqatigiit kaammattuutaat

6.1 Iseritarisassanut killiliussamik kr. 5 millioniniit 75 millioninut qaffaanissaq pisariaqanngilaq.

Kalaallit Nunaanni Aningaasaqarnermut Siunnersuisooqatigiit nalunaarusiaminni nutaami "Siuariartornermi pinngortitami isumalluutit iliuusissatut atorneri" 2012-imi septemberip 13-ani Aningaasaqarnermut Ataatsimiititaliap ilaasortaanut malitsigitillugulu tamanut saqqummiuppaat.

Saqqummiussinermi inatsisissatut siunnersuut manna Aningaasaqarnermut Siunnersuisooqatigiinnit qanoq naliliivigineqarnersoq apeqqutigineqarpoq.

Aningaasaqarnermut Siunnersuisooqatigiit ilisimatitsissutigaaq, Aatsitassarsiornermi Aningaasaateqarfik Siunnersuisooqatigiinnit ataatsimut isigalugu Kalaallit Nunaanni pisuussutiniq aqutsinermi sakkussatut pingaarutilittut isigineqartoq. Iseritarisassanullu killiliussap kr. 75 millioninut qaffanneqarnissaanik siunnersuuteqarneq eqqaassagaanni, Siunnersuisooqatigiit ataatsimeeqatiginerini oqaatigineqarpoq, aningaasaateqarfiup aallartinginnerani aallaavusinnaasumik killissaliinissaq aalajangiusimaneqassasoq, taamaattorli kr. 75 millioninut killiliineq soorlu killissaminiittutut isigineqarsinnaasoq. Oqaatigineqarpoq allaffissornikkut anikitsuinnarmik aningaasartalinnaq "aningaasaateqarfeeraliortoqarsinnaasoq", aningaasarpasuit atunngikaluarlugit pappilissanik nalilinnik taamaallaat aningaasaliisartussamik. Soorunalimi pisariaqanngippat allaffissornikkut iliuusissanik annertuunik kr. 2 millioninik aningaasartalinnaq aallarnisaasoqassanngilaq, allaffissornikkulli appasinnerujussuarmik aningaasartorfiusumik aaqqissuussisoqarsinnaavoq.

Taamaalilluni takuneqarsinnaavoq, Aatsitassarsiornermi Aningaasaateqarfiup minnerpaamik ukiumut kr. 2 millioninik ingerlatsinermit aningaasartuuteqarluni aallarnisarneqarnissaata pisariaqarnissaanik Naalakkersuisut tunngavilersuutigisaat Aningaasaqarnermut Siunnersuisooqatigiinnit tamatumaa akerlerluinnaanik isumaqarfigineqartoq, aamma taamaalilluni ukiumut isertitarisassatut killiliussap kr. 5 millioniniit 75 millioninut qaffattariaqarnissaa pisariaarutissalluni, tassami aningaasaateqarfiup aningaasanik taamatut amerlatigisunik iluanaaruteqarniarluni katersaqarnissaa pisariaarutissamat, aningaasaateqarfiup allaffissornikkut aningaasartuutaasa matussusernissaannut naammassinnaasunik.

6.2 Aatsitassarsiornermi Aningaasaateqarfik pillugu inatsisip ataatsimut isigalugu erseqqissarnissaa pisariaqarpoq.

Aningaasaqarnermut Siunnersuisoqatigiit nalunaarusiaanni Aatsitassarsiornermi Aningaasaateqarfik imm. 3.2.4-imi (kalaallisuuani qupp. 78) sukumiinerusumik eqqartorneqarpoq.

Aningaasaqarnermut Siunnersuisoqatigiit tassani ilaatigut imatut allapput:

Aningaasarsiornikkut imminut napatilernissamut ingerlanermi suliat qallunaat naalagaaffianit tiguneqartut isumaginissaannut aamma ataatsimoortumik tapiissutit ikilinerannut Namminersorlutik Oqartussanut taarsiutitut aningaasaateqarfimmit aningaasanik tigusinissamut pissutissaqarluarpoq.

Taamaattorli atornissaanut periarfissat annertuumik oqaasertalerneqarput, aamma naak allanneqaraluartoq kalaallit nunaata siunissami ungasinnerusumi inuiaqatigiit aningaasarsiorneranni sapinngisamik annertunerpaamik iluanaaruteqarnissaat iluaqutaanerpaamillu sunniuteqarnissaat ator neqarnerini qulakkeerneqassasut. Tamanna annertuumik oqaasertalerneqarpoq aningaasartuutit ingerlatallu suut aningaasalorsorneqarsinnaaneri pillugit annertuumik paasinninnissamut inissaqartitsilluni, innersuussutigalugu taakku inuiaqatigiinnut siunissami ungasinnerusumi iluaqutaasumik sunniuteqarumaartut. Assersuutigalugu Norgemi aningaasaateqarfiup aqqissugaanera, qulaaniittoq naap., pinngortitami pigisanit nalilinnit iluanaarutit taamaallaat ingerlaavartumik ator neqarnissaannik tunngavimmut atallutik.

Inuiaqatigiinnut iluaqutaasunik ingerlatanut naleqqiullugu pingaarpoq ingerlatat toqqaannartumik aningaasatigut iluanaaruteqarfiusussat aamma ingerlatat aningaasatigut iluanaaruteqarfiusussaannngitsut akornanni immikkoortitisinissaq. Iluanaarutit assigiinngitsut marluk inuiaqatigiinnut pingaaruteqarput politikkikkullu tulleriiaanissamut tunngavilerneqarsinnaallutik. Taamaattorli assersuutigalugu isertitat amerlinerisigut aamma akileraarutitigut iluanaaruteqarnikkut aningaasaqarnikkut iluanaaruteqarfiusut ingerlatat kisimik pisortat aningaasaqarnerannut ikiuisussaapput. Aatsitassarsiornermi aningaasaateqarfiup ator neqarnera pillugu ingerlatsinerup oqaasertalersornerani iluanaaruteqartarnerit assigiinngitsut akornanni immikkoortitsisoqarpoq, maannakkullu inatsit tamatumunnga naleqqiullugu naammattumik erseqqissarneqarsimanani.

Aatsitassarsiornermi aningaasaateqarfimmut allanut naleqqiullugu naliliinermi kalaallit nunaanni aatsitassarsiornermi aningaasaateqarfik aningaasat ator neqarnissaat pillugu annertuumik erseqqinngitsunillu toqqammavinnik nasuiaasimavoq. Tamatuma kingunerisaanik aningaasat kukkusumik inissinneqarnissaannut aarlerinartoq annertuvoq. Kaammattuutigineqarpoq Aatsitassarsiornermi aningaasaateqarfimmi aningaasat ator neqarneri pillugit malleruagassat erseqqinnerusumik paasinarnerusumillu oqaasertalerneqassasut, pingaartumik piviusumik iluanaarutit agguaqatigiissillugu qaffasissuseqartut avataaniittunik atuiner mut naleqqiullugu.

Soorlu qulaani issuarneqartoq, tamanna tunngavigalugu Aningaasaqarnermut Siunnersuisoqatigiit isumaqarput, ataatsimut isigalugu Aatsitassarsiornermi Aningaasaateqarfiup inatsi-

sitigut aalajangersagartaasa sukateriffigineqarnissaat pisariaqartoq, tassami maannakkut aalajangersagaasut isigissagaanni aningaasat katersarineqartut kukkusumik atorneqarsinnaanerit navianaateqarsinnaasutut isigineqarmat. Aammattaaq aningaasaateqarfiup nakkutigisaasumik Kalaallit Nunaanni aningaasaliisarnissaa anguniarneqarpoq, pissutsit taamaatsillugit aningaasatigut aalajangersimasumik iluanaaruteqaataasassappata, pisortat siunissamut ungasinnerusumut aningaasaliissutissatigut ajornakusoortitsineranni iluaqusiinissamut ikiuutaasinnaasunik.

Inuussutissarsiornermut Ataatsimiititaliap Aningaasaqarnermut Siunnersuisoqatigiit peqqissaartumik misissuisimanerat pingaartutut pingaarutilerujussuuartullu isumaqarfigaa, ataatsimut isigalugu pingaartumillu inatsisissatut siunnersuummut matumunnga attuumassutilititut. Tamanna tunngavigalugu ataatsimiititaliap oqaatigisariaqarpaa, inatsisissatut siunnersuutikkut matumuuna Aatsitassarsiornermi Aningaasaateqarfik pillugu inatsimmi aqqissuussaaniikkut ajornartorsiutaasut Aningaasaqarnermut Siunnersuisoqatigiinnit oqaatigineqartut aqqiivigineqarnaviannigitsut. Taamaattumik apeqqutaavoq, inatsisissatut siunnersuut manna maannakkut naleqquttuunersoq eqqarsaatigissallugu.

7. Allannguutissatut siunnersuut pillugu isummersuutit

§ 37 malillugu apeqquteqaammi 2012:87, apeqqutit arfineq pingajuanni, aatsitassarsiornermi aningaasaateqarfik pillugu inatsimmut allannguutaasinnaasut arlallit apeqquteqartup saqqummiuppai.

Apeqquteqartup periarfissaasinnaasunik oqariartuuteqarnermini oliemik mingutsitsisoqarnerani akiuniarnermi atortunik Cairn Energymit Namminersorlutik Oqartussanut tunniussinissamut tunngatillugu Naalakkersuisuniit Aningaasaqarnermut Ataatsimiititaliamut paasisuttissiissutigineqartut aallaavigisimavai. Takuneqarsinnaavoq, oliemik mingutsitsisoqarnerani akiuniarnermi atortunik Cairn kr. 20 millioninik nalilinnik tunniussimasoq imaluunniit tunniussiniartoq. Tassunga tunngatillugu imm. 5.3-imi oqaatigineqartut innersuussutigineqarput.

Apeqquteqartup periarfissaasinnaasutut oqaatigisai siullit tassaapput atortut aatsitassarsiornermit isertitatut inassisimanissaat pinngitsoortinniarlugu atortut taakkua attartorneqarsinnaanerannut periarfissaq, atortut taakkua aatsitassarsiornermit isertitatut inassisimannginnissaat pinngitsoortinniarlugu. Ataatsimiititaliap maluginiarpaa, siunnersuutigineqartoq Inatsisartuni siullermeerinermi nangaassuteqarfigineqarmat. Taakkua Namminersorlutik Oqartussat Naalagaaffimmut Namminersorneq pillugu inatsit naapertorlugu pisussaaffiisa naliliivigineqarnerannik tunngaveqarput. Ataatsimiititaliap isumaqarpoq, oqallinneq tamanna inatsisitigut tunngasunik ajornartorsiutaasunik paasiuminaatsunik ilaqartoq, ataatsimiititaliap sukumiinnerusumik iliuuseqarfigerusunngisaanik, allanik – piuminarnerusunillu periarfissaqarmat.

Apeqquaqartup periarfissat pingajuattut siunnersuutigisaa taassaavoq, aatsitassarsiornermi aningaasaateqarfiup aallartinnissaanut aningaasat amerlassusissaannut kr. 5 millioninut killili-ineq aalajangiusimaneqassasoq, tassami ilutigitillugu siunnersuutigineqarmat, aningaasat taakkua aningaasaateqarfiup aallartinniginnerani *ukiut marluk tulleriit* katersorneqareersimasasut. Siunnersuutigineqartoq tamanna aamma inatsisip teknikkertaanut tunngatillugu allannguutissartaa annikitsuinnaallunilu piuminartussaaq, ilutigitillugulu ataasiaannartumik isertitaqarfissatut Cairnip oliemik mingutsitsisoqarnerani akiuiniarnermi atortuinut tunngatillugu ajornartorsiummut aaqqiissutaassalluni.

Tamatuma saniatigut ataatsimiititaliap minnerpaamik - periarfissaasinnaasutut – takorloorneqartoq eqqarsaasersuutigisimavaa. Naalakkersuisut akissuteqaamminni siuliani apeqquutigineqartunut tunngavilersuutiminni nalinginnaasumik oqaatigisaat, tassalu aatsitassarsiornermit isertitat pingaartumik piaarnerup aallartinnerani nikerartuusinnaallutillu taamaakkallarsinnaanerata eqeersimaarfiginissaat pissutissaqartoq. Taamaattumik isertitat piffissami sivikitsuinnarmi atuuttussat tunngavigalugit aatsitassarsiornermi aningaasaateqarfimik aallartitsinissaq Naalakkersuisut mianersoqqussutigisimavaat. Ilimagineqarsinnaavoq, Naalakkersuisut aatsitassarsiornermi ukiumut kr. 75 millioninik isertitaqartarnissamut tunngavilersuutigisaat aningaasanngorlugu ima annertutigissasoq, allaat aatsaat qularnanngitsumik Namminersorlutik Oqartussat aatsitassarsiornermit isertitassai *ataavarnerrulingippata* tamanna atulersinnaanaviarani. Taamaattorli aningaasat taakkua ima qaffasitsigitinneqarput, ullumikkut kr. 5 millioninut killiliisimanermut sanilliullugu aningaasaateqarfiup isertitassaraluanik annertuunik annaasaqaataasinnaalluni. Tamatuma saniatigut isumaliutissiissutip ilaani ataatsimiititaliap kr. 75 millioninut killiliinermut assigiinngitsutigut ajornartorsiutaasinnasut kingunerisinnaasallu erseqqissaatigai.³

Taamaattumik immaqa *periarfissaasinnaavoq*, aatsitassarsiornermi aningaasaateqarfiup inatsisaani atuutilersitsinissamut aalajangersakkap allannguuteqartinnissaa, taamaalluni aningaasaateqarfik aatsaat Namminersorlutik Oqartussat aatsitassarsiornermit isertitassai assersuutigalugu ukiut tulleriit ataannartumik kr. 5.-15. millionit qaangerlugit ukiumut isertitaqartalerpata atuuttussanngortinneqarluni imaluunniit Naalakkersuisut erseqqinnerusumik tamatumuuna aalajangersagalioreerpata.

Ataatsimiititaliap allakkatigut majip 11-ani 2012-imeersutigut maajip 15-ani 2012-imi akissuteqarfigineqartunut allannguutissatut siunnersuutissamut aalajangersimasumut missingersu-

³ Namminersorneq pillugu inatsit naapertorlugu aatsitassarsiornermiit isertitarigallakkat kr. 75 millioninik aningaasartallit aamma taamatulli pilersinnaapput, namminersorlutik oqartussat ingerlatseqatigiiffinni aatsitassarsiornermut attuumassuteqartuni nunatsinni pisortanit pigineqartunit tunisissagaluarpata tamanna namminersorneq pillugu inatsimmi imm. 5.3.3-imi titarnertaap aappaata naggataani nalinginnaasumik oqaaseqaatit naapertorlugit.

usiornissaq piareersimaffigeqqullugu Naalakkersuisut qinnuigai. Allagarineqartut taakku tarmarmik isumaliutissiisummut **ilanngussatut** ilaatinneqarput.

Naalakkersuisut akissutiminni ilisimatitsissutigaaat Ataatsimiititaliap allannguutissatut siunnersuusiassaatur isumaliutersuutigineqartoq teknikkimut tunngassuusoq allaffissornikkullu naammassineqarnissaa periarfissaasoq. Naalakkersuisulli akissutiminni oqaatigaat allannguutissatut siunnersuutip oqaasertalersornerata imatut nipeqartinnissaanik kissaateqarner-tik aalajangiusimallugu, tassalu aatsitassarsiornermit kr. 75 millionit isertitarineqarpata aningaasaateqarfik aallartinneqassasoq. Eqqortumilli oqaatigisariaqarpoq tamanna siunnersuisoqatigiit ilisimatitsissuteqarnera sioqqullugu allagarineqarsimammat (Aatsitassarsiornermi Aningaasaateqarfik pillugu inatsimmi atuuttumi tamatumuuna oqaaseqaatit naapertorlugit) aningaasaateqarfiup aallartinneqarnissaanut allaffissornikkut aningaasartuutissat uki-umut kr. 2 millionit ataakkaluarpagit aallartinneqarnissaa pisariaqassanngitsoq pillugu ilisimatitsinera sioqqullugu. Taamaalilluni isertitarisassanut kr. 75 millioninut killiliinissamik piumasaaqateqarnissap aalajangiusimanissaata pisariaqarnera aamma allannguutissatut siunnersuummi tamanna ataatsimut isigalugu pisariaqarunnaarpoq.

Tamatuma saniatigut Ataatsimiititaliaq isumaqarpoq, aatsitassarsiornermi aningaasaateqarfimmut isertitaanut nassuiaatip atorineqartup, allanngortinnissaa pisariaqartoq. Aatsitassarsiornermi aningaasaateqarfimmut isertitassanut nassuiaatip Aatsitassanut inatsimmi atorineqartup assigisariaqanngikkaa Inuussutissarsiornermut Ataatsimiititaliaq isumaqarpoq. Aatsitassanut inatsimmi isertitassanut nassuiaat Namminersorneq pillugu inatsimmi allaaserineqartutut qallunaat naalagaaffiannut isumaqatigiissutitigut pituttorsimasuuvoq. Inatsisartulli akornutissaqanngitsumik aatsitassarsiornermi aningaasaateqarfik pillugu aalajangiisinnaapput. Kiisalu Aatsitassarsiornermi aningaasaateqarfimmut isertitanut nassuiaat pillugu Eqqartuussissuserisut Lettikut aamma Deloittep paasinninnerisa naqissuserpaat tamatuma erseqqissaavigineqarnissaa pisariaqartoq.

Tamanna tunngavigalugu ataatsimiititaliaq isumaqarpoq, taamaallaat (atsitassarsiornermit) aningaasanngorlugit isertitarineqartut kisimik aningaasaateqarfiup pigisaatut ilaatinneqartassasut. Isumaq tamanna Inuussutissarsiornermut Ataatsimiititaliap siuliini majip 11-ani 2012-imi Naalakkersuisunut apeqquteqaateqarnermini oqaatigereerpa. Naalakkersuisut majip 15-ani 2012-imi akissutiminni apeqqummut siullermut oqaatigaat, assersuutigalugu ilinniartitaanermut aningaasaliissutaasartut aamma imaluunniit inuiaqatigiinnut tunngasutigut atorluaanissamik siunertanut assigisaannulluunniit, aatsitassarsiornermik ingerlatseqatigiiffinit Kalaallit Nunaannut akiliutitut aningaasaliissutit aamma isiginiarneqassasut. Taamaattut aamma isertitarisassatut ilaatinneqartariaqanngikkaluarput. Tamanna isumalerujussuuvoq. Deloittep akissutimini 28. august 2012-imeersumi siuliini oqaatigisamini Inuussutissarsiornermut Ataatsimiititaliap isummersuutaanut isumaqataavoq, ingerlatseqatigiiffik imatut ersarissumik oqariartuuteqarmat:

“Pisup ingerlanerani Inuussutissarsiornermut Ataatsimiititaliap siunnersuutigaa erseqqissarneqassasoq, (aningaasartai) taakkua tassaassasut aningaasanngorlugit isertitarineqartussat, Aatsitassarsiornermi Aningaasaateqarfimmut iluanaarutaasumik. Siunnersuut tamanna isumaqarpugut pitsaasuusoq, taamaalilluni pissutsit naatsorsuutiginngisat pingaaruteqarsinnaasut, aningaasaateqarfiup pilersittari-aqarneranik piunasaqartoqalernissaanik kinguneqaqqunagit.”

Taamaattumik ataatsimiititaliap allannguutissatut siunnersuutikkut ataatsimiititaliap saqqummiunniagaani aalajangersakkap oqaaseqaatitaani ersarissassavaa, aningaasanngorlugit isertitani taamaallaat pineqarmata isertitat toqqaannartumik aningaasaliissutaasinnaasut, taamaattumillu assersuutigalugu ilinniartitaanermit aningaasaliissutit, atortut assigiinngitsut illullu nalingi aningaasaateqarfiup isertitaanut katersaanulluunniit ilanngunneqartassanngitsut.

8. Naggasiutitut oqaaseqaatigineqartut

Naggasiutigalugu ataatsimiititaliap ilisimatitsissutigissavaa, ataatsimiititaliap isumaliutissiisummik matuminnga suliarinninnermini inerniliussimammagu, allannguutissatut siunnersuummik ataatsimiititaliap saqqummiussinissani kissaatigigaa. Ataatsimiititaliaq isumaqarmat ataatsimut isigalugu naammaginarinneqanngimmat, aningaasaateqarfiup aallartinneqarnerani aningaasat kr. 70 millioninut qaffanneqarnissaat pisariaqavissortoq.

Tamatumunnga atatillugu Inuussutissarsiornermut Ataatsimiititaliap Aningaasaqarnermut Siunnersuisoqatigiit nalunaarusiaanni qanittukkut tunniussaanni aatsitassarsiornermut tunngasunik misissuisimanerannut tunngasoq innersuussutigissavaa. Aningaasaqarnermut Siunnersuisoqatigiit nalunaarusiaminni Kalaallit Nunaanni Aatsitassarsiornermi Aningaasaateqarfik pillugu inatsisip ullumikkut ilusilersugaanera isornartorsiorpaat. Aningaasaqarnermut Siunnersuisoqatigiit isumaqarput inatsisip ersernerluttumik ilusilersugaanerata aningaasaateqarfiup aningaasaataanik kukkusumik nuussuisoqarsinnaanera navianartorsiorneruleraa. Inuussutissarsiornermut ataatsimiititaliap Aningaasaqarnermut Siunnersuisoqatigiit tamatumuuna oqaaseqaatigisaat tusaatissatut tiguaa.

Ataatsimiititaliaq ataatsimut isigalugu isumaqarpoq, Aningaasaqarnermut Siunnersuisoqatigiit aatsitassarsiornermut tunngasut pillugit nalunaarusiaminni ajornartorsiutaasinnaasutut oqaatigisaat aatsitassarsiornermi aningaasaateqarfiup aaqqissuussaanaanera ataatsimut isigalugu nalilersuiffiqinnissaa pissutissaqartoq, aammalu ukiuni tulliuttuni aatsitassarsiornermit isertitat qanoq iliorluni katersorneqassanersut siunissamullu inuiaqatigiinnut tamanut ilu-aqutaasussamik siumut isigisumik aningaasaliissutigineqarsinnaaneri pillugit.

Ataatsimiititaliallu pissusissamisoorsoraa oqaatigissallugu, tassalu Kalaallit Nunaanni Aatsitassarsiornermi Aningaasaateqarfik pillugu inatsisartut inatsisaannut inatsisissatut siunnersuut Aningaasaqarnermut Siunnersuisoqatigiit aatsitassarsiornermut tunngasut pillugit nalunaarusiaat suli saqqummiunneqanngitsoq aammalu aatsitassarsiornermit aningaasaateqarfiup inatsisitigut ilusilersugaanera pillugu isornartorsiuinngitsut saqqummiunneqarmat.

Aningaasaqarnermut Siunnersuisoqatigiit Inatsisartut Aningaasaqarnermut Ataatsimiititaliaanik ataatsimeeqateqarnermini oqaatigisimavaa, aatsitassarsiornermi aningaasaateqarfiup aallarnisarnerata nalaani allaffissornikkut sulisorpassuaqarnissaq pisariaqassanngitsoq. Akerlianilli Aningaasaqarnermut Siunnersuisoqatigiit nalilerpaat, aallaqqaammumt "aningaasaateqarfeeqqamik" ingerlanneqarnermigut ukiumut kr. 2 millionit pallinnagit aningaasartuutilimmik ingerlatsisoqarsinnaasoq. Aningaasaqarnermut Siunnersuisoqatigiit isumaat soorluuna maannakkut Aatsitassarsiornermi Aningaasaateqarfik pillugu inatsisartut inatsisaata § 23-imi oqaaseqaatitaanut assigorpalluttut, tassani oqaatigineqarmat aningaasaateqarfik taamaallaat ataatsimik pisortaqaarluni aallartinneqarsinnaasoq.

Ataatsimiititaliap oqaatigisariaqarpaa Aningaasaqarnermut Siunnersuisoqatigiit taamatut oqaaseqarnerat aatsitassarsiornermi aningaasaateqarfiup ingerlatsineranut aningaasartuutit matussutissaqartinniarlguut aatsitassarsiornermi aningaasaateqarfiup kr. 75 millioninik katersaqarnissaa periarfissaanngitsoq. Aningaasaqarnermut Siunnersuisoqatigiit Inatsisartut Aningaasaqarnermut Akileraartarnermullu Ataatsimiititaliaanut saqqummiussaannit allaaneruumik Naalakkersuisut aningaasatigut nalilersuinissaminnut pissutissaqarsimanninnerat ataatsimiititaliap tunngaviutippaa.

Soorlu oqaatigineqareersoq ataatsimiititaliap isumaqarpoq, allannguutissatut siunnersuummik saqqummiussinissaq pisariaqarpoq. Tamanna Aatsitassarsiornermi Aningaasaateqarfiup isertitarisassatut nassuiaatitaani erseqqissaassuteqarnissaq siunertaralugu, taamaalilluni paasiuminarsissammat aningaasannorlugit isertitarineqartut kisimik aningaasaateqarfiup aallartinneqarnissaanut tunngaviusut. Deloitte akissutimini tamatuma erseqqissumik paasineqarnissaata pisariaqartuunera oqaatigaa.

Aammattaaq allannguutissatut siunnersuuteqarnermi ataatsimiititaliap siunertaraa qulanarnaassallugu, aatsitassarsiornermi aningaasaateqarfik ukiup naatsorsuusiortuusup ataatsip iluani malunnaatilinnik aatsitassarsiornermit Nunatta Karsianut isertitaqarpat, aatsitassarsiornermi aningaasaateqarfiup pisariaqanngitsumik aallartinneqannginnissaa. Ataatsimiititaliap isumaqarpoq aatsitassarsiornermit isertitat malinnaavigiuminartuussasut aammalu ukiut marluk tulleriit Nunatta Karsiata naatsorsuutaani malugineqarsinnaasariaqarlutik aatsitassarsiornermi aningaasaateqarfiup aallartinneqarnissaanut naleqquttuussagunik.

Ataatsimiititaliap allannguutissatut siunnersuummini aammattaaq siunertaraa, tamanna naleqquttutut isigineqarpat aningaasaateqarfiup Naalakkersuisunit siusinnerusukkut aallartit-sineqarnissaanut pissutsit aalaakkaasuunissaasa qularnaarsimanissaat. Tamanna assersuuti-galugu pisinnaavoq, aatsitassarsiornermit isertitat ukiumiit ukiumut tassanngaannaq pilissap-pata.

Naggasiutigalugu Ataatsimiititaliap kaammattuutigissavaa tassalu Kukkunersiuinermut Ata-atsimiititaliap Aatsitassarsiornermi Aningaasaateqarfimmut isertitanut nassuiaatip assigiinn-gitsunik paasineqartarnera isiginiassagaa, Inuussutissarsiornermut Ataatsimiititaliap isumaliu-tissiisummik matuminnga suliarinninnerani saqqummiunneqartut. Paasinarpoq, soorluuna siusinnerusukkut kukkusumik isertitat kontonut inississorneqartarsimagunartut, Deloittep isertitat pillugit inatsimmi allaaserineqartunut sanilliullugu paasinninnera malillugu. Tamanna siumut isiginiarluni Inuussutissarsiornermut Ataatsimiititaliap allannguutissatut siunnersuu-tissaatigut erseqqissaaviginiarneqarpoq.

9. Ataatsimiititaliap inassuteqaatai

Inuussutissarsiornermut Ataatsimiititaliap isumaliutissiisummut matumunnga ilanngussatut ataatsimiititaliap allannguutissatut siunnersuutaa ilaatippaa.

Ataatsimiititaliap **isumaqatigiittup** allannguutissatut siunnersuut **akuerisassanngortippaa**.

Taamatut oqaaseqarluni isumaliutissiisummilu paasinninni naapertorlugu ataatsimiititaliap siunnersuut aappassaaniingassanngortippaa.

Naaja Nathanielsen

Naaja Nathanielsen,
Siulittaasoq



Kim Kielsen

Aqqaluaq B. Egede


Aqqaluaq B. Egede




Andreas Uldum



Knud Fleischer



Akitsinnguaq Olsen



Karl Lyberth

ILUARSIISSUT

Allannguutissatut siunnersuut 16. novembarimeersoq taarserpaa
(Allannguutissatut siunnersuutaappaartumut nassuiaatini
Immikkoortup kingulliup tullia peerneqarpoq)

Uunga

allannguutissatut siunnersuut

**Kalaallit Nunaata Aatsitassarsiornermi Aningaasaateqarfia pillugu Inatsisartut
inatsisaata allanngortinneqarnissaa pillugu Inatsisartut inatsisissaattut siunnersuut.**

Inuussutissarsiornermut Ataatsimiititaliamit aappassaaneerinninnermut saqqummiunneqartoq.

§ 1-imut

1. § 1 ima oqaasertalerneqassaaq:

”§ 1

Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaanni nr. 6, 5. december 2008-imeersumi ima allanngortitsisoqarpoq:

1. § 50 ima oqaasertaqassaaq:

”§ 50. Inatsisartut inatsisaat januaarip ulluisa aallaqqaataanni atuutilissaaq, Inatsisartut nunatta karsiata naatsorsuutaanik ukiut tullerit marluk akuerinninnerannit, tassani ersersinneqassalluni ukiumi naatsorsuusiorfiusumi aatsitassanit isertitat 10 millionit sinnersimagaat, imaluunniit siusinnerusukkut Naalakkersuisut tamatumuuna erseqqinnerusumik aalajangersagaat malillugu.

Imm. 2. 2012-imi januaarip ulluisa aallaqqaataanni atuutilersumik imm. 1-imi aningaasat qaffasissusissaat kr. 10 millioninut oqaatigineqartoq ukiumi naatsorsuusiorfiusumi Inatsisartut aningaasanut inatsisaanni akit akissarsiallu nalinginnaasumik nikerarneri malillugit ukiumut nalimmassarneqartassapput.

Imm. 3. Immikkoortoq 1-imi piunasaqaatigineqartut naammassineqarsimatillugit inatsisartut inatsisaata atuutilersinneqarnera pillugu Naalakkersuisut nalunaarusiussapput.”

Allannguutissatut siunnersuummut nassuiaatit

Kalaallit Nunaanni Aatsitassarsiornermi Aningaasaateqarfik pillugu inatsisartut inatsisaanni atuuttumi aalajangersarneqarpoq, inatsisartut inatsisaat januarip ”1-ani atuutilissasoq, Inatsisartut nunatta karsiata naatsorsuutaanik ukiumi naatsorsuusiorfiusumi siullermeerlutik

akuerinninnerannit, tassani ersersinneqassalluni ukiumi naatsorsuusiorfiusumi Namminersornerullutik Oqartussat aatsitassanit isertitaat minnerpaamik kr. 5 millioniusimasut.”

Allanguutissatut siunnersuutip kingunerissavaa, inatsisartut inatsisaata aatsaat januaarip ulluisa aallaqqaataanni atuutilersinnaanissaa, Inatsisartut **ukiut tulleriit marluk** nunatta karsiata naatsorsuutaanik akuerinninnerannit, tassani ersersinneqassalluni ukiumi naatsorsuusiorfiusumi aatsitassarsiornermi isertitarisat **kr. 10 millionit sinnersimappatigit**, imaluunniit siusinnerusukkut Naalakkersuisut tamatumuuna erseqqinnerusumik aalajangersagaat malillugu.

Siunnersuummi siunertaavoq qularnaassallugu Namminersorlutik Oqartussat aatsitassarsiornermit ukiumut isertitaat aningaasaateqarfiup ingerlanneqarnerani aningaasartuutissanut sanilliullugit matussutaasinnaasutut isigineqalerpata, Kalaallit Nunaanni Aatsitassarsiornermi Aningaasaateqarfik pilersinneqassasoq,

Qularutissaasinnaagunangilaq Namminersorlutik Oqartussat ukiumi ataatsimi aatsitassarsiornermit malunnaatilimmik isertitaqarsinnaanissaat, ukiut tulliini taamatorpiaq aatsitassarsiornermi isertitarineqartut qaffasitsiginngikkaluartullutik. Atuutilersitsinissamulli aalajangersagaq maannakkut atuuttoq taamatut iluseqartillugu Aatsitassarsiornermit Aningaasaateqarfik pilersinneqarnermini suli aningaasaateqarfiup ingerlatsinermut aningaasartuutissanut naleqqersuussinnaasumik isertitaqalinngitsoq pilersinneqariaannaavoq. Tamannaavoq siunnersuuteqarnermut tunngaviusoq, tassalu aatsitassarsiornermi isertitat ukiut tulleriit marluk aalajangersimasumik qaffasissuseqalerpata, aatsaat inatsisartut inatsisaata atuutilersinnissaa aningaasaateqarfillu pilersinneqarluni.

Siunnersuutigineqarporli, inatsisip siusinnerusukkut atuutilersinneqarnissaanut Naalakkersuisut periarfissinneqassasut. Tamanna assersuutigalugu pisariaqalersinnaavoq Namminersorlutik Oqartussat ukiut tulleriit arlallit aatsitassarsiornermit isertitarisat isertitarisassatut killiliussanut nallersuutikannerneqarsinnaalerpata, taamaattorli ukiut tulleriit marluk tamanna qaangernagu.

Aatsitassarsiornermi Aningaasaateqarfik pillugu inatsisartut inatsisaanni atuuttumi kr. 5 millioninik isertitaqarnermi inatsit atuutilersinneqassaaq aningaasaateqarfillu pilersinneqarluni. Aningaasat marloriaatinngortinneqarnissaat siunnersuutigineqarpoq, inatsisip atuutilersinneqarneraniit ukiut sisamat ingerlanerini akit nikeriarsimaneri, aningaasaateqarfiup ingerlanneqarneranut akittorsaataasumik, aammalu aningaasaateqarfiup ullumikkut iluanaarutigisinnaasaatut ilimagisat appariarsimaneri isiginiarlugit. Aallarnisarnermi isertitarineqartut aallarnisarnermilu aningaasartuutit akornanni oqimaaqatigiissaarinnissaq aalajangiusimaneqassappat, aallarniutissat amerlineqartariaqarput. Aallarniutissat akiliutissat allanngortinngippata ingerlatsinermut aningaasartuutit qaffaataat aningaasaliissutillu ukiumut erniaakippata taava aningaasaateqarfiup pilersinneqarnissaanut isertitat tamatumani aningaasaateqarfiup

ingerlanneqarneranut aningaasaliissutaasussat naammalernissaannut piffissaq suli sivisunerulissaaq.


Piumasaqaataavoq, aningaasaateqarfiup aallarnisarnermi nalaani, aningaasaateqarfiup aningaasaatai appasitsillugit suliaassallu killeqartillugit, allaffissornermut aningaasatuutini minnerpaaffissaaniitissagai, tassunga ilanngullugu aningaasaateqarfiup aallarnisarnermini allatseqarfirmi ataatsimik pisortaqarluni ingerlanissaa.

Isertitarisassanut killigititap qaffanneqarnissaanik siunnersuut, inatsisartut inatsisaata atuutilersinneqarneranik aatsitassarsiornermilu aningaasaateqarfiup pilersinneqarneranik kinguneqartussaq, aatsitassarsiornermi aningaasaateqarfiup siunertaa eqqarsaatigalugu aalajangersagaavoq.

Aatsitassarsiornermi Aningaasaateqarfiup aatsitassarsiornermit isertitanik atorunnaasitsinikut aningaasaliinikkullu ilaatigut pisortat atuinerisa qaffariaateqannginnissaat pinngitsoortissavaa, akit qaffannerannik unammilleqatigiinnermillu equsoortitsinermik kinguneqarsinnaasoq, ilaatigullu isertitat nalimmassaavigalugit kinguaassallu tamatumingga iluaquteqarnissaat qularnaassallugu, aamma aatsitassatigut pisuussutit piarneqarsinnaasut nungunneqareeraluartut.

Ilutigitillugu inatsisartut inatsisaanni § 7, imm. 2-mi allassimavoq, Kalaallit Nunaanni Aatsitassarsiornermi Aningaasaateqarfiup isertitai kr. 75 millionit qaangerpatigit Aatsitassarsiornermi Aningaasaateqarfik Namminersorlutik Oqartussanut aningaasaliisinnaasariaqartoq, ataatsimoortumik tapiissutinit annaasaqaataatut annertussusilinnik. Allatut oqaatigalugu piffisami ataatsimoortumik tapiissutit ikilisarneqalerpata aammalu, Namminersorlutik Oqartussat aningaasaateqarfirmiit aningaasanik pissarsialernerisa akornanni ingiaqatigiissitsisoqarnissaa inatsisartut inatsisaata qulakkiissavaa. Tamatuma pilinnginnerani aningaasaateqarfik aningaasanik katersilluarsimasariaqarpoq isertitaqarlunilu, aningaasartuutigineqartunut tamakkiisumik ilaannakortumilluunniit matussutaasinnaasunik. Tamannali aatsaat pisinnaasaaq, isertitarisassanut killiliussaq inatsisartut inatsisaata atuutilersinnissaanut aatsitassarsiornermilu aningaasaateqarfiup pilersinnissaanut qaffasinaarneqanngippat, taamaalillunilu aatsitassarsiornermit isertitat aningaasaqortuut ukiut ingerlanerini aningaasaateqarfimmut tunnatik nunatta karsianut ikiinnarneqartarpat.

Siunnersuutigineqarpoq, isertitarisassanut killiliussaq inatsisip atuutilerneranik aatsitassarsiornermilu aningaasaateqarfiup pilersinneqarneranik kinguneqartussaq, ukiut tamaasa ukiumi pineqartumi akit akissarsiallu nalingissaasumik qaffaataat naapertorlugit Inatsisartut Aningaasanut inatsisaatigut nalimmassarneqartassasut. Nalimmassaaneq siulleq 2013-imi pissaaq.



17. november 2012
Lett Advokatfirma
Per Vestergaard Pedersen
Advokat
J.nr. 279038-MRP

Inuussutissarsiornermut Suliffeqarnermullu Naalackersuisoqarfik
Imaneq 4
Postboks 1015
3900 Nuuk

ALLAKKIAQ

Aatsitassarsiornermi aningaasaateqarfimmut inatsimmi isertitanut nassuiaassut

Inuussutissarsiornermut Suliffeqarnermullu Naalackersuisoqarfiup aatsitassarsiornermi aningaasaateqarfimmut inatsimmi isertitanut nassuiaassut pillugu allakkiamik suliaqaqqulluta qinnuigaatigut. Naliliiffigissavarput aatsitassarsiornermi aningaasaateqarfimmut inatsimmi isertitanut nassuiaassut namminersoneq pillugu inatsimmi § 7, imm. 2-imi isertitanut nassuiaassummut assigusuunersoq.

Tamatumunnga tunggaviuvoq kukkunersuisarnermut suliffeqarfiup Deloitte allakkiami 28. august 2012-imeersumi aatsitassarsiornermi aningaasaateqarfimmut inatsimmi isertitanut nassuiaassummut tunngatillugu inatsisitigut naliliinernik Inatsisartut Inuussutissarsiornermut Ataatsimiititaliaanut nassuiaateqarsimanera. Deloitte ilaatigut imaattumik allappoq:

1. Aatsitassarsiornermi aningaasaateqarfimmut inatsit malillugu isertitanut nassuiaassut aamma namminersoneq pillugu inatsit malillugu isertitanut nassuiaassut ("Namminersoneq pillugu isumaqatigiissut") assigiissuteqanngillat.
2. Namminersoneq pillugu inatsit malillugu isertitanut nassuiaassut ("Namminersoneq pillugu isumaqatigiissut ") aatsitassarsiornermi aningaasaateqarfimmut inatsit malillugu isertitanut nassuiaassut annertuneruvoq.
3. Uuliakoornissamut upalungaarsimanermit atortut Cairn-imit Namminersorlutik Oqartussanut tunniunneqartut namminersoneq pillugu inatsit malillugu isertitanut nassuiaassummi ("Namminersoneq pillugu isumaqatigiissut ") pineqartunut ilaapput, kisiannili aatsitassarsiornermi aningaasaateqarfimmut inatsit malillugu isertitanut nassuiaassummi pineqartunut ilaanatik.

Allakkiami nalilersussavarput pissutsit pingasut taakkua pillugit Deloitte-p oqaaseqaatai eqqortuunersut imaluunniit aatsitassarsiornermi aningaasaateqarfimmut inatsit malillugu isertitanut nassuiaassut allamik imaqarnerseq.

1. Eqikkaaneq

Naliliinerput malillugu aatsitassarsiornermi aningaasaateqarfimmut inatsit malillugu isertitanut nassuiaassut pillugu Deloitte-p oqaaseqaatai, pissutsit taaneqartut pingasut taakkua arlaannannulluunniit tunngatillugu eqqunngillat.

Aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitat nassuiaassutaat malillugu, aatsitassarsiornermi aningaasaateqarfimmut inatsimmi aatsitassarsiornermit isertitat isumaqarpoq tassaasut Namminersorlutik Oqartussat (siusinnerusukkut Namminersornerullutik Oqartussat) aatsitassarsiornermit isertitanut pisinnaatitaaffiat pillugu inatsit malillugu aatsitassarsiornermit isertitat.

Namminersorlutik Oqartussat aatsitassarsiornermit isertitanut pisinnaatitaaffiat pillugu iantsit maannakkut tassaavoq namminersorneq pillugu inatsimmi § 7, § 7, imm. 1-imi oqaatigineqarpoq, Kalaallit Nunaanni aatsitassarsiorluni ingerlatanit isertitat, Kalallit Nunaanni Namminersorlutik oqartussat pisassarigaat. Namminersorneq pillugu inatsimmi § 7, imm. 2, aatsitassarsiornermit isertitat nassuiaassutaannik imaqarpoq.

Taamaattumik taamatuttaaq aatsitassarsiornermi aningaasaateqarfimmut inatsimmi § 3, imm. 3 malillugu, aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassummut, namminersorneq pillugu inatsimmi § 7, imm. 2-imi aatsitassarsiornermit isertitanut nassuiaassut aallaavigineqarpoq tamakkiisumillu taanna assigalugu.

Aammattaaq aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassut malillugu, inatsimmi § 50, imm. 1-imi inatsisip atuutilerneranut tunngasumi oqaaseq "aatsitassarsiornermit isertitat" nassuiaassummi pineqartunut ilaavoq. Tamatumani aamma inatsisissatut siunnersuummi § 50, imm. 1-imut nassuiaataaqqartut toqqaannartumik malinneqarput, tassani allassimalluni: "Aallaavigineqarpoq inatsisartut inatsisaata atuutilernissaata tungaanut Naalakkersuisut ukiut tamaasa Namminersornerusut aatsitassarsiornermik sammisaqarneranni isertitat naatsorsortassagaat, takuuk § 3, imm. 3, soorlu landskarsip naatsorsuutaani ilisimatitsissutit."

Naliliinerput malillugu uuliakoornissamut upalungaarsimanermut atortut, Cairn-imit Namminersorlutik Oqartussanut tunniunneqartut, namminersorneq pillugu inatsimmi § 7, imm. 2 malillugu isertitanut nassuiaassummi pineqartunut ilaapput, taamaalillutillu aamma aatsitassarsiornermi aningaasaateqarfimmut inatsimmi § 3, imm. 3 malillugu isertitanut nassuiaassummi pineqartunut ilaallutik.

2. Aatsitassarsiornermi aningaasaateqarfimmut inatsimmi aatsitassarsiornermit isertitanut nassuiaassut pillugu Deloitte-p oqaaseqaatai

Kukkunersuisartut suliffeqarfiata Inatsisartut Inuussutissarsiornermut Ataatsimiititaliaannut allakkiaq 28. august 2012-imeersoq suliarisimavaa. Allakkiami Deloitte aatsitassarsiornermi aningaasaateqarfimmut inatsimmi isertitanut oqaasertaq pillugu inatsisitigut naliliinermik saqqummiivoq.

Deloitte ilaatigut imaattumik allappoq:

"Tassunga atatillugu Namminersorneq pillugu Isumaqatigiissutip kiisalu Aatsitassarsiornermi Aningaasaateqarfimmut/Nunatta karsianut isertitarisassanut nassuiatigineqartut akornanni nalaatsortoqannginnissaa alaatsinaanneqartariaqarpoq. Taamaalilluni ilisimatitsissutigineqarsinnaavoq,

Namminersorneq pillugu Isumaqatigiissut naapertorlugu 2011-imi kr. 3 millioinit missaanni isertitaqarfiummat, soorlu aamma tamanna eqqortumik nalunaarusiarineqartoq, isertitali taakku Aningaasanut Inatsit (AI 66.01.03 & 66.01.05) naapertorlugu Nunatta karsianut isertitatut ilanngunneqarsimanngillat.

Namminersomeq pillugu Isumaqatigiisummi isetitarisassanut nassuiaatigineqartut Aatsitassarsiornermi Aningaasaateqarfimmut/Nunatta karsianut isetitarisassatut nassuiaatigineqartuniit imaqqortunerupput, tassami akuersissutinik tunniunneqartunit isetitarineqartussat sulluunniit ilaatinneqarmata. Cairni akuersissummik peqareermat, atortut Namminersorlutik Oqatussanut tunniussimasaat Namminersomeq pillugu Isumaqatigiisummi isetitarisassatut nassuiaatit naapertorlugit taakku tassunga ilaareerput, Aatsitassarsiornermi Aningaasaateqarfik/Nunatta karsiata naatsorsuutai malinnagit, soorlu Naalakkersuisut Hr. Uldumimut allakkatigut 12. april 2012-imeersutigut (qupp. 11) akissuteqamerminni tamanna oqaatigigaluaaraat."

3. Aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassut

Aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitat nassuiaassutaat imatut oqaasertaqarpoq:

"Imm. 3. Aatsitassanit isertitaqarnermi paasineqassaaq namminersornerusut Kalaallit Nunaanni aatsitassanik misissueqqaarnermi, misissuinermi paaanermilu isertitat, soorlu tamanna Namminersornerusut taamaattunik isertitaqarsinnaataaernerat pillugu inatsimmi eqqartorneqartoq. Aatsitassanit isertitanuttaaq ilaapput namminersornerusut aatsitassarsiornermik sammisaqarnermi peqataanerannit isertitat, ilaallutik isertitat namminersornerusunut tutsinneqartut selskabimi peqataanermi peqataanermi selskabimut atorneqartut, kiisalu selskabimi piginneqataassutinik tunisinermi namminersornerusut isertitaat."

Inatsisissatut siunnersuummi § 3, imm. 3-imut nassuiaatini ilaatigut allassimavoq:

"Oqariaatsip aatsitassanit isertitat isumaa aalajangiunneqassaaq Kalaallit Nunaanni aatsitassanik misissueqqaarnermi, misissuinermi atuinermilu Namminersornerusut isertitsissutigisinnaasaat pillugit inatsit qaqugukkulluunniit atuuttoq naapertorlugu.

Malittarisassat atuuttut maanna nassaarineqarsinnaavoq Kalaallit Nunaanni aatsitassat pillugit inatsimmi § 22-mi (aatsitassanut inatsit), takuuk inatsimmi nalunaarut nr. 368, 18. juni 1998-imeersoq, aamma § 3, imm. 2, Kalaallit Nunaanni ikummatissanik sammisaqarnermi selskabit isumaginnittut pillugit inatsit il.il. (Nunaoil-imut inatsit), takuuk inatsimmi nalunaarut nr. 87, 9. februar 1999-imeersoq."

Aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitat nassuiaassutaat malillugu, aatsitassarsiornermi aningaasaateqarfimmut inatsimmi aatsitassarsiornermit isertitat isumaqarpoq tassaasut Namminersorlutik Oqartussat (siusinnerusukkut Namminersornerullutik Oqartussat) aatsitassarsiornermit isertitanut pisinnaatitaaffiat pillugu inatsit malillugu aatsitassarsiornermit isertitat.

Namminersorlutik Oqartussat aatsitassarsiornermit isertitanut pisinnaatitaaffiat pillugu inatsit maannakkut tassaavoq namminersorneq pillugu inatsimmi § 7. § 7, imm. 1-imi oqaatigineqarpoq, Kalaallit Nunaanni

aatsitassarsiorluni ingerlatanit isertitat, Kalallit Nunaanni Namminersorlutik oqartussat pisassarigaat. Namminersorneq pillugu inatsimmi § 7, imm. 2, aatsitassarsiornermit isertitat nassuiaassutaannik imaqarpoq.

Taamaattumik taamatuttaaq aatsitassarsiornermi aningaasaateqarfimmut inatsimmi § 3, imm. 3 malillugu, aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassummut, namminersorneq pillugu inatsimmi § 7, imm. 2-imi aatsitassarsiornermit isertitanut nassuiaassut aallaavigineqarpoq tamakkiisumillu taanna assigalugu.

4. Aatsitassarsiornermi aningaasaateqarfimmut inatsimmi, inatsisip atuutilerfissaa pillugu § 50, imm. 1-imi oqariaaseq

Aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassut malillugu, oqaatsip "aatsitassarsiornermit isertitat" inatsimmi maleruagassani tamaginni atornerqarnera, nassuiaassummi nalinginnaasumik pineqartunut ilaavoq. Taamaattumik aatsitassarsiornermi aningaasaateqarfimmut inatsimmi § 3, imm. 3-imi aatsitassarsiornermit isertitanut nassuiaassummi, § 50, imm. 1-imi inatsisip atuutilerneranut tunngasumi oqaaseq "aatsitassarsiornermit isertitat", pineqartunut ilaavoq.

Tamatumani aamma inatsisissatut siunnersuummi § 50, imm. 1-imit nassuiaataaqqartut toqqaannartumik malinneqarput, tassani allassimalluni: "Aallaavigineqarpoq inatsisartut inatsisaata atuutilernissaata tungaanut Naalakkersuisut ukiut tamaasa Namminersornerusut aatsitassarsiornermik sammisaqarneranni isertitat naatsorsortassagaat, takuuk § 3, imm. 3, soorlu landskarsip naatsorsuutaani ilisimatitsissutit."

5. Cairn-ip uuliakoornissamut upalungaarsimanermut atortut pigisai

Naliliinerput malillugu uuliakoornissamut upalungaarsimanermut atortut, Cairn-imit Namminersorlutik Oqartussanut tunniunneqartut, namminersorneq pillugu inatsimmi § 7, imm. 2 malillugu isertitanut nassuiaassummi pineqartunut ilaapput.

Matuma siuliani allassimasutut aatsitassarsiornermi aningaasaateqarfimmut inatsimmi § 3, imm. 3-imi isertitanut nassuiaassummut namminersorneq pillugu inatsimmi § 7, imm. 2 malillugu isertitanut nassuiaassut aallaavigineqarpoq, taamaalillunilu nassuiaassutit taakkua assigiipput.

Naliliinerput malillugu uuliakoornissamut upalungaarsimanermut atortut taamaalillutik aamma aatsitassarsiornermi aningaasaateqarfimmut inatsimmi § 3, imm. 3 malillugu isertitanut nassuiaassummi pineqartunut ilaapput.

København, ulloq 17. november 2012

Per Vestergaard Pedersen

Deloitte
Statsautoriseret Revisionspartnerselskab
CVR-nr. 33 96 35 56
Imaneq 33, 6.-7. etage
Postboks 20
3900 Nuuk

BILAG

Telefon +299 321511
Telefax +299 322711
www.deloitte.dk

28.08.2012

Inatsisartuts Erhvervsudvalg
Att.: Udvalgssekretær David Jensen
Postboks 1060
Adresse2
3900 Nuuk

Kalaallit Nunaanni Aatsitassarsiornermi Aningaasaateqarfik

Isumaqatigiissuteqarnerput naapertorlugu Kalaallit Nunaanni Aatsitassarsiornermi Aningaasaateqarfik pillugu inatsimmi § 50-imut allannguutissatut siunnersuut, tassuuna aningaasat kr. 5 millioniniit kr. 75 millioninut qaffannissaannut tunngatillugu Inatsisartut Inuussutissarsiornermut Ataatsimiititaliaata aamma Inuussutissarsiornermut Aatsitassanullu Naalakkersuisup akornanni suliamik ingerlatsisimaneq misissuataarsimavarput nalilersuiffigalugulu.

Tunngaviatigut isumaqatigilluinnarparput, Aningaasaateqarfik eqqarsaatigalugu ingerlatsinerneq tunngasut isiginiarlugit aningaasat kr. 5 millioniniit qaffasinnerujussuarmut qaffatsinneqarnissaat naleqquttuusooq. Piumasaqaatit suuneri apeqquaatillugit aningaasat amerlassusaat nikerarsinnaapput. Uagut naliliinerput unaavoq, tassalu PWC-p 2012-imi aprilip 11-ani missingersuutit pillugit allakki-aliaa tapertarineqarsinnaalluartoq, tamatumami ersersimmagu maannakkut kr. 5 millioninut killiliisi-maneq assersuutigalugu kr. 75 millioninut allanngortissallugu pisariaqartoq.

Oqaatigineqassaaq, maannakkut pissutsit pitsaanngitsut atuuttut nunarsuarmilu aningaasaliisartut aarlerinartorsiornerat, aningaasaateqarfiup iluanaarutigisinnaasaatut naatsorsuutigisanut sunniuteqar-mat, taamaattumik aatsitassarsiornermit isertitat kr. 75 millionit sinnerlugit isertitaqarfiulerpat Anin-gaasaateqarfiup aatsaat aallartinneqarnissaa inassutigineqarpoq. Aningaasat kr. 75 millionit ataating-aatsiarlugit annertussusillit pissutsit atuuttut ilisimaneqartut atuutsillugit ukiullu tulliuttut atuuttussatut ilimagineqartut atuutsillugit iluanaarutit aningaasaateqarfiup ingerlatsinerneq aningaasartuutaanut matussutaasinnaanaviannngitsut nalilerneqarpoq. Pissutsit qaqugu pitsaanerulersinnaanerit oqaatigi-uminaappoq, taamaattumik mianersuussinissamik tunngaveqarnissaaq aallaavigalugu PWC-ip ilua-naarutigiumaagassatut missingiusiaata aallaavigineqarnissaa innersuussutigineqarpoq.

Pisup ingerlanerani Inuussutissarsiornermut Ataatsimiititaliap siunnersuutigaa erseqqissarneqassasoq, kr. 75 millionit taakkua tassaassatut aningaasannorlugit isertitarineqartussat, Aatsitassarsiornermi Aningaasaateqarfimmut iluanaarutaasumik. Siunnersuut tamanna isumaqarpugut pitsaasuusoq,

taamaalilluni pissutsit naatsorsuutiginnngisat pingaaruteqarsinnaasut, aningaasaateqarfiup pilersittari-aqarneranik piumasaqartoqalernissaanik kinguneqaqqunagit. Tassunga atatillugu Namminersorneq pillugu Isumaqaatigiissutip kiisalu Aatsitassarsiornermi Aningaasaateqarfimmut/Nunatta karsianut isertitarisassanut nassuiaatigineqartut akornanni nalaatsortoqannginnissaa alaatsinaanneqartariaqarpoq. Taamaalilluni ilisimatitsissutigineqarsinnaavoq, Namminersorneq pillugu Isumaqaatigiissut naapertor-lugu 2011-imi kr. 3 millionit missaanni isertitaqarfiummat, soorlu aamma tamanna eqqortumik nalu-naarusiarineqartoq, isertitalli taakkua Aningaasanut Inatsit (AI 66.01.03 & 66.01.05) naapertorlugu Nunatta karsianut isertitatut ilanngunneqarsimanngillat.

Namminersorneq pillugu Isumaqaatigiissummi isertitarisassanut nassuiaatigineqartut Aatsitassarsior-nermi Aningaasaateqarfimmut/Nunatta karsianut isertitarisassatut nassuiaatigineqartuniit imaqqortune-rupput, tassami akuersissutinik tunniunneqartunit isertitarineqartussat suulluunniit ilaatinneqarmata. Cairni akuersissummik peqareermat, atortut Namminersorlutik Oqartussanut tunniussimasaat Nammi-nersorneq pillugu Isumaqaatigiissummi isertitarisassatut nassuiaatit naapertorlugit taakku tassunga ilaa-reerput, Aatsitassarsiornermi Aningaasaateqarfik/Nunatta karsiata naatsorsuutai malinnagit, soorlu Naalakkersuisut Hr. Uldumimut allakkatigut 12. april 2012-imeersutigut (qupp. 11) akissuteqarner-minni tamanna oqaatigigaluraat. Assersuutigalugu ilaatigut oqaatigineqarsinnaavoq, tassalu qallunaat naalagaaffiata ineqarnermut oqartussaaffik Namminersornerullutik Oqartussanut tunniummassuk aamma USAp Kangerlussuup ilaa utertimmagu tamanna Nunatta karsianut aamma isertitaqarfusi-manngilaq.

Inatsisissatut siunnersuummi aammattaq siunnersuutigineqarpoq aningaasanut killiliussat ukiumoo-rtumik nalimmassarneqartassasut. Ataatsimiititaliap Naalakkersuisullu akornanni kalaallit imaluunniit qallunaat nalinginnaasumik akigitittagaat akissarsiaritittagaallu tunngaviutinneqassanersut oqallisigi-neqartareerpoq. Sukkulluunniit nalornisoortoqaleqqunagu tamanna erseqqissarneqartariaqarpoq.

Tamatuma saniatigut mississuisimanerput allanik oqaaseqaateqarnissamut pissutissaqartitsilersi-manngilaq.

Inussiarnersumik inuulluaqqusillunga

Peter A. Wistoft

Akuerisaasumik kukkunersuiisoq



Siulittaasoqarfik
/MAANI

Dato: 30. jul 2012
J.nr.: 01.36.02.03-00073

Aatsitassarsiornermi Aningaasaateqarfik pillugu Naalackersuisut allannguutissatut siunnersuutaanik Inuussutissarsiornermut Ataatsimiititaliap suliarinninnissaanut kukkunersuisunit Deloittemik ikiorteqarnissaq pillugu qinnuteqaat (UPA2012/52)

Soorlu Siulittaasoqarfiup tamanna ilisimareeraa – immikkoortoq 52-ip aappassaaneer-neqarnissaa UKA/2012-imut kinguartinnissaa Inuussutissarsiornermut Ataatsimiititaliap qinnutiginikuuaa. Inuussutissarsiornermut Ataatsimiititaliap suliamik suliarinninnera imaan-naasimangilaq, tamannalu ilaatigut arlaleriarluni Naalackersuisunik apersuineramik kiisalu allakkatigut aammalu apeqquteqaateqaqittarnertigut ingerlanneqarsimavoq.

Inatsisissatut siunnersuummut pisariaqartunut tungavilersuutitut oqaatigineqartut eqqarsaatigalugit Naalackersuisunik sukumiisumik attaveqaqateqartarneq ataatsimiititalia-mit naammaginarinneqarsimangilaq.

Siunnersuutip aappassaaneer-neqarnissaata UKA/2012-imut kinguartinneqarnissaa pillugu Inuussutissarsiornermut Ataatsimiititaliap Siulittaasoqarfimmud qinnuteqaateqarnerminut atatillugu aammattaq avataniit kukkunersuisunik ikiorteqarnissamut aningaasaliissutissa-nik Siulittaasoqarfimmud qinnuteqaateqartoqassasoq aalajangiivoq. Taamaaliornikkut Aatsi-tassarsiornermi Aningaasaateqarfiup ingerlanneqarnerata paasiuminaatsup ataqatigiis-sarneqarnerata paasisaqarfiginissaa ataatsimiititaliap kissaatigaa.

Missingersuusiornera

Ataatsimiititaliap allattaata suliaq tamanna pillugu Deloitte qanimut ataavartumillu oqaloqatigisarsimavaa. Suliaq tamanna paasiuminaatsortaqarmat ilaatigullu aamma Nam-minersorneq pillugu Inatsimmi isertitarisassatut nassuiaatigineqartut eqqarsaatigalugit Aat-sitassarsiornermi Aningaasaateqarfiup kiisalu Nunatta Karsiata naatsorsuutaanik suliarin-ninnermi periusaasartunut assigusut ilanngunneqartarmata misissuinissaq taamaattoq Al-lattoqarfimmi atorfillitanit suliarineqarsinnaassanngilaq. Deloittemit ilimagineqarpoq, taamatut misissuineramik suliaqarnissaq kr. 40.000-niit kr. 50.000-it tungaannut akeqarsin-naasoq. Taamaattumik misissuinissap tamatuma ingerlanneqarnissaanut matumuuna aningaasat taakkua ataatsimiititaliamit qinnuteqaatigineqarput.

Deloittemut aningaasartuutissat ataatsimiititaliap angalanissamut aningaasartuutissaaniit matussuserneqarsinnaasut ataatsimiititaliap paasilluarpaat. Ataatsimiititaliap angalanissa-mut missingersuutaanit kr. 420.000-sunit maannakkut kr. 404.000-nit sinnerupput. Ataatsi-miititaliap angalanissaanut aningaasaliissutit ukiumi matumani ataatsimiititaliap angalarusu-lissagaluarpat matussutaasinnaanissaat naammattutut isigineqarput aamma Deloittemut qulaani faaneqartunik akiliuteqartoqassagaluarpuunniit.

Siulittaasoqarfimmut ilisimatitsissutitut, ataatsimiititaliap isumaliutissiissutissatut missingiuarigallagaa, Deloittep misissuina sioqqullugu suliarineqartoq, ilannguppara.

Inussiarnersumik inuulluaqqusillunga



Naaja Nathanielsen

Inuussutissarsiornermut Ataatsimiititaliap Siulittaasua



Inatsisartuni ilaasortaq Andreas René Uldum, Demokraatit
MAANI

BILAG

Kalallit Nunaani aatsitassanut aningaasaateqarfik pillugu Inatsisartut inatsisaannut allannguutissatut siunnersuut pillugu Naalakkersuisunut § 37 malillugu apeqqummut nr. 2012-087-mut akissut

12. april 2012
Sagsnr. 2012-060499
Dok Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: islin@nanoq.gl
www.nanoq.gl

Inatsisartut suleriaasianni § 37 naapertorlugu Naalakkersuisunut makkuninnga apeqqutearputit.

Tunngavilersuut:

Assortorneqarsinnaanngitsumik piviusuuvoq aningaasaatitta killeqartuarnerat. Taamaatumik pingaarnersiuuartariaqarpugut. Qanorluunniit iluanaarnartigisunik nassaartigingaluarutta, aningaasartorfissanik nassaartortuartaavugut, isertitat nutaat amerlaqaannik. Maannakkut aatsitassarsiornermi isertitat amerliartorfianni taamatut aningaasarsiornikkut pissusilersornerup nassatareriaannaava aningaasarsiornerup "hollandimiutut nappaateqalernera". "Hollandimiut nappaataat" tassaavoq nunami inuiaqatigiit aningaasnik aatsitassarsiornikut iserittanik atuivallaalernerat pissutaalluni.

Taamatut ajornartorsiortoqaleratarsinnaanera pinaveersaartinniarlugu aamma nassuerutigalugu politikkikkut aningaasarsiornermi killilimmik akisussaassuseqartarnerput, 2008-mi Inatsisartuusut aalajangerpaat aatsitassarsiornermi aningaasaateqarfiliortoqasasooq norskit uuliasiornermi aningaasaateqarnerat issuarlugu.

Aatsitassarsiornermi aningaasaateqarfik ukiut arfineq-pingasut matuma siorna aallartinneqarpoq, taamani Namminersornermut, Aatsitassanut aamma Inatsisunik Atortitsinermut Naalakkersuisuusoq ulloq 27. august 2004 Sermersiami pingaarnertut allaaserisami allamat qulequtserlugu "Kalaallit Nunaanni uuliasiornermi aningaasaateqarfik" tassani siumut isigaluni uuliasiornermut aningaasaateqarfeqalernissamat takorluukkani saqqummiussorpai. Taamani Naalakkersuisunut ilaasortaasooq ima ersaritsigisumik oqarpoq, aningaasaateqarfik pilersinneqartariaqartoq kikkut tamarmik uuliamik pututinneqarlutik iluamik eqqarsarsinnaajunnaartinnagit. Tassa 2004-mili ersarissumik politikkikkut takuneqarpoq uuliasiornermi aningaasarpasuit isaalerpata pisariaqartoq sipaarnissaq kinguaariit tulluuttut siunissami atungarissaarnissaat qulakkeerumallugu aamma aningaasap nalikilliarturnera pinngitsoortinniarlugu aamma aningaasartuutit qaffatsaallorniarlugit (naalagaaffiup tapiissutaanik nalikillititsisumik).

Eqqarsaatit taamaattut aamma eqqarsaataapput 2008-mi aatsitassarsiornermi aningaasaateqarfik pillugit inatsit akuersissutigineqarmat (UKA2008/6). Inatsit akuersissutigineqarpoq Inatsisartuni ilaasortanit tamanit, taamani allannguutissat pitsaasut akuerineqarnerannut atatillugu aningaasaateqarfiup ilusissaa annertusarneqarpoq qulakkeerneqar-

lunilu, politikerit aningaasanik tullerilaarinissaminnut sapiissuseqannginnerat pissutigalugu aamma aalajangerneqarpoq aningaasaateqarfik ukiumoortumik aningaasanut inatsisini amingartoorutinut matussusii sartussatut ator neqassanngitsaq.

Inatsisip 50-ani allaqqavoq:

"Inatsisartut inatsisaat atuutilissaaq 1. januar, ukiumi tulliuuttumi Inatsisartut landskarsip naatsorsuutaannik siullermeerluni akuerininnerannit, tassani ersersinneqassalluni ukiumi naatsorsuuseriffiusumi Namminersornerusut aatsitassanit isertitaat ikinnerpaamik 5 millioner koruuniusimasut".

Eqqissisimanngissutigisannik takulerpara, Naalakkersuisut aatsitassarsiornermut aningaasaateqarfik pillugit inatsimmi aalajangersakkap taakkuma allanngortinnissaanut siunnersuuteqalersaartut (UKA2012/52) – inatsisissatut siunnersuutiginiarneqartoq akissusaassuseqartumik aningaasarsior toqarnissaanut isummamut, Inatsisartut ukiorpaalussuannngortuni tapersorsimasasaanut akerliuvoq, aningaasatigut killissarititaasoq 5 mio. koruuninik 75 mio. koruuninut qaffanniarneqaler mat.

Eqqissisimanerulingilanga, Sermitsiaq nr. 10 ulloq 9. marts 2012-mi saqqummersumi atuarakku paatsiveqanngitsumik inatsisissatut siunnersuutip saqqummiunneqarnera aamma tamatumunnga tunuliaqutaasut.

Apequt 1:

FM2012/52 –mut atatillugu saqqummiussiner mi oqaatigineqarpoq, siunnersuutip siunertarigaa Namminersorlutik Oqartussat naalagaaffiup tapiissutaasa ingiaqatigiittumik ikilikkiaartuaarnissaanut aningaasat killissarititaasut qulakkeerneqassasut. Matumani eqqarsaatigineqarpoq Namminersorneq pillugu Inatsimmi § 8, taanna aalajangersagaq naapertorlugu naalagaaffiup tapiissutai ikilissineqassapput, namminersorlutik oqartussat aatsitassarsiornermi isertitaasa ukiut arlaanni 75 mio. koruunit sinnissagalu arpatigit. Kisisit taanna akit akissarsiallu qaffakkiaortnerat malillugu naleqqussarneqartassaaq ukiumi pineqartumi, aningaasanut inatsimmi (danskit) namminersorneq pillugu inatsimmi § 8 imm. 2 naapertorlugu.

Aatsitassarsiornermi aningaasaateqarfiup allanngortinnissaa pillugu inatsisissatut siunnersuummi saqqummiunneqartumi naleqqussaasarnissamut atatillugu siunertarineqarpoq ingiaqatigiittumik ikilikkiaartuaartitsinissaaq, inatsisissatut siunnersuutip normu 2-ani siunnersuutigineqarmat 75 mio. koruuninik killeqartitsinerup naleqqussarnissaa "ukiumi pineqartumi aningaasanut inatsisissami naloginnaasumik akit akitsuutillu qaffakkiaortnerannut tulluuttunngorlugu". Naleqqussaaneq tamanna pissaaq 1. januar 2010 aallarnerfigalugu; tassa imaappoq atortussanngortillugu kingumootumik ukiunik marlunnik.

Aatsitassarsiornermi Aningaasaateqarfik pillugu inatsit kalaallit inatsiserimmassuk, tassungalu atatillugu oqartoqarmat "aningaasanut inatsit" soorunami naatsorsuutingaarput kalaallit nunaanni aningaasanut inatsit pineqartoq. Kalaallit nunaata aningaasanut inatsisaani aningaasaliissutit naleqqussarneqarneq ajorput danskit aningaasanut inatsisaanni procentit taaneqartut malillugit. Nalogiissaanissamik siunertaq taamaasilluni taamaallaat ukiumi ataatsimi atuuttussaasooq – tassa inatsisissatut siunnersuummi siunertarineqartut akerlerluinnaanik.

Naalakkersuisunut uppersaqquneqarpoq aatsitassarsiornermi aningaasaateqarfik pillugu inatsisissatut siunnersuummi qulaani taaneqartumi tunngavimusasoq paatsuuneq imaluunniit imaqartoq piniarani kukkunernik. Tassunga atatillugu ilisimatitsissutigequssavarput, inatsisissatut siunnersuummut atatillugu Aningaasaqarnermut Pisortaqarfik tusarniaanermut atatillugu akissuteqarnermini tamanna paatsuiner-tut/kukkunertut tikkuarsimaneraa.

Akissut:

Kukkusoqanngilaq. Inatsisissatut siunnersuummut nassuiaatini erseqqissumik takuneqarsinnaavoq Kalaallit Nunaanni Namminersorneq pillugu inatsimmi § 8, imm. 2-imut naapertuuttumik inatsisitigut maleruagassaqaartitsisoqassasoq, tassa imaappoq inatsisitigut maleruagassaqaartitsineq "*ukiumi pineqartumi aningaasanut inatsimmi akinut aningaasarsianullu naleqqersuutini nalinginnaasuni qaffaanermut naapertuuttumik.*" pissa-soq inatsisissatut siunnersuummi allassimatillugu, danskit aningaasaqarnermut Inatsisaannut innersuussisoqartarpoq.

Inatsisissatut siunnersuummut nassuiaatini allassimavoq Aningaasaqarnermut Naalakkersuisoqarfik oqaaseqaatissaqarsimanngitsoq.

Apeqqu 2:

Inatsimmut allannguutissamut siunnersuutip kinguneranik Namminersorlutik Oqartussat aatsitassarsiornermi isertitaat Aatsitassarsiornermi Aningaasaateqarfimmut nakkaqqaartassapput, Namminersorlutik Oqartussat aatsitassarsiornermi ukiumi ingerlasumi ataasimi isertitaat 75 mio. koruuninik amerlanerusimangaangata, taakkulu aningaasat, namminersorneq pillugu inatsit naapertorlugu amerlaqataannik naalagaaffiup tapiissutai ilanngarneqartassapput.

Saqqummiussinermi takuneqarsinnaavoq, taamatut ingiaqatigiittumik ikilisikkiartuaartitsinissaq inatsisissatut siunnersuutip siunertarigaa, kisianni takuneqarsinnaanngilaq taamatut ingiaqatigiitsinermi iluaqutissatut Naalakkersuisut suut takusinnaaneraat.

Inatsisissamut oqaaseqaatit inatsisissap pingaarnersaanut nassuiaatitaani suna pineqarner-soq takuneqakannerneqarsinnaavoq:

"Aatsitassarsiornermi Aningaasaateqarfik pillugu Inatsisartut inatsisissaa-ta allanngortinneqarnissaanut siunnersuuteqarnikkut, Namminersorlunilu oqartussaaneq pillugu inatsimmi Naalagaaffiup tapiissutaasa ikilisikkiar-tuaarneqarnissaanut aalajangersakkat pillugit inatsisip imaa kiisalu piffis-samut, Kalaallit Nunaata Aatsitassarsiornermi Aningaasaateqarfiata pilersinneqarnissaanut pisariaqartitsilerfiusumut naapertuutilernissaat anguneqassaaq."

Allatut oqaatigalugu ingiaqatigiitsinerup qulakkiissavaa, Aatsitassanut Aningaasaateqarfik pilersinneqassanngitsoq, aatsaalli tamanna pissa-soq aatsitassarsiornermi isertitait ima amerlatigilerpata allaat naalagaaffiup tapiissutai ilanngarneqarsinnaalerlutik taamaasillunilu "Kalaallit Nunaanni Aatsitassanut Aningaasaateqarfiup pilersinnissaa pisariaqalissaaq".

Kalaallit Nunaanni Aatsitassanut Aningaasaateqarfilliortoqarnissaanut inatsimmik akuer-seqataasimasunut tunngavilersuutigineqartoq tupaallannarsimassaaq eqqarsaatigilluan-gaarpasinnanilu.

Eqqarsaataagaluarpormi, Aatsitassanut Aningaasaateqarfik, naalagaaffiup tapiissutai ikilisinneqartalerpata, Namminersorlutik Oqartussanut aningaasanik tunniussisalertus-saavoq, Namminersorlutik Oqartussanut naalagaaffimmit tapiissutit ikileriaataasa amer-laqataannik. Tamanna inatsisartut inatsisaata § 7-ata imm. 2-ani ersarissumik allaqqa-voq.

Allatut oqaatigalugu Inatsisartut inatsisaata qulakkeertussaavaa ingiaqatigiitsinissaq piffissami naalagaaffiup tapiissutaasa ilanngarterneqalerfianni kiisalu piffissami Nammi-nersorlutik Oqartussat aningaasanik Aatsitassarsiornermut Aningaasaateqarfimmiit tigu-sisalernerisa nalaani. Aningaasaateqarfimmut akiliutit paarlattuaniq aallartinneqassap-put, aatsitassarsiornermi isertitat aningaasaateqarfiup ingerlanneqarnerani aningaasar-tuutiniq matusisinnaalerpat.

Aatsitassarsiornermut Aningaasaateqarfiup isumagaa, aatsitassarsiornermi isertitanik milluaanissaq – pisortat atuivallaalernissaat pinngitsoortinniarlugu, tamanna kingune-qassapat aningaasap nalikillineraniq unammillersinnaassutsillu innarlerneqarneraniq. Kisianni aningaasap nalikillinissaa unammillersinnaassutsillu innarlerneqarnissaa aat-saat pilernaviangilaq, aatsitassarsiornermi isertitat ukiumut 75 millioner koruunit mis-saanni amerlassuseqalerpata.

Peqataanik aamma akorngutaanaviangilaq, Aatsitassarsiornermut Aningaasaateqar-fiup Namminersorlutik Oqartussanut akiliisalerinissaa sioqullugu aningaasanik katersi-galuarpat erniortitsillunilu akilertagassaminut ilaannakoortumik tamakkiisumilluunniit atortagassaminik!

Tamanna tunngavigalugu Naalakkersuisut qinnuigissavakka, inatsisip atuutilerfissaanut naleqqiullugu (taamaasillunilu aningaasaateqarfiup pilersinneranut) Namminersorlutik Oqartussat qanoq amerlatigisunik aatsitassarsiornikkut isertissinnaasaanut namminer-sorneq pillugu inatsisip killigititaa eqqarsaatigalugu Naalakkersuisut qinnuigissavakka itisileqqullugu suut iluaqutissat Naalakkersuisut isigineraat, naalagaaffiup tapiissutai ilanngartilinnikkaluarlugit.

Akissut:

Saqqummiussissummi oqaatigineqartutut, aningaasaateqarfiup pilersinneqarnerani ilua-naarutissat allaffissornermut aningaasartuutiniq nungunneqannginniassammata ima-luunniit aningaasaatinut tunngaviusut nungunnginniassammata, aningaasaatinut tunng-aviusussat qularnaarniarlugit aningaasartanut killissaliussat qaffanneqarnissaat Naa-lakkersuisut kissaatigisimavaat. Aningaasartat 75 mio. koruuninut qaffanneqarneranni, ukiut tullini aningaasaateqarfimmut akiliisoqanngikkaluarpalluunniit aningaasaateqar-fimmiittut amerllartorsinnaanissaannut aningaasaatinut tunngaviusut annertuujutinnis-saat qularnaarneqassaaq. Tassunga atatillugu eqqumaffigineqassaaq maannakkut atuutsitsilernissamut aalajangersakkat malillugit, ukiumi ataatsimi aatsitassarsiornermit isertitat 5 mio. koruuninut amerlanerusimappata, taakkua ukiorpassuarni tulliuuttuni 0 ko-ruuninngorlutik annikillingaluarpataluunniit, aatsitassarsiornermi aningaasaateqarfik pi-lersinneqartussaammat.

Aamma apeqqummut 4-imut akissuteqaat takuuk.

Apeqqut 3:

FM2012/52-mik saqqummiussinnermut atatillugu oqaatigineqarpoq "Kalaallit Nunaata Aatsitassarsiornermut Aningaasaateqarfia pillugu Inatsiartut inatsisaat 2008-mi akuerineqarmat Kalalalit Nunaata Namminersorlutik Oqartussat pillugit inatsit suli akuerineqarsimangilaq, aatsitassanillu isertitat taakkulu nassuiaataanni aningaasat namminersorlutik oqartussat inatsisaannit malitsigisatut killissarittaasut suli taamani ilisimaneqarsimanatik".

Aatsitassarsiornermut Aningaasaateqarfik pillugu Inatsisartut inatsisaat akuerineqarpoq ulloq 26. november 2008, ulloq kalaallit nunaata namminersulernissaa taasisutigineqarmat aqaguani. Kalaallit Nunaata namminersulernissaa pillugu inatsit akuersissutigineqarpoq ulloq 19. maj 2009. Taamaasilluni pisortatigoortumik saqqummiussami oqaatigineqartut eqqorput.

Kalaallit Nunaata namminersulernissaa pillugu inatsit inatsisissatu siunnersuummik tunngaveqarpoq, taanna suliarineqarpoq Namminersorneq pillugu Ataatsimiititaliarsuarmit kalaallinik danskinillu inuttaqartumit ataatsimiititaliarsuup isumaliutissiissutaanut ilanngullugu. Inatsisissatut slunnersuummi tassani aatsitassarsiornikkut isertitassat aningaasartaat killillerneqarpoq 75 mio. koruuninut, inatsisissatut siunnersuutip § 8-ani imm. 1 naapertorlugu:

" § 8. Aatsitassiorneq aqputigalugu Kalaallit Nunaanni Namminersorlutik Oqartussat isertitaqarpata, takuuk § 7, Naalagaaffiup Namminersorlutik oqartussanut tapiissutai ikilisinneqassapput, ukiumi pineqartumi isertitat 75 mio. koruunit qaavatigut isertinneqartut affaasa amerlaqataannik"

Kalaallit danskillu Ataatsimiititaliarsuata isumaliutissiissutaa, Kalaallit Nunaata Namminersulernissaa pillugu inatsisissatut siunnersuut ilanngullugu, atsiorneqarpoq ulloq 17. april 2008. Isumaliutissiissut taamani namminersornerullutik oqartussanut tunniunneqarpoq Katuami pingaartorsiualaarnermi ulloq 6. maj 2008 nal. 10.00.

Namminersorneq pillugu ataatsimiititaliarsuup inuttalersorneqarsimanagera eqqarsaatigalugu qularnarpoq eqqarsaatigissallugu arlaata qularutigisimassagaa, Kalaallit Nunaata Namminersulernissaa pillugu inatsit Folketingimi amerlanerussuteqartunit akuerineqarumaartoq.

Aamma taamani aningaasaqarnermut ataatsimiititaliaasup UKA08-mi aatsitassarsiornermut aningaasaateqarfik pillugu isumaliutissiissutaani erserpoq:

" Siunnersuut manna saqqummiunneqaaqqaarpoq UKA2007-mi suliarisassanngorlugu. Isumaqartoqarmat siunnersuutip suliarinissaanut Namminersorneq pillugu Ataatsimiititaliarsuup suliata naammassinissaa utaqqaarneqartariaqartoq, siunnersuutip siullermeernissaa kinguartinneqarpoq UKA08-mut". (UKA 2008/6).

Tamanna tunngavigalugu Naalakkersuisut qinnuigissavakka uppersaqqullugu, Kalaallit Nunaanni Aatsitassarsiornermut Aningaasaateqarfik pillugu Inatsisartut Inatsi-

saat akuerineqarmat taamani Naalakkersuisuusut qularisimangilluinnaraat, namminersorneq pillugu inatsimmi aatsitassarsiornermi isertitassatut killiliunneqartoq 75 mio. koruuninut aalajangiunneqarumaartoq, 5 mio. koruuninuunngitsaq, kisitsit taanna isertitassatut killiliunneqarpoq Kalaallit Nunaanni Aatsitassarsiornermut Aningaasaateqarfik pillugu Inatsisartut Inatsisissaata atuutilernissaanut.

Aamma qinnutigissuara – tamanna tunngavigalugu – Naalakkersuisut uppersarsassaagaat, saqqummiussinermi oqaatigineqartutut qulaani issuarneqartoq tunngavissaaruttoq ajornerpaassappallu Inatsisartut inuiaqatigiillu isumaqalersinneqarsinnaasut, Kalaallit Nunaanni Aatsitassarsiornermut Aningaasaateqarfik pillugu Inatsisartut Inatsisissaata ilusilersorneqarnera amingartunik tunngaveqarluni sananeqarsimasoq.

Akissut:

Taamanikkut Naalakkersuisuusut Namminersorneq pillugu inatsimmi aningaasartanut killissaliussaq 75 mio. koruuniussasooq aalajangersimasumik qularisimangikkaat maannakkut Naalakkersuisuusut oqaaseqarfigisinnaangilaat.

Saqqummiussissummit issuaaneq iluoorpoq. Namminersorneq pillugu isumaqatiginninniarnermut atatillugu pingaartumik aatsitassarsiornermut suliassaqarfik aammalu isertitat agguataarnissaat isumaqatigiinngissutaasimapput. Kalaallit Nunaanni Namminersorneq pillugu inatsisissamut missingiut aningaasartat 75 mio. koruuniutillugit ilanngullugit sularineqareeraluartoq, isumaqatiginninniarnert suli naammassismanngimmata aningaasartassanut killissaliussaq 75 mio. koruuniussasooq qulakkeerneqarsimangilaq.

Kalaallit Nunaanni Namminersorneq pillugu inatsisissamut siunnersuutip kiisalu Kalaallit Nunaanni Namminersornermut atatillugu pissutsit assigiinngitsut pillugit inatsisissatut siunnersuutip aamma Kalaallit Nunaanni Namminersorlutik Oqartussat suliassanik tigusinerannut atatillugu sulisoqarnermi apeqqutit aalajangersimasut pillugit inatsisissap akuerineqarnissaannut suliniuteqarnissaq, Namminersorerullutik Oqartussat danskit naalagaaffiannut kaammattuuteqassasooq pillugu Inatsisartut aalajangiiffigisassaattut siunnersuut Inatsisartut ulloq 28. november 2008 sularaat. Taamaattumik Naalakkersuisut aatsaat aalajangiiffigisassatut siunnersuutip aappassaanneerneqareernerani suli Inatsisartut aalajangiinerat naalagaaffimmut nalunaarutigisinnaasimavaat.

Kalaallit Nunaanni Namminersorneq pillugu inatsisissatut siunnersuutip sularineqarnissaa sioqqullugu tamanna Statsministeriamut tusarniaassutigalugu nassiunneqarpoq. Taamaattorli tusarniaanermut akissuteqaatit inatsisissatut siunnersuummi imaluunniit tassunga oqaaseqaatini allannguuteqartitsinissamut pissutissaqartitsinngillat, kisiannili aamma tusarniaanerup ingerlanera ataqqillugu aningaasartanut killissaliussaq 75 mio. koruuniussasooq tunngavigineqaannarsinnaasimangilaq.

Apeqqut 4:

Saqqummiussinermi erserpoq *"Naalakkersuisut massakkut isumaqartut, 5 mio. koruuninik aningaasaateqarluni aallartinnissaq naammakkunnaartoq aningaasaateqarfiup siulersuisoqarneranut, aqutsisoqarneranut allaffissornermullu aningaasartuutinut akissat iluanaarutigineqarsinnaanaviannngimmata."* (Uanga ersarissaatiga).

Inatsisartut inatsisaat atuuttoq 2008-mi akuerineqarmat tagginneqarpoq 5 mio. koruuninik aningaasaateqaraanni iluanaarutinit aningaasartuutit matuneqarsinnaalluurtut. Taamaakkunnaarsimappat taava pissutaasimassaaq, siulersuisunut, aqutsisunut allaffissornermullu ullumikkut aningaasartuutit 2008-mut naleqqiullugu qaffasinnerulersimasut imaluunniit naatsorsuutigineqarsinnaajunnaartoq naammattunik amerlassusilinnik iluanaaruteqartoqartarnissaa (imaluunniit pissutsit pineqartut tamarmik ataatsikkoornerat pissutaasoq).

Inatsisartut Inatsisaat atuuttoq akuersissutigineqarmat siulersuisunut aqutsisunullu ukiumoortumik ingerlatsinermut aningaasartuutit nalilerneqarput aallaqqaataaniik minnerpaamik ukiumut 450.000 koruuniussasasut. (Tamanna erserpoq inatsisissamut oqaaseqaatini).

Piffissami 2008-miit 2011-mut akinut malinnaatitsilluni naleqqussaaneq Kalaallit Nunaanni Naatsorsueqqissaartarfik naapertorlugu indeks 100-miit indeks 107,9-mut qaffannikuvoq. Tassa imaappoq, 8 procentit ataatilaarlugit akit qaffapput. Ullumikkut qulannngitsumik naatsorsuutigisariaqarpoq aatsitassarsiornermi aningaasaateqarfiup ingerlannera akitsorsimassasoq 8 procentinik angineramik 2008-misut, inatsisartut inatsisissaat akuerineqarmat.

Iluanaarutit assiganik qaffassappata, Aatsitassarsiornermi aningaasaateqarfiup aningaasaatai qaffattariaqarput, akinik malinnaatitsinerup kinguneranik naleqqussaataasut amerlaqataannik, tassani 8 procentinik. Allatut oqaatigalugu aningaasanut killissarittaasoq 400.000 koruuniinnanguanilluunniit qaffassagaluarpat naammattussaapput allaffimmi aningaasartuutitut matussutigissallugit, akit qaffakkiartornerat malillugu

Naalakkersuisut ilisimaneqartutut siunnersuutigaat inatsisip atuutilernerani aningaasat killissaat 75 mio. koruuninut qaffanneqassasoq. Siunnersuutip taamaallaat siunertaripagu, aningaasat nalikilliarbornerannik pissuteqartumik allaffissornermi aningaasartuutit qaffannerinnut akissaqarnissaaq, taava 5,4 mio. koruuninut aningaasat killilerneqartuupata naammassimassagaluarpoq.

Inatsisissatulli siunnersuummi aamma eqqarsaatigisariaqarpoq Aatsitassarsiornermi aningaasaateqarfiup aningaasaataasa taama annertutigisumik iluanaarutitaqarsinnaajunnaarnerat. Tamatumani assersuutigineqarsinnaapput pappiaqqat nalillit obligationit sivilisuumik atasartut erniaavisa ineriartornerat.

2008-mi aatsitassarsiornermi aningaasaateqarfik pillugu inatsisartut inatsisissaat akuersissutigineqarmat, obligationit sivilisuumik atasartut ukiumut erniaqartarput 5,7 procentinik. Ullumikkulli 4 procenti ataateqqalaarpaa. Tassa imaappoq erniaat 30 procentit missaanni appariarsimapput.

Tamatumani Aatsitassarsiornermi aningaasaateqarfiup iluanaarutissaanik isumalluarpal-laarunnaartitsisariaqarunalarpoq. Iluanaarutit allaffissornermi aningaasartuutitut akil-iutigissallugit naammassappata, aningaasaatit minnerpaaffiaat 30 procentinik qaffattariaqaralarpoq tassa aningaasat 1.620.000 koruunit amerlaqataannik (aamma aningaasartuutit qaffakkiartornerat ilanngunneqassappat).

Aningaasaatit minnerpaaffissaat 5 mio. koruuniusoq 2008-mi Aatsitassarsiornermut aningaasaateqarfiup allaffissorneranut aningaasartuutininik matussutigissalugu naammattut isigineqartoq, taamaasilluni naammakkunnaarpoq. Akit erniallu ineriartornerisa pisariaqartippaat aningaasaat minnerpaaffissaat 6,7 mio. koruuniusariaqartoq.

Naalakkersuisulli siunnersuutigaat aningaasaatit 75 mio. koruuninut killilernerqassasut. Taakkualu aningaasaateqarfiup allaffissornermut aningaasartuutaanut naleqqiullugu amerlaneroqaat tamatumalu kinguneranik aamma aningaasaateqarfiup pisariaqanngitsumik aatsitassiornermi isertitassani amerlasuut annaassavai.

Naalakkersuisut qinnugineqarput uppersarsaqullugu aningaasat killissaat 10 mio. koruuniuppat (GA-p tusarniaanermut atatillugu akissutaani siunnersuutigineqartut) massakkut erniaavi Aatsitassarsiornermi Aningaasaateqarfiup aningaasartuutaanut matussutigissallugit naammassagaluartut.

Akissut:

Aningaasartanut killissaliussap 10 mio. koruuninik annertussuseqartup aningaasaateqarfiup aningaasartuutaanut qularnaarisinnaanissamut naammattumik iluanaaruteqarfiusinnaanissaanut qularnaarisinnaassasut naatsorsuutigineqarsinnaanersoq Naalakkersuisut uppersarsarsinnaanngilaat, tamanna aktianut obligationinullu niuerfimmi ineriartorneq Naalakkersuisut siumut eqqoriarsinnaagaat piviusumik isumaqassammat.

§ 27 naapertorlugu aningaasaateqarfiup aningaasaataasa inissinneranni, toqqissimanartumik qularnaveeqquteqarnissap aammalu sapinngisamik annertunerpaamik iluanaaruteqarnissap anguneqarnissaa siulersuisut qulakkeertussaavaat. Aningaasaliinerup isikkussaa, ilanngullugu annaasaqarsinnaanerup iluanaaruteqarnissallu akornanni oqimaalutaanissaq siulersuisut akisussaaffigisussaavaat. Annaasaqarsinnaaneq annertusippat imaluunnit annertuppat, iluanaarutissat qaffassasut imaluunnit qaffasissasut piumasaqaatigineqartussaammat, annaasaqarsinnaaneq iluanaaruteqarnissarlu nalinginnaasumik ataqatigiltarput. Taamaattorli naatsorsuutigineqartariaqarpoq siulersuisut, pingaartumik aningaasaateqarfiup pilersinneqareernerata kingorna ukiumi siullermi, qularnaveeqquteqarnissap qaffasissuunissaa pingaartittussaavaat, taamaalillutillu annertuumik iluanaaruteqarnissaa anguniartussaaganu. Suliaqarnermi tamanna isumaqarpoq pingaartumik obligationinut qularnaatsunut inssiisoqassasoq, aammalu maannakkut erniat annertussusaat malillugit 2 – 3 %-imik iluanaaruteqassasoq naatsorsuutigineqassalluni.

Aningaasartat minnerpaamik 450.000 koruuniusut qanoq nassaarineqarsimanersut aallaqqaammut naatsorsuinerit nassaariernerat ajoraluartumik iluatsissimangilaq. Taamaattorli inatsissatut siunnersuummut nassuiaatini allassimavoq, 400 mio. koruunit inorlugit kaaviiartitaqarnermi siulersuisut aningaasarsiaqartinneqarnissaannut malittarisassat atuuttut malillugit siulersuisuni siulittaasumut ukiumut 70.000 koruuniusoq, aammalu siulittaasup tullianut aamma siulersuisuni ilaasortat sinnerinut ukiumut 35.000 koruuniulluni. Tamanna siulersuisunut aningaasarsiaqartitsinermuinnaq ukiumut 210.000 koruuninik aningaasartuuteqartitsisussaavoq. Tassunga ilanngunneqassapput allattoqarfimmut aningaasartuutit, ilanngullugit pisortaq aamma sulisut ataaseq arlallilluunnit (ilimanarluni ullup ilaannaa sulisussat), allattoqarfimmik pilersitsineq ingerlatsinerlu, kukkunerisuiusumut aamma aningaasaatinik ingerlatsisumut aningaasartuutit

il.il. Aningaasaatinut tunngaviusut annikippata, aningaasaatinik ingerlatsisumut (-isunut) aningaasartuutit annertujaartussaapput. Taamaattumik ukiumi siullermi aningaasaatinut tunngaviusut killeqartuinnaaneranni ingerlatsinermut aningaasartuutit ataatsimut katillugit minnerpaamik 1,0 mio. koruuniussasut missiliorneqarpoq. Aningaasaatinut niuerfimmi maannakkut iluanaarutit annertussuseqartinneqarneranni, ingerlatsinermut aningaasartuutit kisiisa matussusernissaannut minnerpaamik 20 - 30 mio. koruuninik aningaasaatinut tunngavissaqartariaqarpoq.

Aningaasaateqarfimmi siulersuisunil ilaasortat piginnaaneqarnissaannut inatsit annertuumik piumasaqaateqarpoq. Taamaallit siulersuisut ataatsimut katillutik inatsitigut pissutsit, aningaasaatinik ingerlatsineq aamma aningaasaliisarneq kiisalu aatsitassarsiorluni misissuinermit piiaanermullu tunngatillugu aningaasaqarnikkut inuussutissarsiornikkullu pissutsit pillugit qaffasissumik ilisimasaqartussaapput. Siulittaasumut siulersuisunullu ilaasortanut aningaasarsiarititassat, siulersuisunut pikkorissuseqarluartunut aningaasarsiaqartitsisarnermut niuerfimmi annertussuseritinneqartartunut assiguttingikkaanni, siulersuisunik piginnaanerisassanut piumasaqaatinik naammassinnissinnaasunik nassaarniarnissaq ajornakusoorsinnaavoq. Taamaattumik nassuiaatini siulersuisunut aningaasartuutitut missiliuinerit atorsinnaajunnaarsimassasut ilimagisariaqarpoq, taamaattumillu aningaasarsiat siulittaasumut 70.000 koruuninut aammalu ilaasortat sinnerinut 35.000 koruuninut qaffasinnerungaatsiassasut ilimagisariaqarluni. Tassunga atatillugu naatsorsuutigineqartariaqarpoq siulersuisunut ilaasortat piginnaanerisassaanut piumasaqaatit suli annertusiarortussaasut, takuuk assersuutigalugu aningaasaqarnermut suliaasaqarfimmi siulersuisunut piumasaqaatit annertusiarortnerat.

Ingerlatsinermut aningaasartuutit ataatsimut katillugit siuliani missiliuinermit 1,0 mio. koruuniusumit qaffasinnerungaatsiarnissaat piviusumik aarlerinaateqarpoq, tassani annertussuseq 2,0 mio. koruuninut tikillugit piviusorsiornerusoq paasinarsisinnaalluni.

Taamaattumik aningaasaateqarfiup aningaasaataannit iluanaarutit ingerlatsinermut aningaasartuutit kisiisa matussusersinnaaginnarnagit, aamma taakkuninnga annertunerunissaat annertuumik qulakkeerneqartussanngorlugu annertussuseqalersillugu, aningaasartassanut killissaliussat qaffanneqarnissaat Naalakkarsuisut kissaatigisimavaat, taamaallit aallaqaataaniit Aatsitassarsiornermi aningaasaateqarfimmi ingerlatsinermut piujuartussamik tunngavissaqarnissaa qularnaarneqassalluni. Aamma aatsitassarsiornermit isertitat aningaasaateqarfimmik aallartitsisussaasut ataasiaannartumik taamaallaat pisuusut, imaluunniit isertitat ilai "atortutigut pigisaasut", piviusumik iluanaaruteqarfiunatik paasinarsissagaluarpat. Kalaallit Nunaat nunatut aatsitassarsiorfittut ingerlalluurtut inississimatinnagu, ukiumoortumik aningaasaateqarfimmut aningaasanik nutaanik takkuttoqartassasoq qulakkeerneqarsinnaanngilaq.

Apeqqu 5:

Aningaasap nalikilliarortnera, aningaasartuutit qaffakkiarortnerat il.il. eqqarsaatigalgu it inuiaqatigiit aningaasarsiornerannut qanoq kinguneqassava, namminersorlutik oqartussat ingerlatsinermut aningaasartuutaat ukiumut imaallannerinnakkut 75 mio. koruuninik qaffanneqartuuppata, soorlu uani siunnersuummi taamatut tunngaviusumik eqqarsartoqartoq? Apeqqu tunngaveqarpoq Aningaasarsiornermut Siunnersuisoqatigiit aamma Akileraartarnermut Tungiuinerimullu Isumalioqatigiisit innersuussutaannik, taakku tamarmik siunnersuutiginiikummassuk pisortat ingerlatsinermut aningaasartuutaasa ikilisarneqarneqartariaqartut.

Akissut:

Ingerlatseqatigiiffinit akileraarutinit isertitat akitsuutillu Namminersorlutik Oqartussani ulluinnarni ingerlatsinermut ilaatinneqassasut siunertaanngilaq. Aningaasarsianit akileraarutinit aamma pilersuisunit ingerlatseqatigiiffinnut akileraarutinit isertitat 2010-imi aamma 2011-imi Cairn-ip misissuilluni qillerinerisa malitsisisaannik immikkut isertitarineqartut, Aningaasanut inatsimmi ilanngunneqanngillat, pissutigalugu taakkua annertussaat Aningaasanut inatsisip akuerineqarnerata nalaani ilisimaneqanngimmata.

Peqatigisaanik erseqqissassavara isertitat 75 mio. koruuninik ikinnerusut ingerlatsinermut aningaasartuutitut annertunerulersunut atorneqarnissaat Naalackersuisut inassutigisinnaanngimmassuk. Inassutigineqarpoq isertitat ileqqaarneqassasut imaluunniit ataasiartumik aningaasallinernut, siunissami aningaasaqarnerup patajaatsuunissaanik tunngavissiisunut atorneqassasut.

Taamaakkaluartuq isumaqartoqanngilaq Namminersorlutik Oqartussat aningaasartuutaasa tassanngaannaq 70 mio. koruuninik annertunerulernerat aningaasat naleerukkiartornerisa ineriartorneranut aammalu aningaasartuutit tatisimaneqarnerannut annertuumik sunniuteqassasoq. Namminersorlutik Oqartussat 2012-imut Aningaasanut inatsimmi isertitaat missingersorneqartut ataatsimut katillugit 6,4 mia. koruuninik annertussuseqarput. Allanguut 70 mio. koruuninik annertussuseqartoq 1,1 %-imik naleqarpoq.

Namminersorlutik Oqartussat aningaasartuutaat Inatsisartunit ukiumoortumik Inatsisartut aningaasanut inatsisaanni aalajangersarneqartarput, taamaattumillu Kalaallit Nunaanni Aatsitassarsiornermi aningaasaateqarfik pillugu inatsimmi atuutsitsilernissamat aalajangersakkat allannguuteqartinneranni, aatsitassarsiorluni ingerlatanit isertitat qaffasinnerulersut nunap karsianut nakkartinneqartussaanerannut ataqatigiinngilaq. Taamaalillutik Inatsisartut ukiumoortumik Inatsisartut aningaasanut inatsisaannik akuersinerminni, aningaasaqarnermut politikkip amerlanerussuteqartut tapersersorsinnaasaasa piviusunngortinneqarnissaa qulakkeersinnaavaat.

Apeqqu 6:

Aningaasaqarneq pillugu Siunnersuisoqatigiit inatsisissatut siunnersuutip aningaasatigut kingunissai pillugit nammineerlutik oqaaseqaateqarnissaat akuersissutigineqarnikuua? Taamaattoqarsimanngippalli Naalackersuisut ataani atsiortutut – isumaqarpat angisuumik iluaqusiissasoq, Siunnersuisoqatigiit oqaaseqartinneqarnerat aammalu tamatumanga tamanut saqqummiussaqaarneq Inatsisartuni suliluunniit siullermeerisoqanngitsoq? Aamma Naalackersuisut – siunnersuisoqatigiit isumaqassagaluarpata siunnersuut kalaallit nunaata aningaasarsiorneranut iluaqusiinaviannngitsoq – siunnersuutip utertinnissaa eqqarsaatigisinnaavaat?

Akissut:

Aningaasaqarnermut Siunnersuisooqatigiit inatsisissatut siunnersuummut tusarniaanermut nittartakkami tusarniaassutigineqarluni inissinneqartumut tusarniaanermut akisuteqaateqarnissamat allatullu periarfissaqarsimapput. Allaniq tusarniaanissaq naatsorsuutigineqanngilaq.

Apequt 7:

Aningaasaqarnermut Akileraartarnermulu Ataatsimiititaliami ilaasortaanera tunggavigalugu UKA 11-mi ataani allassimasumut 2012-mut aningaasanut inatsisissap aappasaaneernerani isumaliutissiissummik allaqataavunga:

" Inatsisissatut siunnersuummik UPA 12-imi suliarineqartussamik sulissutiginnittoqartoq ataatsimiititaliamit maanna paasineqarpoq, taamaalilluni aatsitassarsiornermit isertitat ullumikkut killigitinneqartumit 5 mio. kr.-init amerlaneruppata aatsitassarsiornermi aningaasaateqarfik aatsaat

atuutilersinnaalluni (Apeq. 11.7d aamma apersuinermi apeq. 7b). 2010-mi aatsitassarsiornermit isertitat 2.94 mio. kr.-iusut Naalakkersuisut akissutaanni allassimavoq. Taamaalillutalu 5 mio. kr.-it taakku qanilliarorpagut. Aamma allassimavoq uuliaarluernermi saliutinik minnerpaamik 20 mio. kr.-inik naleqartunik Namminersorlutik Oqartussat 2012-imi tunineqassat. Atortulersuutit taakku nalingat aatsitassarsiornermi isertitatut isigineqartoq oqaatigineqarpoq, taamaattumillu maleruagassat maannatut itsillugit aatsitassarsiornermi aningaasaateqarfik 2012-imi atuutilersussatut naatsorsuutigineqarluni.

Suliamut inaarutaasumik isummertinnani inatsisissatut siunnersuutip tamatuma saqqummiunneqarnissaa Aningaasaqarnermut Ataatsimiititaliamit utaqqqeqqarneqarumavoq. Inatsimilli suliaqarneq aallartinneqartinnagu uuliaarluernermi saliutit pillugit ajornartorsiut allatut aaqqinneqarsinnaannginnersoq isumaliutigineqaaqqaartariaqarpoq. Taamatuttaaq aningaasat killigitinneqartut allanngortinneqarnissaannik aalajangerneq sukumiisumik isumaliutigineqqaarluni aatsaat pisariaqarpoq, tassanilu nunap aningaasaqarnerani taamatullu kinguaariit agguataarneqarneranni pissutsit ilanngunneqartariaqarlutik. Piffissamut sivikitsumik isigaluni Namminersorlutik Oqartussat ingerlatsinermit tapiisutinullu aningaasartuutaasa amerlineqarnissaat siunertariinnarlugu aatsitassarsiornermi aningaasaateqarfik pillugu inatsimmik allanngineq ungasissoq isigalugu aningaasaqarnikkut attassisinnaanitsinnik ajornartorsiutit eqqarsaatigalugit assut eqqarsarnartogassaaq. "

Qulaani issuarneqartut tunggavigalugit Naalakkersuisut sunik suliniutinik isumaliutersuutinillu aallartissippat – aamma qaqugu ? Akissummi minnerpaamik Naalakkersuisut sulinerminni allattugaataanik issuaanertalerlugit apuuteqquneqarpoq aamma eqqarsaatinut ilannguteqquneqarput qulaani issuaanerit ataatigut titarnillit.

Akissut:

Assersuutigalugu atortut sinerissamut agguataarneqassasut taamaalillutillu najukkami upalungaarsimanermit ilaalissasut imaluunniit atortut Imaani sakkutuunut tunniun-

neqassasut, assigiinngitsut tungaanniit siunnersuutiniq saqqummiussisoqartarsimavoq. Namminersorlutik Oqartussat uuliakoornermik akiuiniarnermut atortunik tiguisinnaanis-saannut piumasaqaataavoq, taakkua ilaatigut siunissami misissuilluni qillerinerni Cairn-ip uuliakoornissamut upalungaarsimaneranut ilaatinneqarsinnaassasut, taamaattumik aaqqiissutissatut toqqarneqartumi pissutsit taakkua naammassineqarsinnaasussaapput. Aamma tamatumunnga taarsiullugu Cairn-ip atortut Imaani sakkutuunut naalagaaffik aqputigalugu tunniutissagai Namminersorlutik Oqartussat isumaliutersuutigisimanngi-laar.

Kalaallit Nunaanni uuliakoornissamut upalungaarsimanermit nunami namminermi inger-latseqatigiiffimmik pilersitsinissamut aallarniutaasumik tunngavissaqalernissaq, Nam-minersorlutik Oqartussat uuliakoornermik akiuiniarnermut atortunik tiguisinnaanut si-unertaavoq. Upernaakkut ataatsimiinnissami upalungaarsimanermit ingerlatseqatigiiffik Greenland Oil Spill Response A/S pillugu inatsisissatut siunnersuut suliarineqartus-saavoq. Uuliasiorluni misissuinermit atatillugu najukkani kaaviiartitsinermit suliffis-sanillu pilersitsinissaq siunertaavoq. Aallarniutaasumik pingaaruteqarpoq ingerlat-seqatigiiffiup pisortanit pigineqartuunissaa, kisiannili siunissami ingerlatseqatigiiffiup tamakkiisumik ilaannaasumilluunniit namminersortunit tigueqarnissaa siunertaavoq.

Allannguut tunngavissanut nunami namminermi aningaasaqarnermit imaluunniit kin-guaariit agguataarnerannut tunngasunut sunniuteqarnerlussasoq naatsorsuutigineqan-gillaq, pissutigalugu allannguummi Namminersorlutik Oqartussat piffissami qanittumi ingerlatsinermit imaluunniit tapiissutinut aningaasartuutaasa annertusinissaannut periarfissiisoqarnissaa siunertarineqanngimmat.

Tusagassiutitigut nalunaarummi "Aatsitassarsiornermi aningaasaateqarfik isumatusaar-luarneruvoq" 28. marts 2012-imeersumi issuaaneq matuma kingulianiittoq allassimavoq.

"- Pegatigisaanik erseqqissassavara isertitat 75 mio. koruuninit annikinnerusut ingerlatsinermit aningaasartuutitut annertunerulersunut atorniannginnatsigu. Isertitat ileqqaarneqassapput imaluunniit siunissami aningaasaqarnikkut attas-sinnaanermik tapersiussanik, ataasiartumik aningaasaliissutitut atorneqas-sallutik – ingerlaqqilluni oqarpoq Ove Karl Berthelsen."

Apeqquut 8:

Apeqquummi siuliani uuliarluinermit akiuiniarnermi atortut pillugit issuaq qitiullunnar-poq. Ataatsimiititaliami suliarineranut atatillugu ilanngutami agguanneqartumi soorlu saqqummertoq tigussaasumik pineqarpoq, Cairn-ip uuliarluarnermit akiuiniarnermi ator-tunik 20 mio. koruuninik nalilinnik Namminersorlutik Oqartussanut tunniussiniartooq. Ta-akku atortut nalingi aatsitassarsiornermi isertitatut isigineqartussaammata, tunnius-sinerup kingunerisinnaavaa, aatsitassarsiornermi aningaasaateqarfik pillugu inatsisip atortussanngornissaa, inatsimmi § 50 naapertorlugu. Inatsisissatut siunnersuummi inatsisip atortuulersinnissaanut aalajangersakkamik allanngortitsiniarneq tamatumunnga tunngaveqarpoq.

Kissaatigineqassagalarpat Aatsitassarsiornermi aningaasaateqarfik pillugu inatsit ator-tussanngortinneqassanngitsooq Cairn-ip uuliarluarnermi akiuinermit atortunik tunnius-saqarnera pissutigalugu, siunnersuummi aaqqiissutissatut taasanut naleqqiullugu

periarfissat allat qinerneqarsimasinnaagaluarput. Periarfissalli allat aamma taakkununga attuumasuteqartunik eqqarsaateqarsimasinnaaneq inatsisissatut siunnersuummi saqqummiunneqartumi taaneqanngillat. Uggornarpoq, inatsisip atortunngortinneqarnisaanut aalajangersakkat allannngortinneqarsimasinnaagaluar mata aningaasamik nalikillisaataangitsumik aamma pisortat aningaasartuuteqarnerulernerannik kinguneqanngitsumik.

Unga takusinnaavakka periarfissat allat assigiinngitsut:

- a. Naalakkersuisut Cairni isumaqatigiissuteqarfigisimasinnaagaluarpaat, Namminersorlutik Oqartussat uulliarluarnermi akiulnermut atortut attartussagai soorlu ukiumut 1 mio. koruunimik akiliisarluuni ukiuni tulliuuttuni 20-ni, tamatumalu kingorna Namminersorlutik Oqartussanik pigineqalerlutik (taamaasilluni Namminersorlutik Oqartussat aningaasatigut iluanaarutai ukiunut 20-nut agguarneqarsimasinnaagaluarpoq, taakkulu aatsitassarsiornermi isertitat ukiut 1 mio. koruunit amerlaqatigissagaluarpaat).
- b. Naalakkersuisut siunnersuutigisimasinnaagaluarpaat § 50 imm. 1-mi atortuulersitsinissamut aalajangersakkat allallugu inatsit siusinnerpaamik 2013-mi atuutilersinnaasoq, imm. 1-mi oqaaseqatigiit allannguallatsinnerisigut, imatut nipeqalersillugu: "*Inatsisartut inatsisaat atuutilissaaq 1. januar, ukiumi tulliuuttumi Inatsisartut landskarsip naatsorsuutaannik siullermeerluni akuerinninnerannit, tassani ersersinneqassalluni ukiumi naatsorsuuseriffiusumi Namminersornerusut aatsitassanit isertitaat ikinnerpaamik 5 millioner koruuniusimasutut, siusinnerpaamilli 1. januar 2013-mi*" (inatsisip oqaasertanut atuuttunut ilassutaasinnaasoq ataatigut titagaavoq).
- c. Naalakkersuisut siunnersuutigisimasinnaagaluarpaat § 50 imm. 1-mi atortuulersitsinissamut aalajangersakkat allallugu inatsit siusinnerpaamik aatsitassarsiornermi isertitat ukiuni tulleriinni 5 mio. koruunit sinnertarsimappatigut atuutilersinnaasoq. Isertitaagallartuinnaat tunngavigalugit aatsitassarsiornermi aningaasateqarfik aallartinneqarpat ajornartor siutaalersussat tamatumani pinngitsoortinneqarsinnaasimassagaluarput.
§ 50-mi imm. 1-mi oqaaseqatigiit imatut nipeqalersinnaagaluarput:
Inatsisartut inatsisaat atuutilissaaq 1. januar, ukiumi tulliuuttumi Inatsisartut landskarsip naatsorsuutaannik tulleriiginnarnik ukiup aappassaanik akuerinninnerannit, tassani ersersinneqassalluni ukiumi naatsorsuuseriffiusumi Namminersornerusut aatsitassanit isertitaat ikinnerpaamik 5 millioner koruuniusimasutut, (inatsisip oqaasertanut atuuttunut ilassutaasinnaasoq ataatigut titagaavoq).
- d. Periarfissat tamaasa atorlugit.

Qulaani taaneqartunik periarfissanik Naalakkersuisut atuinngitsoorsimanerannut pissutaasut nalunaarutigeqquneqarput. Tamatuma saniatigut kissaatigaara ilisimatitsissutigineqassasoq inatsisissatut siunnersuummi allassimasut imaannaanngeqisullu Naalakkersuisut soq qinersimaneeraat, naak allanik pitsaanerusunik periarfissaqaraluartoq.¹

Akissut:

Kisisisip ataatsip 5-imii 75-imut allannngortinneqarneranut tunngatillugu ilusiliat siunnersuutigineqarut pisariitsuusut Naalakkersuisut isumaqanngillat. Peqatigisaanik matuma

¹ Tunngaviusumik Naalakkersuisut aamma naalagaaffik siunnersuuteqarfigisimasinnaagaluarpaat namminersornermut inatsit allannngortinneqassasoq, taamaasilluni namminersornermut inatsimmi § 8 imm. 1-2-mi aalajangersakkat allannngortillugit 75 mio. koruuniniik 5 mio. koruuninut. Tamannali Kalaallit Nunaata soqutigisarisinnaangilaa, taamaatumik periarfissaq taanna alaannarikuuara uani apeqquteqarminni. Naalakkersuisulli iluaqutaasumik inatsisissatut siunnersuummi tamanna periarfissaq sammisimasinnaagaluarpaat.

siulfiani siunnersuutit tamaasa atorlugit pisorpasuit allatorneqarsinnaapput, tassani Aatsitassarsiornermi aningaasaateqarfiup "aallartinneqarnissaa" pilersinneqarsinnaalluni, kisiannili aningaasaatinut tunngaviusunit iluanaarutit ingerlatsineranut aningaasartuutitut matussusiisinnaassanatik. Assersuutigalugu upalungaarsimaneranut atortut 2012-imi 20 mio. koruunilerlugit tiguneqarpata, isertitalli piviusut 2013-imi 5 mio. koruuniullugik. Taamaallluni upalungaarsimaneranut atortut tiguneqarsimasinnaasut naliganit pigisat iluanaaruteqarfiusinnaanngillat. Taamaattumik ukioq siulleq Aatsitassarsiornermi aningaasaateqarfimmi ingerlatsineranut aningaasartuutit nunap karsianit 100 %-imik matussuserneqartussaassapput, ukiumilu tullermi iluanaarutit ingerlatsineranut aningaasartuutit ilaminiinnanguinik matussusiisinnaassallutik.

Apeqquteqartup siunnersuutaanut (a) Namminersorlutik Oqartussat assersuutigalugu ukiumi 20-imi ukiumut 1 koruunilerlugu uuliakoornermik akiuniarnermut atortunik attartornissaa pillugu Cairn-imut isumaqatigiissusiornissamut tunngasumut tunngatillugu Naalakkersuisut isumaqarput Namminersorneq pillugu inatsimmi § 7 imm. 2-imi isertitanut nassuiaassutip eqqumaffigineqaqqunissaanut tunngavissaqartut.

Isertitat suussusaat § 7 imm. 2 nr. 1-imi pineqartunut ilaasut tassaapput isertitat suulluunniit akuersissutit aalajangersimasut aatsitassanut ikummatissanullu inatsit malillugu tunniunneqarsimasut naapertorlugit tiguneqartartut. Naalakkersuisut isumaqarput isertitanut nassuiaassummi aamma upalungaarsimaneranut atortut, IBA-mut isumaqatigiissutip misissulnissamut akuersissut aalajangersimasoq naapertorlugu isumaqatigiissutigineqarsimasumut ilaatillugu, akeqanngitsumik tunniunneqarnerat ilaasoq.

Aammattaaq Naalakkersuisut isumaqarluinnarput attartornissamik ilusiliaq siunnersuutigineqartoq Namminersorneq pillugu inatsimmi isertitanut nassuiaassummi uniuinersussaasoq aammalu Namminersorlutik Oqartussat aamma naalagaaffik inatsisip siunertaata naammassineqarnissaa pillugu ataqpeqatigiillutik suleqatigiinnissaat pillugu Namminersorneq pillugu inatsimmi tunngaviusunut akerliusussaalluni.

Namminersorneq pillugu inatsimmi piumasaqaatigineqarpoq Naalakkersuisut aamma danskit naalakkersuisui, isertitanut nassuiaassut malillugu isertitat naatsorsorneqarnerannut tunngatillugu najoqqutassanik attuumassuteqartunik tamanik ingerlaavartumik imminnut paasitittassasut. Piviusuunngitsumik 1 koruunilerlugu attartornissamik piumasaaffillilluni upalungaarsimaneranut atortut nalingisa allanngortinnera, eqqortuususaanngilaq aammalu Namminersorlutik Oqartussat tatigeqatigiinnissamut piumasaaffianut naapertuuttussaanani.

Taamaattumik Naalakkersuisut naatsorsuutitigut aaqqiinarnermut siunnersuummi takutinneqartumut akuersisinnaanngillat.

Naalakkersuisut isumaqarput Naalakkersuisut aamma danskit naalakkersuisuisa akornanni ataqpeqatigiilluni tatigeqatigiillunilu suleqatigiinnissaq pillugu Namminersorneq pillugu inatsimmi tunngavissarititaasut unioqqutinneqarluinnartussaasut. Tamatuma kingunerisaanik danskit naalakkersuisui isertitanut nassuiaassutip isumaqatigiinninniutigeqqinnissaanik piumasaqaateqarsinnaalissapput imaluunniit Naalakkersuisut Namminersorneq pillugu inatsimmi § 7, imm. 2-imi isertitanut nassuiaassut malillugu isertitanik naatsorsuinerannut sukannernerusumik toqqaannartumik nakkutillilersinnaassallutik.

Naalakkersuisut isumaqarput ilusiliaq toqqarneqartoq, ataasiaannartumilluunniit isertitat annikitsuinnaat Aatsitassarsiornermi aningaasaateqarfiup ingerlaannartumik "aallartinneqannginnissaa" qulakkeerniarlugu ajornannginnerpaajullunilu pisarlinnerpaajusoq.

Apeqqu 9:

Kalaallit Nunaanni aatsitassarsiornermut aningaasaateqarfik ilusilernerqarnikuuvoq norskit aatsitassarsiornermut aningaasaateqarfiattulli. Oqaatigineqarsinnaava, norskit aatsitassarsiornermut aningaasaateqarfianni isertitassat sumut killeqartinneqarnersut imaluunniit aningaasaateqarfinnik ilusilersueriaatsit allat assigusut aallartinneqarnikuuppat? Taava aamma kisitsisitut killissatut nalunaarutigineqarsimasinnaasut qanoq annerutigippat kalaallit nunaanni pissutsinut nuullugit?

Akissut:

Naalagaaffiup orsussamut aningaasaateqarfia pillugu inatsit 1990-imi atuutilerpoq. Taanna 2006-imi Lov om Statens Pensjonsfond-imik taarserneqarpoq. § 8-imut nasuiaatini allassimavoq: "Siunnersuutigineqarpoq inatsit Kunngip aalajangiinerani piffissami atuutilissasoq. Naalakkersuisut malittarisassat taakkua malillugit 1. januar 1991 aallarnerfigalugu petroleumsfond pilersinnissaa qinnutiginiarpaat." Akiliutaasut siulliit aatsaat 1996-imi akilernerqarput. 1996-imi akiliutaasut katillugit 46,3 mia. norske koruuniinik annertussuseqarput.

Paasissutissat Ukiumoortumik nalunaarusiami 1998-imeersumi takuneqarsinnaapput, taanna Norges Bank-ip Petroleumsfonden pillugu ukiumoortumik nalunaarusiaannit siulersaavoq. Taanna link-imi uani nassaarineqarsinnaavoq.

http://www.nbim.no/Global/Reports/2000_1999_%201998/1998%20hele.pdf

Kalaallit Nunaanni pissutsinut naatsorsorlugit eqqoqqissaartumik akissuteqarfiginnissaa ajornakusoorpoq.

Piffissami december 1996-imiit december 2011-imut Norgemi atuisunut akinut naleqqersuutit 38 %-imik qaffapput. Taamaattumik 1996-imi akiliutit ullumikkut 63,9 mia. norske koruunit missaannik annertussuseqarput, taakkualu 62,4 mia. danske koruunit naligaat. 1996-imi innuttaasut amerlassusaat, 1996-imi BNP, 1996-imi uuliasiorluni ingerlatanik isertitat, ataatsimut katillugit naalagaaffiup missingersuutaannut naleqqiullugit akiliutit annertussusaat imaluunniit allat aallaavigneqarnersut apeqqutaalluni, inerniliussat assigiinngitsorujussuit saqqummerput. Assersuussineq taamaattoq, sunaluunniit aallaavigneqaraluarpat, piviusumik isumaqartussaannngilaq. Assersuutigalugu 1996-imi innuttaasut amerlassusaat aallaavigneqarsimappat, Kalaallit Nunaanni aatsitassarsiornermi aningaasaateqarfimmu akiliutit siulliit 62,4 mia. koruunit 1,27 %-erisussaassavaat, taakkualu kalaallit akiliutaasa siulliit 792 mio. koruuniunerannik naleqarput. Tassa imaappoq aningaasartanut killissaliussat 75 mio. koruuniussasut siunnersuuteqarnermit quleriaat sinnerlugu qaffasinnerullutik. Kisianni siusinnerusukku oqaatigineqareersutit, Kalaallit Nunaanni pissutsinut naleqqussarlugu naatsorsuinissaq isumaqanngilaq.

Apeqqu 10:

Inatsisissatut siunnersuut Sermitsiaq nr. 10-mi 9. Marts 2012-mi saqqummersumi sammineqarpoq. Qupperneq 12-13-mi ilaatigut allaaserisaq imatut qulequtalik takusas-saavoq: "*Namminersorlutik Oqartussat pisuussutit kingunipiloqarnissaannu8t illersor-niarput*". Qulequtaaqqatut allanneqarpoq "*aatsitassiornermi isertitat amerleriaataat an-ingaasaateqarfimmut qilersorneqassapput inuussutissarsiortut unammillersinnaassusaat illersorumallugu, siunnersuuteqarput naalackersuisut*".

Tamanna tunngavigalugu makku ilisimatitsissutigeqquneqarput:

- a. Naalackersuisut ataani atsiortoq isumaqatigaat, qulequtsiunneqartoq kukkunerummat eqqorinanilu, tassami eqqartorneqanngimmat 70 mio. koruunit allat aatsitassarsornermi aningaasaateqarfimmut qilersorneqassasut, pineqarlunili 70 mio. koruuninik ikinnerusut aningaasaateqarfimmut qinersorniarneqartut?
- b. Aamma Naalackersuisut ataani atsiortoq isumaqatigaat, kukkunerummat eqqorinanilu allaaserisami oqaatigineqarmat, "*aningaasanit sulii ikinnerusut landskarsimut isaajumaartut kinguaariit maannakkut piusut atugassaattut, sualummik guulti qernertoq nunap iluaniik anialissagaluarpata*." siunnersuutip sunniutaa killormoorluinnarmat, tassalu siunissami qaninnermi Landskarsimut nakkartartussat amerlanerussapput maannakkut kinguaariit inuusut iluaqutissaannik, kinguaariit tulliuuttut minillugit?
- c. Naalackersuisut sulissutiginkuaaat allaaserisamat kukkusumut naqqiissuteqartoqarnissaa?
- d. Taamatut pisoqarsimanngippat: Naalackersuisut – ataani atsiortutulli – isumaqarpat, unggornassasoq, aatsitassarsiornerup iluani aningaasarsiorneq pillugu inuiaqatigiit kukkusumik isumaqalissappata taava aamma Naalackersuisut pilersaaruteqarpat tamanna tunngavigalugu allaaserisami kukkusumik paasisutis-siisimaneq iluarsiviginiarniarlugu?

Akissut:

a. pillugu

Naalackersuisut Sermitsiami ilanngussaq allatarinngilaat, kisiannili ilaatigut tusagassiutitigut nalunaarut "*Aatsitassarsiornermi aningaasaateqarfik isumatusaarluarneruvoq*" 28. marts 2012-imeersoq innersuussutigissallugu.

b. pillugu

Imm. a.-imut akissut takuuk.

c. pillugu

Tusagassiutitigut nalunaarummi "*Aatsitassarsiornermi aningaasaateqarfik isumatusaarluarneruvoq*" 28. marts 2012-imeersumi ataqatigiinnerit eqqortut erseqqissarneqarput.

d. pillugu

Imm. c.-imut akissut takuuk.

Apeqquut 11:

Apeqquummi siulianiittumi taaneqartumi aviisimi allaaserisami Aatsitassanut Naalackersuisoq issuarneqarpoq oqarsimanerarneqarluni, 5 mio. koruunit aningaasartaliunneqarsimasut ikippallaartut, matuma pineqarmata "*isertitat nunap pisuussutaaninngaanneersut uninngasussat kinguaariinnullu tullernut erniorlutik*". Upperiuminaatsippara, Naalackersuisunut ilaasortap taamatut oqarsimanissaa, taamaassimappat, Naalackersuisunut ilaasortap inatsisissatup siunnersuutip kingunissaalu paasisimanaviannngimmagit,

taamaattumik aamma qularaara taamaattoqarsimanissaa. Inuiaat inatsisissatut siunnersuut pillugu eqqortunik paasisutissinneqarnissaminnik piumasaqarnerat kiisalu inuiaat Naalakkersuisunut tatiginniinnarnissaat pillugu, taamaattumik Naalakkersuisut qinnuigakka uppernarsassagaat, naqqiissut nassiuunneqarumaartoq.

Akissut:

Tusagassiuutitigut nalunaarut "Aatsitassarsiornermi aningaasaateqarfik isumatusaarluarneruvoq" 28. marts 2012-imeersoq innersuussutigineqarpoq

Apeqqu 12:

Ilumuunngilluinnartutut oqaatigineqarsinnaava inatsisissatut siunnersuummut tunullaqutaasoq tassaammat namminersorlutik oqartussat piffissami qaninnerusumi ingerlatsinermut aningaasartuutunik qaffaanissaanut politikkikkut kissaateqarneq siunertaralugu politikkikkut suliniutinik aallartitsinissaq imaluunniit siunertaralugu – aningassarsiornikkut innersuussutigineqartunut tamanut akerliusumik – sipaaruteqarusunnginneq aamma inatsisissatut siunnersuummi inatsimmut allamut ingiaqatigiisitsinissamut tunngavilersuutigineqartut tassaaginnartut pereersunut patsisissarsiuineq aamma/imaluunniit politikkikkut kusassaaneq? (apeqqut akeqquneqarpoq Inatsisartut Inatsisaanni nr. 6-mi 13. maj 1993-meersumi § 6 imm. 2 ataqqillugu.)

Akissut:

Siunnersuummut tunngavilersuutaasoq matuma siullani allassimavoq.

Aammalu oqaatigineqassaaq Nunap karsiata aningaasartuutai isertitaalu ukiumoortumik Inatsisartut aningaasanut inatsisaanni aalajangersarneqartarmata.


Apeqqu 13:

Naalakkersuisut, ataani atsiortutulli eqqarsarluareerlutik isumaqarpat, apeqqummi ajornartorsiutit taakkartorneqartut pissutissaqalersitsisut inatsisissatut siunnersuummik tunuartsinissamut imaluunniit inatsisissatut siunnersuutip allannguutissaanik saqqummiussinissamut kiisalu minnerunngitsumik nutaamik, eqqortumik saqqummiinissamut pissutissaqartoq?

Akissut:

Naalakkersuisut isumaqanngillat apeqqummi apeqqutit apeqqutigineqartut allannguuteqartitsinissamut pissutissarsititsinngitsut.

Inussiarnersumik inuulluaqqusillunga



Ove Karl Berthelsen



Inatsisartut Inuussutissarsiornermut Ataatsimiittialiaat

BILAG

Kalaallit Nunaata Aatsitassarsiornermi Aningaasaateqarfia pillugu inatsisissatut siunnersuummut tunngatillugu apeqqutinut akissuteqaatit.

15. maj 2012
Sagsnr. 2012-060499
Dok. Nr.

Kalaallit Nunaanni Aatsitassarsiornermi Aningaasaateqarfik pillugu inatsisip allannguutissaatut siunnersuut pillugu Inuussutissarsiornermut Ataatsimiittialiaq allakkatigut 11. maj 2012-imeersukkut Naalakkersuisunut ilassutinik apeqquteqaateqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Tunngavigisat:

Allannguutissatut siunnersuummut Inuussutissarsiornermut Ataatsimiittialiaq missiliuummik ima oqaasertaqartumik nassiussisimavavoq:

"Inatsisartut inatsisaat januarip 1-iani atuutilissaaq ullorsiutit malillugit ukiup qaangiunnerani, nunatta karsiata naatsorsuutaasa pingajussaannik Inatsisartunit akuersissutigineqarneranni, Namminersorlutik Oqartussat aatsitassarsiornermit isertitai ukiumi naatsorsuiffiusumi ikinnerpaamik 15 mio. kr.-nik [imaluunniit 30 mio. kr.] amerlassuseqarpata imaluunniit siusinnerusukkut Naalakkersuisut erseqqinnerusumik aalajangersagaliaat malillugu. Aatsitassarsiornermi aningaasaateqarfiup aallartinneqarnissaa eqqarsaatigalugu aningaasat tigussaasut kisimik naatsorsuutigineqarput. Pigisat Namminersorlutik Oqartussanut tunniunneqartut nalingi, soorlu assersuutigalugu uuliamik akiuiniarnermi atorlut allaluunniit, taamaalillutik aningaasaateqarfimmu aallartinneqartussamut ilaatinneqanngillat".

Aalajangersakkamut oqaaseqaatit:

"Siunnersuutit siunertaraa Kalaallit Nunaata aatsitassarsiornermi aningaasaateqarfia tulluannigsumik aallartinneqarnissaanik illuatungiiilinnissaq, Naamminersorlutik Oqartussat ukiumi aalajangersimasumi aatsitassanit isertitaat 5 millioner kr. sinnersimappagit. Inatsisartut inatsisaat januarip 1-ani ullorsiutit malillugu ukiup qaangiunnerani atuutilernerani, nunatta karsiata naatsorsuutaasa ukiumi naatsorsuiffiusumi namminersorlutik oqartussat aatsitassanit isertitaasa ikinnerpaamik 15 mio. kr.-t sinnersimaffianni pingajussaannik Inatsisartunit akuersissutigineqarneranni, Kalaallit Nunaata aatsitassarsiornermi aningaasaateqarfiata aallartinnessaani isertitanit ataasiakkaanit tunngaveqarluni aallartinneqarnissaanut aarlerinaatit sakkukillissavaat. Aningaasaateqarfiup siusinnerusukkut aallartinneqarsinnaaneranut Naalakkersuisut pisinnaatinneqarnissaannik inatsisissatut siunnersuut imaqarpoq. Assersuutigalugu tamanna piviusunngorsinnaassaaq Naalakkersuisut assersuutigalugu uppersarlugu nalilerpassuk, aatsitassarsiornermi isertitat ima amerlatigilersimasut patajaallisimalerlutillu, aningaasaateqarfiup aallartinneqarnissaa kissaatiginartutut isumaqarfigineqarlarsimalluni.

Namminersorlutik Oqartussat IBA pillugu Cairn Energy-mik isumaqatigiissuteqarnerat aqutugalugu upalungaarsimanissamut atortunik pappilissatigut 20 millioner kr.-nik naleqartunik pissarsisimapput. Pigisanik taamaattunik pissarsineq qularnanngitsumik Naalagaaffiup tungaanut aatsitassarsiornermit isertitatut naatsorsuutigineqassapput, tak. Namminersorlutik Oqartussat pillugit Inatsisip § 7-iat, imm. 2, kisiannili nalingi (taamaalillunilu atortut) Aatsitassanut Inatsimmut ilanngunneqassanngillat, taamaalillunilu aningaasaateqarfiup aarlartinneqarnissaanut tunngatillugu ilanngunneqartussaassanatik. Taamaalilluni aalajangersakkami oqaaseqaatit kingulliit atortunik taamaattunik pissarsiaqarneq tunngavigalugu Aatsitassarsiornermi Aningaasaateqarfiup tulluanngitsumik aallartinneqarnissaanut illuatungiliinissaq siunertaaraat, ataasiaannartumik tunniussineq imaluunniit ingerlaavartumik tunniussisarnissaq pineqaraluarpalluunniit.”

Ataatsimiititaliap ilisimatitsissutigaa maluginiarneqassasoq, inatsisissatut siunnersuummut missiliuut qulaaniittoq kiisalu Naalakkersuisut oqaaseqaataasa ilusissaannut piumasaqaatit tungaasigut teknikkikkut naqqissortariaqassasut, Naalakkersuisut allannguutissatut siunnersuummik saqqummiussinnginneranni.

Tamanna tunngavigalugu ataatsimiititaliaq makkuninnga apeqquteqarusuppoq:

Apeqqut:

”Taama atuutilersinnissaanut teknikkikkut allaffissornikkullu Naalakkersuisut suliaqarnissaminnut aqutsinikkut periarfissaqarpat?”

Akissut:

Inatsisinik tamangajalluinnarnik aqutsinissaq teknikkikkut periarfissaqartarpoq. Taamaakkaluartoq inatsisissatut siunnersuutit assigiinngitsut annertuumik iluaqutitaqarlutillu akornutissartaqarput.

Uuliamik maangaannartitsinissamut akiuiniarluni atortut pillugit assersuut, Naalakkersuisut ataatsimiititaliamut akissuteqarfigisimasaat ataatsimiititaliap immikkut aalajangersimalluartumik maluginiarpaa. Taamaattorli uuliamik maangaannartitsinissamut akiuiniarnermi assersuut isertitseriaatsini assigiinngitsuni ataasiakkaani assersuutit ilaannaraat, aningaasaateqarfimmut aningaasanik tigorianaannarnik pissarsissutaasussaannngitsut, siunissaq eqqarsaatigalugu aningaasaateqarfimmut iluanaarutaasussaannatik, kisiannili isertitat pillugit aalajangersakkanut ilaatinneqartut.

Uuliamik misissuilluni qillerinernut atatillugu suliffeqarfissuarnik IBA pillugu isumaqatigiissutini taaneqartartuni aammattaaq siunertaavoq makkua eqqarsaatigalugit inuiaqatigiinnut iluaqusiinissamut aningaasanik immikkoortitsisarnissaq pillugu isumaqatiginninniarnerni siunertaammat; ilinniartitaanermut aningaasaliissutissat, inuiaqatigiinni akornutaanngitsumik pijuartitsinissamut aningaasaliissutissat il.il. Aningaasat taamaattut Cairn-ip misissuilluni qillerinissaanut atatillugu isumaqatigiinniutigalugit annikitsumik inissinneqareerput.

Isertitatigut nassiuaatit piulluanngitsut ilanngunniarsarinaraanni inatsisip atuutilernissaanut malittarisassanik paasiuminaatsitsilissapput, piumasaqaatillu pillugit

inatsisitigut kiisalu inatsisip atuutilernissaanut piffissamut qularnaatilinnik pilersitsissallutik. Taamattaarlu piffissani kingusinnerusuni paasinninniarnermi ajornartorsiutinik nassataqassallutik. Nassuiaatit taamaattut siunissami inissisimanernut tamanut naammattumik erseqqissaateqarnissamut annertuumik aarlerinaateqalersitsissapput, tamallu nalornissuteqartoqartillugu isertitat aalajangersimasut qanoq isumaqatigiinniutigineqassanersut inatsisitigut aaqqiagiingissutinik kinguneqarnissaat aarlerinaateqalissaaq. Taamaalilluni Naalakkersuisut isumaqarput, siunnersuut nutaaq piffissami kingusinnerusumi nassuiaatinut tulluannigsumik ajornartorsiuteqalersitsisinnaasoq, inatsisitigullu nalorninaatinik pilersitsissalluni. Tamanna pinngitsoortinneqartariaqarpoq.

Inatsisissatut siunnersuut allatut oqaasertalersorniassagaanni siunnersuutip ilaa manna peerneqarpat tulluarnepaassagaluarpoq: ***”Aatsitassarsiornermi aningaasaateqarfiup aallartinneqarnissaa eqqarsaatigalugu aningaasat tigussaasut kisimik naatsorsuutigineqarput. Pigisat Namminersorlutik Oqartussanut tunniunneqartut nalingi, soorlu assersuutigalugu uuliamik akiuiniarnermi atortut allalluunniit, taamaalillutik aningaasaateqarfimmut aallartinneqartussamut ilaatinneqannngillat”.***

Aningaasarsiornikkut niuerfinni erniatigut akigitinneqartut atuuttut innersuussutigalugit Naalakkersuisut naliliinerat malillugu ataatsimiititaliap siunnersuutaani najoqqutaq una atorlugu pitsaanerpaajussaaq (najoqqutaq inatsisilerinikkut suliarineqassaaq):

”Inatsisartut inatsisaat januarip 1-ani atuutilissaaq ullorsiutit malillugit ukiumi pissutsit makku arlaat atuutilerpat:

- 1) ***Nunatta karsiata naatsorsuutai ukiumi naatsorsuuseriffiusumi aatsitassarsiornermit namminersorlutik oqartussat isertitaat ikinnerpaamik 75 mio. kr.-nik amerlassuseqartut Inatsisartut akuerippatigut.***
- 2) ***Nunatta karsiata naatsorsuutai ukiumi naatsorsuuseriffiusumi aatsitassarsiornermit namminersorlutik oqartussat isertitaat ikinnerpaamik 30 mio. kr.-nik amerlassuseqartut Inatsisartut pingajussaanik akuerippatigut [aningaasat amerlanerusut tulluarnerusagaluarput].”***

Allanguutissatut siunnersuummut tassunga tunngavigisaq tassaavoq, pisumik takorluuineqarsinnaammat, ataasiartumik naatsorsuutit aatsitassanit 30 mio. kr.-t sinnerlugit isertitaqartoqarsimasut, ukiumilu allami naatsorsuutit 75 mio. kr.-t sinnersimallugit isertitaqarsimasut akuerigaanni. Ataatsimiititaliap siunnersuutaa malissagaanni imaalluarsinnaavoq 75 mio. kr.-t taakku sinnersimagaat nalaanneqarsinnaalluni, taamaalillunilu ataatsimoortumik tapiissutit ikilisinneqassallutik, aatsitassarsiornermi aningaasaateqarfik atuutilersimannngitsorluunniit. Tamannalu tulluannigitsutut isigisariaqarpoq.

Tamakku saniatigut eqqaamaneqassaaq, Naalakkersuisut ataatsimiititaliamut akissutaanni kingullermi allassimammat, niueqatigiinnermi erniat pillugu PWC ima ittunik taggissaqarsimammat:

	Danskit statsobligationii	Danskit realkreditobligationii
Ukiumut 1-imut atuuttut	0,15%	0,66%
Ukiunut 5-inut atuuttut	0,66%	1,66%

Ukiunut 10-nut atuuttut

1,72%

2,78%

Aningaasaateqarfimmut 45 mio. kr.-nik aningaasaliineq takorlooraanni, 2,78 %-inik iluanaaruteqartitsineq 1,3 mio. kr.-it missaannik amerlassuseqassagaluarpog. Taamaammat taama aningaasaateqaraanni aningaasaateqarfiup ingerlatsinermit aningaasartuutai aningaasat taakku atorlugit matussuserneqarsinnaanersut nalorninartorsionarpoq, taamaassagaluarpammi aningaasaateqarfiup aningaasaataanik ilanngartuisoqarnissaa kingunerisariaqassavaa, tamakkununga ilaallutik obligation-inik immaqa tunisariaqassappat pappilissatigut nalinginik annaasaqarnissaq aarleqqutigineqassalluni.

Naalakkersuisut isumaat malillugu 90 mio. kr.-nik ileqqaagaqarnermi aningaasaateqarfiup aningaasartuutaanik matussusiinissamut iluanaarutit qulakkiissallugit aningaasaateqarnermi pitsaanerumik tunngavissaqartoqassaaq.

Eqqaamaneqassaarli ukiuni pingasuni 30 mio. kr.-init ikinnerusunik inissisimaffik aatsitassarsiornermi ingerlatsinermit piviusunngortitsisoqarsimangitsorluunniit anguneqarsinnaalluarput (assersuutigalugu ilinniartitaanermut aningaasaliissutinit isertitat aqutugalugit imaluunniit IBA pillugu isumaqatigiissutit aqutugalugit allatut isumaqatiginninnuteqarnikkut). Taamaassappat taama amerlanerusunik aningaasaateqaraluaanniluunniit aningaasaateqaffiup aningaasaataanik aammattaaq ilanngartuisoqalersinnaavoq. Taamaammat Naalakkersuisut isumaqarput Naalakkersuisut siunnersuutaat pitsaanerusoq, taama inissisimaneqassagaluarpat misissuilluni qillerinernut atatillugu IBA pillugu isumaqatigiissutit aqutugalugit anguneqarnissaa ilimanaateqannginnerussammat.

Siusinnerusukkut taaneqareersutut Naalakkersuisut isumaqarput inatsit atuutsinneqalertariaqartoq ukiumi aningaasarsiorfiusumi ataatsimi namminersorlutik oqartussat aatsitassarsiornermit isertitaat ikinnerpaamik 75 mio. kr.-iuppata. Tamanna inatsisip atuutisilernissaanut malittarisassani taamattaaq ersissaaq.

Ataatsimiititaliap ilusiliussaa najoqqutarissallugu kissaatigissagaanni allatut periarfissat makku Naalakkersuisut inassutigissavaat:

”Inatsisartut inatsisaat januarip aallaqqaataani atuutilissaaq ullorsiutit malillugit ukiumi pissutsit makku arlaata atuutilerfiata kingorna:

- 1) Nunatta karsiata naatsorsuutai ukiumi naatsorsuuseriffiusumi namminersorlutik oqartussat aatsitassarsiornermit isertitaat ikinnerpaamik 75 mio. kr.-nik amerlassuseqartut Inatsisartut akuerippatigut.***
- 2) Nunatta karsiata naatsorsuutai ataatsit ukiumi naatsorsuuseriffiusumi namminersorlutik oqartussat aatsitassarsiornermit isertitaat ikinnerpaamik 30 mio. kr.-nik amerlassuseqartut Inatsisartut pingajussaannik akuerippatigut [aningaasat amerlanerusut tulluarnersagaluarpit].”***

Price Waterhouse Coopers pillugu apeqqutit

Ataatsimiititaliap apeqqutaanik akissuteqarnermi Price Waterhouse Coopers-imit naatsorsuinerit innersuussutigineqarput. Ataatsimiititaliaq inussiarnersumik

qinnuigineqassaaq PWC-mit nassuiaatigineqartup ullulernerqarsimasup assilinera ilisimatitsissutitut pissarsiarissagaa. PWC-mit naatsorsuinernut atatillugu ataatsimiititaliaq ilassutitut apeqquteqarpoq:

Apeqquteqaat:

- 3.a.** Aatsitassarsiornermi Aningaasaateqarfiup ingerlatsinermit missingersuutaasa qanoq inissisimanerinit naatsorsuisitsinissamut qanga Naalakkersuisut PWC inniminnermaneraat pillugu Naalakkersuisut ilisimatitsissuteqaqqullugit ataatsimiititaliap qinnuigissavai? Qangalu PWC-p allakkiaq tamanna tunniuppaa?

Akissuteqaat:

Aatsitassarsiornermi Aningaasaateqarfik pillugu Andreas Uldum-ip § 37 tunngavigalugu apeqquteqaataata akineqarneranut atatillugu PWC'p nalilersuinissaa oqarasuaatikkut inniminnerneqarpoq. Naliliineq ulloq 11. april 2012 PWC-p tunniuppaa.

Andreas Uldum-ip apeqquteqaatimi ilaani tunngavilersuutitut isumaqarpoq, Naalakkersuisut naliliinera kukkunerqarsimasoq. Andreas Uldum-ip apeqqutaani uangalu akissutinni tamakku ataani issuaanermi ersipput.

Avataanit nalilersuinermit pissarsiornerup Andreas Uldum-ip imaluunniit allaffeqarfiup naliliinerit arlaat eqqortuunersoq pillugu assortuunnissap pinngitsoortinnissaa siunertaraa. Taamaamat aningaasaateqarfiup aallartinneranut atatillugu ingerlatsinermit aningaasartuutit qaffasissusiinik avataanit nalilersuinermit pissarsioqqullugu allaffeqarfiga qinnuigisimavara. Tamanna PWC-mit pissarsiarineqarpoq, naliliineralu malillugu taanna suliffeqarfik suliaqarfisigut piginnaasaqarnermigut ataqqisaavoq.

Apeqqut 4:

Saqqummiussinermit erserpoq "Naalakkersuisut massakut isumaqartut, 5 mio. koruuninik aningaasaaterqarluni aallartinnissaq naammakkunnaartog aningaasaateqarfiup siulersuisoqarneranut, aqutsisoqarneranut allaffissornermullu aningaasartuutitut akissat iluanaarutigineqarsinnaanaviannngimmata." (Uanga ersarissaatiga).

Inatsisartut inatsisaat atuuttoq 2008-mi akuerineqarmat tagginneqarpoq 5 mio. koruuninik aningaasaateqaraanni iluanaarutinit aningaasartuutit matuneqarsinnaalluartut. Taamaakkunnaarsimappat taava pissutaasimassaaq, siulersuisunut, aqutsisunut allaffissornermullu ullumikkut aningaasartuutit 2008-mut naleqqiullugu qaffasinnerulersimasut imaluunniit naatsorsuutigineqarsinnaajunnaartog naammattunik amerlassusilinnik iluanaaruteqartoqartarnissaa (imaluunniit pissutsit pineqartut tamarmik ataatsikkoornerat pissutaasoq).

Inatsisartut inatsisaat atuuttoq akuersissutigineqarmat siulersuisunut aqutsisunullu ukiumoortumik ingerlatsinermit aningaasartuutit nalilernerqarput aallaqqaataaniik minnerpaamik ukiumut 450.000 koruuniusassasut. (Tamanna erserpoq inatsisissamut oqaaseqaatini).

Piffissami 2008-miit 2011-mut akinut malinnaatitsilluni naleqqussaaneq Kalaallit Nunaanni Naatsorsueqqissaartarfik naapertorlugu indeks 100-miit indeks 107,9-mut qaffannikuvoq. Tassa imaappoq, 8 procentit ataatilaarlugit akit qaffapput. Ullumikkut qularnanngitsumik naatsorsuutigisariaqarpoq aatsitassarsiornermi aningaasaateqarfiup ingerlannera akitsorsimassasoq 8 procentinik angineramik 2008-misut, inatsisartut inatsisissaat akuerineqarmat.

Iluanaarutit assiganik qaffassappata, Aatsitassarsiornermi aningaasaateqarfiup aningaasaatai qaffattariaqarput, akinik malinnaatitsinerup kinguneranik naleqqussaataasut amerlaqataannik, tassani 8 procentinik. Allatut oqaatigalugu aningaasanut killissarititaasoq 400.000 koruuniinnannguanilluunniit qaffassagaluarpat naammattussaapput allaffimmi aningaasartuutitut matussutigissallugit, akit qaffakkiartornerat malillugu

Naalackersuisut ilisimaneqartutut siunnersuutigaat inatsisip atuutilernerani aningaasat killissaat 75 mio. koruuninut qaffanneqassasoq. Siunnersuutip taamaallaat siunertarippagu, aningaasat nalikilliarnerannik pissuteqartumik allaffissornermi aningaasartuutit qaffannerinnut akissaqarnissaq, taava 5,4 mio. koruuninut aningaasat killilerneqartuuppata naammassimassagaluarpoq.

Inatsisissatulli siunnersuummi aamma eqqarsaatigisariaqarpoq Aatsitassarsiornermi aningaasaateqarfiup aningaasaataasa taama annertutigisumik iluanaarutitaqarsinnaajunnaarnerat. Tamatumani assersuutigineqarsinnaapput pappiaqqat nalillit obligationit sivisuumik atasartut erniaavisa ineriartornerat.

2008-mi aatsitassarsiornermi aningaasaateqarfik pillugu inatsisartut inatsisissaat akuersissutigineqarmat, obligationit sivisuumik atasartut ukiumut erniaqartarput 5,7 procentinik. Ullumikkulli 4 procenti ataateqqalaarpaa. Tassa imaappoq erniaat 30 procentit missaanni appariarsimapput.

Tamatuma Aatsitassarsiornermi aningaasaateqarfiup iluanaarutissaanik isumalluarpallaarunnaartitsisariaqarunalarpoq. Iluanaarutit allaffissornermi aningaasartuutitut akiliutigissallugit naammassappata, aningaasaatit minnerpaaffiaat 30 procentinik qaffattariaqaralarpoq tassa aningaasat 1.620.000 koruunit amerlaqataannik (aamma aningaasartuutit qaffakkiartornerat ilanngunneqassappat).

Aningaasaatit minnerpaaffissaat 5 mio. koruuniusoq 2008-mi Aatsitassarsiornermut aningaasaateqarfiup allaffissorneranut aningaasartuutitut matussutigissalugu naammattutut isigineqartoq, taamaasilluni naammakkunnaarpoq. Akit erniallu ineriartornerisa pisariaqartippaat aningaasaat minnerpaaffissaat 6,7 mio. koruuniusariaqartoq.

Naalackersuisulli siunnersuutigaat aningaasaatit 75 mio. koruuninut killilerneqassasut. Taakkualu aningaasaateqarfiup allaffissornermut aningaasartuutaanut naleqqiullugu amerlaneroqaat tamatumalu kinguneranik aamma aningaasaateqarfiup pisariaqanngitsumik aatsitassiornermi isertitassani amerlasuut annaassavai.

Naalackersuisut qinnugineqarput uppernarsaqqullugu aningaasat killissaat 10 mio. koruuniuppat (GA-p tusarniaanermut atatillugu akissutaani siunnersuutigineqartutut) massakut erniaavi Aatsitassarsiornermi Aningaasaateqarfiup aningaasartuutaanut matussutigissallugit naammassagaluartut.

Akissut:

Aningaasartanut killissaliussap 10 mio. koruuninik annertussuseqartup aningaasaateqarfiup aningaasartuutaannut qularnaarisinnaanissamut naammattumik iluanaaruteqarfiusinnaanissaanut qularnaarisinnaassasut naatsorsuutigineqarsinnaanersoq Naalakkersuisut uppersarsinnaanngilaat, tamanna aktianut obligationinullu niuerfimmi ineriartorneq Naalakkersuisut siumut eqqoriarsinnaagaat piviusumik isumaqassammat.

§ 27 naapertorlugu aningaasaateqarfiup aningaasaataasa inissinneranni, toqqissimanartumik qularnaveeqquteqarnissap aammalu sapinngisamik annertunerpaamik iluanaaruteqarnissap anguneqarnissaa siulersuisut qulakkeertussaavaat. Aningaasaliinerup isikkussaa, ilanngullugu annaasaqarsinnaanerup iluanaaruteqarnissallu akornanni oqimaalutaanissaq siulersuisut akisussaaffigisussaavaat. Annaasaqarsinnaaneq annertusippat imaluunnit annertuppat, iluanaarutissat qaffassasut imaluunniit qaffasissasut piumasaqaatigineqartussaammat, annaasaqarsinnaaneq iluanaaruteqarnissarlu nalinginnaasumik ataqatigiittarput. Taamaattorli naatsorsuutigineqartariaqarpoq siulersuisut, pingaartumik aningaasaateqarfiup pilersinneqareernerata kingorna ukiumi siullermi, qularnaveeqquteqarnissap qaffasissuunissaa pingaartittussaavaat, taamaalillutillu annertuumik iluanaaruteqarnissaq anguniartussaanaq. Suliaqarnermi tamanna isumaqarpoq pingaartumik obligationinut qularnaatsunut inissiisoqassasoq, aammalu maannakkut erniat annertussusaat malillugit 2 – 3 %-imik iluanaaruteqassasoq naatsorsuutigineqassalluni.

Aningaasartat minnerpaamik 450.000 koruuniusut qanoq nassaarineqarsimanersut aallaqqaammut naatsorsuinerit nassaariniarnerat ajoraluartumik iluatsissimannngilaq. Taamaattorli inatsisissatut siunnersuummut nassuiaatini allassimavoq, 400 mio. koruuninut inorlugit kaaviiartitaqarnermi siulersuisut aningaasarsiaqartinneqarnissaannut malittarisassat atuuttut malillugit siulersuisuni siulittaasumut ukiumut 70.000 koruuniusoq, aammalu siulittaasup tullianut aamma siulersuisuni ilaasortat sinnerinut ukiumut 35.000 koruuniulluni. Tamanna siulersuisunut aningaasarsiaqartitsinermuinnaq ukiumut 210.000 koruuninik aningaasartuuteqartitsisussaavoq. Tassunga ilanngunneqassapput allattoqarfimmut aningaasartuutit, ilanngullugit pisortaq aamma sulisut ataaseq arlallilluunniit (ilimanarluni ullup ilaannaa sulisussat), allattoqarfimmik pilersitsineq ingerlatsinerlu, kukkunersiuusumut aamma aningaasaatinik ingerlatsisumut aningaasartuutit il.il. Aningaasaatinut tunngaviusut annikippata, aningaasaatinik ingerlatsisumut (-isunut) aningaasartuutit annertujaartussaapput. Taamaattumik ukiumi siullermi aningaasaatinut tunngaviusut killeqartuinnaaneranni ingerlatsinermut aningaasartuutit ataatsimut katillugit minnerpaamik 1,0 mio. koruuniusasut missiliorneqarpoq. Aningaasaatinut niuerfimmi maannakkut iluanaarutit annertussuseqartinneqarneranni, ingerlatsinermut aningaasartuutit kisiisa matussusernissaannut minnerpaamik 20 - 30 mio. koruuninik aningaasaatinut tunngavissaqartariaqarpoq.

Aningaasaateqarfimmi siulersuisuni ilaasortat piginnaaneqarnissaannut inatsit annertuumik piumasaqaateqarpoq. Taamaalillutik siulersuisut ataatsimut katillutik inatsisitigut pissutsit, aningaasaatinik ingerlatsineq aamma aningaasaliisarneq kiisalu aatsitassarsiorluni misissuinermit paaanermullu tunngatillugu aningaasaqarnikkut inuussutissarsiornikkullu pissutsit pillugit qaffasissumik ilisimasaqartussaapput. Siulittaasumut siulersuisunullu ilaasortanut aningaasarsiarititassat, siulersuisunut pikkorissuseqarluartunut aningaasarsiaqartitsisarnermut niuerfimmi annertussuseritineqartartunut assigutinnngikkaanni, siulersuisunik piginnaanerisassanut

piumasaqaatinik naammassinnissinnaasunik nassaarniarnissaq ajornakusoorsinnaavoq. Taamaattumik nassuiaatini siulersuisunut aningaasartuutitut missiliuinerit atorsinnaajunnaarsimassasut ilimagisariaqarpoq, taamaattumillu aningaasarsiat siulittaasumut 70.000 koruuninit aammalu ilaasortat sinnerinut 35.000 koruuninit qaffasinnerungaatsiassasut ilimagisariaqarluni. Tassunga atatillugu naatsorsuutigineqartariaqarpoq siulersuisunut ilaasortat piginnaanerisassaannut piumasaqaatit sulii annertusiartortussaasut, takuuk assersuutigalugu aningaasaqarnermut suliaasaqarfimmi siulersuisunut piumasaqaatit annertusiartornerat.

Ingerlatsinermut aningaasartuutit ataatsimut katillugit siuliani missiliuinermit 1,0 mio. koruuniusumit qaffasinnerungaatsiarnissaat piviusumik aarlerinaateqarpoq, tassani annertussuseq 2,0 mio. koruunit tikillugit piviusorsiornerusoq paasinarsisinnaalluni.

Taamaattumik aningaasaateqarfiup aningaasaataannit iluanaarutit ingerlatsinermut aningaasartuutit kisiisa matussusersinnaaginnarnagit, aamma taakkuninnga annertunerunissaat annertuumik qulakkeerneqartussanngorlugu annertussuseqalersillugu, aningaasartassanut killissaliussat qaffanneqarnissaat Naalakkersuisut kissaatigisimavaat, taamaalilluni aallaqqaataaniit Aatsitassarsiornermi aningaasaateqarfimmi ingerlatsinermut piujuartussamik tunngavissaqarnissaa qularnaarneqassalluni. Aamma aatsitassarsiornermit isertitat aningaasaateqarfimmik aallartitsisussaasut ataasiaannartumik taamaallaat pisuusut, imaluunniit isertitat ilai "atortutigut pigisaasut", piviusumik iluanaaruteqarfiunatik paasinarsissagaluarpas. Kalaallit Nunaat nunatut aatsitassarsiorfittut ingerlalluurtutut inississimatinnagu, ukiumoortumik aningaasaateqarfimmut aningaasanik nutaanik takkuttoqartassasoq qulakkeerneqarsinnaanngilaq.

- 3.b.** Naalakkersuisut tungaanniit suliaasarititanik imaluunniit suliaasat pillugit allaaserisaqarpa, Aatsitassarsiornermi Aningaasaateqarfimmut atatillugu PWC-p sulinermini malittarisassaani? Tamanna taamaassimappat, allaaserisaq taanna – (allakkialiarluunniit) ullulersimasoq ataatsimiititaliap qinnutigissavaa.

Apeqquummut 3a-mut akissuteqaat innersuussutigineqarpoq.

- 3.c** Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaata nr. 6, 5. december 2008-imeersup allanngortinneqarnera pillugu Inatsisartut inatsisissaattut siunnersuutip nr. xx, xx. xx 2012-imeersup suliarineqarnerata nalaani Naalakkersuisut PWC-mit paasissutissanik piffissami tamatumani tigusaqareersimappat?

Apeqquummut 3a-mut akissuteqaat innersuussutigineqarpoq.

- 3.d** Taamaattoqarsimassappat, PWC-miit paasissutissat taakkua suna pissutigalugu inatsisissatut siunnersuutip nalinginnaasumik nassuiaatitaanut (imaluunniit saqqummiussissummut) ilanngunniarneqarsimannginnersut ilisimatitsissutiginnissaa kissaatigineqarpoq, paasissutissat taakkua apersuinissamut Naalakkersuisut akissuteqaataanni pingaarutilittut isigineqaraluartut?

Apeqquummut 3a-mut akissuteqaat innersuussutigineqarpoq.

Isumasioqatigiilluni nassiuammi apeqqummik 2.b-mik akissuteqarnermut erseqqissaat

Aallarniutigalugu Naalakkersuisut tungaanniit suliffeqarfinni aningaasarsiornermik ingerlataqartuni aningaasarliornerup malitsigisaanik siulersuisunut ilaasortat unammilligassaqarnerannik paasiuminartumik nassuiaatigineqarnera ataatsimiititaliap qujassutigissavaa. Kisiannili ataatsimiititaliap apeqqutaa pingaaruteqartoq, taamaattoq akissutigineqartumik ilaannakortumik oqaatigineqarluni. Apersuinissamut aggersaassummi ataatsimiititaliapq imaattumik apeqquteqarpoq:

Apeqquteqaat:

"2.b Kalaallit Nunaanni Aatsitassarsiornermi Aningaasaateqarfik pillugu inatsisip aalajangersagartaani § 23-imi allassimasoq, tassalu aatsitassarsiornermi aningaasaateqarfiup allatseqarfiata minnerpaamik ataasiinnarmik tassa pisortamik inuttaqarsinnaanera, aningaasaateqarfiup ulluinnarni ingerlanneqarneranut siulersuisut ataanni kisimiilluni isumaginnittuunissaa aallaavigineqarnerasoq, Naalakkersuisup uppersarsinnaavaa.

Aammattaaq tamatuma kingunerisaanik aningaasaateqarfik aallartinniariartoq arlalinnik sulisussarsionnissaq pisariaqalersinnaassanersoq, inatsisiliortup akerlianik erseqqissaateqarfigisinnaanerlugu?"

Apersuinermi apeqqutip matuma akissuteqarfiginissaanut atatillugu nalornisoortoqarsinnaanera pinngitsoorumallugu, apeqqummut " 2.b-mut" Naalakkersuisunut ilaasortap akissutimini tamanna Aappimik Naaggamilluunniit akissagaa Ataatsimiititaliap inussiarnersumik qinnutigissavaa.

Akissuteqaat:

§ 23-mut oqaaseqaatini allassimavoq, imaassasoq:

"Sulisut amerlassusissaat pillugu pisariaqartitat aalajangersimasut apeqqutaapput. Siunnersuutigineqarporli allattoqarfimmi minnerpaamik pisortamik ataatsimik sulisoqassasoq.

Pisortaq allattoqarfiup suliaanut ingerlanneqarneranullu akisussaasuvoq, tamakkununga ilaallutik taassuma aqunneqarnera aaqqissuunneqarneralu. Taamaalilluni pisortap aningaasaateqarfiup siunertaasa malinneqarnerisigut siunnersuullu manna allattoqarfiup atuuffiata ingerlaneralu maliillugu pisortap aamma akisussaaffigai. Pisortap akisussaaffigaa qulakkeerinneqataassalluni aningaasaateqarfiup allattoqarfiata atuuffini unneqqarissumik sunniuteqartumillu ingerlanneqarnissaat eqqumaffigissallugit. Taamattaaq tamatuma kingunerissavaa, allattoqarfimmi sulisut nalornisaqartillutik pisortap aalajangigaanut najoqqaataqartarnissaat. Tamakku saniatigut pisortap qulakkiissallugu aalajangissavaa, allattoqarfiup aaqqissuunneqarnerata suleriaatsimut sunniuteqartumut peqataatinnissaa. Taamaalilluni pisortap qulakkiissavaa, allattoqarfik iluaqutaasinnaappat atuuffinnut immikkoortortanullu agguarneqarsinnaanera."

Taamattaaq § 11-mut oqaaseqaatini allassimavoq, imaassasoq:

”§ 11-mut

Imm. 1-imut

Aningaasaateqarfik inatsisitigut immikkoortuummat namminersortuusooq, aallaavittullu Inatsisartunik isumalluuteqanngitsoq, aningaasaateqarfiup siulersuisoqarnissaa pisariaqarpoq. Taakku aningaasaateqarfik aqussavaat, siunnersuutillu matuma malittarisassai malillugit iliuuseqartassallutik. Pissutsit attuumassuteqartut tamatigoortumik ilisimasaqarfiginissaat qulakkeerniarlugit siulersuisunut ilaasortat tallimat naammapput, ilutigitillugulu aalajangersinnaassuseqarneq qaffassissoq qulakkeerniarlugu amerlavallaarnatik.

Siulersuisut Naalackersuisunit toqqarneqassapput. Tamanna aningaasaateqarfiup pilersinneqarnerani siullermik pissaaq. Siulersuisunut ilaasortat inuttut piginnaasatillu tunngavigalugit toqqarneqassapput. Siulersuisut inunnit makku eqqarsaatigalugit pikkoriffeqartumik misilittagaqartunik immikkullu piginnaasaqartunik katiternissaat pingaaruteqarpoq; inatsisinik tunngasut, aningaasaatigut pisuussutinik aqutsineq, aningaasarsiornermi aningaasaliissutinik kiisalu aatsitassarsiornermik sammisaqarnermut tunngasunik. Taamattaaq siulersuisut politikikkut allaffissornikkullu tunuliaqutigisamik suleriaasiannik aalajangeeriaasiannillu pitsaasumik paasinneriaaseqarunik iluaqutaassaaq.

Siulersuisut ataatsimoortumik isigalugit sunik piginnaasaqassasut imm. 3-mi allassimavoq. Piginnaasat taagorneqartut qulakkeerineqataassapput siulersuisut aningaasaateqarfiup siunertaanik malitseqartitsinissaq atuuffimminnillu isumaginninnerat eqqarsaatigalugit annertuumik misilittagaqarnissaaq immikkullu ilisimasaqarnissaaq, siunnersuutip § 2-at immikkut malugalugu takuuk. Taamaalilluni pisariaqarpoq, siulersuisunut ilaasortaqaq ataaseq arlallilluunniit aningaasaliissutit naammattumik qanoq qularnaannerusutut isummerfigissallugit naliliisinnaassuseqaruni(-nik), taamattarlu iluanaarutaasinnaasut siulersuisut qularnaannerusumik naliliisinnaassuseqassallutik. Taama assinganik ilaasortaqaq arlallilluunniit aatsitassarsiornermik ingerlatsineri inuussutissarsiornermi pissutsinik immikkut paasisimasaqassapput. Taamattaaq siulersuisut inatsisinut tunngasunik qaffassissumik ilisimasaqartussaapput, tamatumanilu tunngaviusariaqassalluni siulersuisunut ilaasortaqaq ataaseq arlallilluunniit inatsisilerineri qaffassissumik ilinniarsimanissaat kiisalu inatsisilerineri annertuumik immikkut ilisimasaqarnissaaq”.

Taamaalilluni allassimavoq allattoqarfeqassasoq siulersuisoqassallunilu.

Aamma allassimavoq, ”Sulisut amerlassusissaannut pisariaqartitat aalajangersimasut apeqqutaassapput”. Pisuni aalajangersimasuni pisariaqartitat aalajangersimasut nalilersorneqartarnissaat inatsimmi tassa siunertaavoq.

Aatsitassarsiornermi aningaasaateqarfik pillugu inatsisip § 23-ani allassimavoq, aningaasaateqarfiup ingerlanneqarnera allattoqarfimmit isumagineqassasoq pisortamillu aqunneqassalluni, allattoqarfiup suliaanut ingerlatsineranullu akisussaasuusoq, tamakkununga ilaallutik taassuma aaqqissuunneqarnera. Tamakku saniatigut aalajangerneqarpoq pisortaqaq aningaasaateqarfiup siulersuisunit atorfinitsinneqarlunilu

soraarsinneqassasoq, siulersuisunut siulittaasumit allakkatigut tunngavilersuilluni inassuteqarnera tunngavilalugu.

Inatsisip § 24-ani aalajangerneqarpoq, siulersuisut aningaasaateqarfiup suliaanik aqutsisuullutillu aaqqissuussisuussasut, pisortarluni aningaasaateqarfiup suliaanik ulluinnarni aqutsinermik isumaginnissasoq, taamaaliornikkut maleruagassat innersuussutillu siulersuisut aalajangiussimasaat malissallugit.

Taamaalilluni aningaasaateqarfiup siulersuisuisa akisussaaffigineruaat aningaasaateqarfik sulisunik atorfinitsitsisimanissaa aningaasaateqarfik sulisunik aalajangersimasumik pisariaqartitsinera malillugu.

Tamakku saniatigut aningaasaateqarfiup pisortaata aningaasaateqarfiup sulisunik atorfinitsitsinerni ingerlatsinikkut ulluinnarnilu akisussaaffigaa, aningaasaateqarfik sulisunik aalajangersimasumik pisariaqartitsinera malillugu.

Qulaani inatsisip § 11-anut oqaaseqaatini allassimasutut "*aningaasaateqarfik [...] inatsisitigut immikkoortuuvoq namminersortuusooq, aallaavittut Inatsisartunik isumalluuteqanngitsooq*".

Taamaalilluni aningaasaateqarfik allattoqarfimmi sulisunik qanoq ilisukkut pisariaqartitsinermut atorfinitsitsisariaqarnermullu Naalakkersuisut aalajangiissallutik piginnaatitaaffeqanngillat. Tamannattaq aningaasaateqarfiup aqunneqarnissaannut taassumalu pisussaaffii akisussaaffiilu pillugit aatsitassarsiornermi aningaasaateqarfiup inatsisaata malittarisassaanut uniuutissaaq, aningaasaateqarfik qanoq ilisukkut allattoqarfimmi sulisunik aalajangersimasumik atorfinitsitsisarnermi Inatsisartut imaluunniit Naalakkersuisut malittarisassanik aalajangersaassagaluarpata imaluunniit aalajangiissagaluarpata.

Siusinnerusukkut taaneqareersutut aningaasarsiornermi ajalasoornermut atatillugu aningaasarsiornermi suliffeqarfinni ulluinnarni aqutsisunut siulersuisunullu piumasaqaatit sakkortusineri eqqumaffigineqarnerulersimapput.

Sulisussanik pisariaqatsitsinermi aalajangersimasumik nalilersuinissaq pillugu inatsisip piumasaqaataat unioqqutissallugit eqqortuusutut imaluunniit tulluurtuusutut Naalakkersuisut isumaqanngillat, nalilersuinerlu aningaasaateqarfiup siulersuisuinit pisortaanillu isumagineqassasoq.

Ilisimaneqartut PWC pisortamik sulisumillu toqqaasimavoq, tamannali inatsisip malillugit aningaasaateqarfiup aallartinneqarneranut atatillugu aalajangersimasumik nalilersorneqartussaavoq.

5. Isumasioqatiginnermi allakkiamit apeqqut b. 1-imut ilassutitut apeqqut

Apeqquut:

Isumasioqatigiilluni apeqqummut 1b-mut akissutigineqarpoq 75 mio.-it "pissusissamisoorpum killissatut" taaneqartut. Oqariaaseq taanna erseqqinnerusumik nassuiarneqarsinnaava? Tamanna pissusissamisoorpoq inatsisip marloqiusanut avinneqarnissaa

siunertaamat. Siullertut naleqqatigiisitsinissaq siunniunneqarpoq, inatsisitigut peqqutaasut pinnagit, kisiannili killissarititaasoq "pissusissamisooramat", aningaasallu killilernerat namminersorlutik oqartussat pillugit inatsimmi Aatsitassarsiornermi Aningaasaateqarfik malillugu "illitersuutitut" nalilersorneqarnera eqqarsaatigineqarmat. Tamannali qanoq ilisukkut anguneqarsimava?

Akissut:

Siusinnerusuklut akissutigisara innersuussutigissavara, tassani allanneqarmat, inatsisini marluusunile naleqqatigiisitsinissatut aningaasatigullu siunnersuutigisat inatsisitigut pisariaqanngitsut. Inatsisissamat siunnersuummi oqaaseqaatinilu aamma allanneqanngilaq naleqqatigiisitsinissaq inatsisitigut pisariaqanngitsaq.

Namminersorlutik Oqartussat pillugit inatsimmi namminersorlutik oqartussat ukiumoortumik aatsitassarsiornermi isertitassaannut sukuluut killissaat aalajangersarneqarput. Sukuluut killissaat 75 millioner kr.-usoq qaangerneqassaaq ataatsimoortumik tapiissutit ikilisinneqassappata. Tamatuma ersersippaa namminersorlutik oqartussat pillugit isumalioqatigiit nalilersimammassuk tunngavigisimallugulu, aatsitassarsiornermik sammisaqarnermik ataavannerusumik pilersitsineq piviusoq aningaasarsiornikkullu ataavartumik pingaaruteqartoq aatsaat pisimassamat, ukiumoortumik ukiumi ataatsimi aatsitassarsiornermit isertitat aningaasanit taakkunannga amerlanerulerpata.

Namminersorlutik oqartussat pillugit inatsimmi aningaasat amerlassusiat pillugu naliliineq inatsisitigut pituttorsimasuunngilaq imaluunniit toqqaannartumik inatsisitigut attuumassuteqarnani, aatsitassarsiornermi aningaasaateqarfik pillugu inatsimmi aningaasat maanna 5 millioner kroniusut naammaginantumik siunertaqartutut nalilerneqarpata imaluunniit aningaasanut amerlanerusunut allanngortinneqartariaqarpata.

Saqqummiussami taaneqartutut aningaasanut killigititaasut Naalakkersuisut qaffakusussimavaat, aningaasaateqarfiup pilersinneqarnerani aningaasaatitigut naammaginantumik tunngavissaqarnissaq qulakkeerniarlugu, taamaalilluni iluanaarutit allaffissornermi aningaasartuutinit ilanngartorneqassanngimmata, imaluunniit aningaasaatit nunguineqassanngippata. Aningaasat 75 mio. kr.-nut qaffatsinnerisigut aamma qularnanngilluinnartumik qulakkeerneqassaaq aningaasaatitigut tunngavissat ima amerlatigilerlutik aningaasaateqarfik annertusisinnaalluni, ukiuni tulliuuttuni aningaasaateqarfimmut aningaasanik akiliisoqanngikkaluarpalluunniit.

Apeqqut:

Peqqutaasut aappaa tassaavoq, aningaasaateqarfiup isertitaasa aningaasatitigullu pisuussutaasa akornanni illuatungaaticigut, aappaaticigullu aningaasaateqarfiup aningaasartuutai allaffissorneratalu naleqqatigiisinnissat qulakkeerneqarusummat. Naleqqatigiisitsinerli taanna allannguutissatut siunnersuut aqqutigalugu ilumut anguneqarsinnaanerpa (pingaartumik akiuiniarnermi atortut nuannaartorineqalersut eqqarsaatigalugit aningaasat 20 mio. kr.-nut allanngortinneqassappata).

Akissut:

Ataatsimiititaliap allannguutissatut siunnersuutaa piviusunngortinneqassappat naleqqatigiisitsinerup anguneqarnissaat qulakkeerneqassasoq Naalakkersuisut isumaqanngillat, siusinnerusukkut eqqartorneqareersutut iluanaarutit ingerlatsinermi aningaasartuutitik matussusiisinnaanerit qulakkeerneqarsinnaanngimmat.

Taamaalilluni aatsitassarsiornermi aningaasaateqarfiup ukiumi pilersinneqarfiani aallartitsinermi aningaasaateqartoqartariaqarpoq aningaasaateqarfiup alliaartorsinnaaneranut qularnanngilluinnartumik qulakkeerrinninnissamut naammattunik. Taama qularnaarinninneq ilimanarnerussaaq aningaasatigut killissarititaasut aalajangiunneqartut amerlaneruppata.

Inussiarnersumik inuulluaqqusillunga

Ove Karl Berthelsen

Ilanngussaq: PWC - Budgetskitse vedrørende Råstoffonden



INATSIARTUT

Inuussutissarsiornermut Aatsitassanullu Naalak-
kersuisoq
Ove Karl Berthelsen
/MAANI

BILAG

Dato : 11. maj 2012
J.nr.: 01.36.02.04-00017

Kalaallit Nunaanni Aatsitassarsiornermi Aningaasaateqarfiliornissaq pillugu siunnersuummut tunngatillugu apeqqutit

Aallarniutigalugu Inuussutissarsiornermut Ataatsimiititaliaq majip 5-ani 2012-imi ataatsimiititaliap apersuinerani akissutigineqartunut oqallisigineqartunullu qujarusuppoq. Apersuinerami paasissutissiisutigineqartut tunngavigalugit ilassutitut apeqquteqarnissaminut ataatsimiititaliaq pissutissaqarsorivoq.

1. Inuussutissarsiornermut Ataatsimiititaliap allannguutissatut siunnersuusiorsinnaaneranut tunngatillugu

Soorlu naluneqanngitsaq, maannakkut ataatsimiititaliap allannguutissatut siunnersuusior-nissani eqqarsaasersuutigaa. Apersuinerami apeqqutit 1a aamma 1b Naalakkersuisup itisillil-luni akissuteqarfigisai ataatsimiititaliap aallaavigai, tassalu Namminersorneq pillugu inatsi-sip aammalu Aatsitassarsiornermi Aningaasaateqarfik pillugu inatsisip akornanni ingi-aqatigiissitsisoqarnissaanik Naalakkersuisunit siunnersuutigineqartoq, inatsisilerinikkut pisariaqavissuunngitsaq. Tamanna tunngavigalugu ataatsimiititaliaq isumaqarpoq, Aatsita-sarsiornermi Aningaasaateqarfiup aallartinneqarnissaanut Namminersorneq pillugu inatsimmi kr. 75 millioninit oqaatigineqartunit aningaasatigut allaanerumsumik killiliinissamut aamma periarfissaqartoq piviusunngortinneqarsinnaasorlu.

Aammattaaq Naalakkersuisup akissutaa ataatsimiititaliap imatut paasivaa, tassalu inatsisis-satut siunnersuutigineqartup allannguutissatut siunnersuusiorinikkut naleqqussarneqarsin-naanera Naalakkersuisunit mattusimaneqanngitsaq. Apersuinissamut aggersaanermi ata-atsimiititaliap allannguutissatut siunnersuutissamut missingiusiaq manna saqqummiuppaa. Atuutilersitsinissaq pillugu inatsisip atuuttup § 50-ertaa taamaalilluni imaalillugu allanngu-uteqartinneqassagalarpoq, imatut oqaasertaqartinneqarluni:

"Inatsisartut inatsisaat januarip 1-ani atuutilissaaq ukiup ullorsiuteqarfiusup qaangiunnerani, Inatsisartut nunatta karsiata naatsorsuutaanik pingajussaaneeraluni akuersissuteqarnerani, Namminersorlutik Oqartussat aatsitassarsiornermit isertitai ukiumi naatsorsuusiorfiusumi minnerpaamik kr. 15 millioninik annertussuseqarpata imaluunniit siusinnerusukkat Naalakkersuisut erseqqinnerusumik aalajangersagaliaat naapertorlugu, Namminersorlutik Oqartussat aatsitassarsiornermit isertitarisai ima qaffasitsigilersimasutut Naalakkersuisut tamanna nalilissappassuk, allaat aatsitassarsiornermi aningaasaateqarfissap aallartinneqarnissaa kissaatiginartinneqarluni"

Apersuinissamut aggersaassummi allannguutissatut siunnersuummut tapiliussatut ataatsimiititaliaq ilaatigut imatut apeqquteqarpoq:

"3.a Taamatut atuutilersitsinissamut teknikkikkut allaffissornikkullu Naalakkersuisut suliaqarnissaminut periarfissaqassappat?"

Naalakkersuisup apeqqut tamanna imatut akissuteqarfigaa:

"Aap – kisianni tamatuma aningaasaateqarfimmi ingerlatsinermut matussusiinissaq qulakkeersinnaanngilaa – assersuutigalugu ukiut pingasut tulleriit upalungaarsimanermut atortut tigumassagutsigu."

Assersuutigalugu upalungaarsimanissamut atortunik ataavartumik tigusisarnissaq pillugu siunissami IBA-mik isumaqatigiissusiortoqartarsinnaaneranut atatillugu ajornartorsiutaasut Naalakkersuisunit oqaatigineqartoq ataatsimiititaliap paasisinnaavaa. Ataatsimiititaliap isumaqataaffigikutsoorsinnaavaa tamanna tunngavigalugu aningaasaateqarfiup aallartinneqarnissaa naleqquttuussanngitsaq.

Apersuinissamut aggersaassummi apeqqummut 3. a-mut Naalakkersuisut akissutiminni upalungaarsimanissamut atortutunut tunngatillugu ajornartorsiutaasinnaasutut oqaatigisaat ataatsimiititaliap isumaliutersuutigisimavaa. Tamannalu tunngavigalugu Naalakkersuisunit ajornartorsiutaasinnaasutut uparuarneqartoq isiginarlugu, allannguutissatut siunnersuutissamut tapiliussaqaarnissaminut ataatsimiititaliaq pissutissaqarsoraaq. Ataatsimiititaliap allannguutissatut siunnersuusiormermini tunuliaqutarisaa naluneqanngitsutut maannakkut imatut oqaasertaqarpoq:

"Inatsisartut inatsisaat januarip 1-ani atuutilissaaq ukiup ullorsiateqarfiusup qaangiunnerani, Inatsisartut nunatta karsiata naatsorsuutaanik pingajussaaneeraluni akuersissuteqarnerani, Namminersorlutik Oqartussat aatsitassarsiornermit isertitai ukiumi naatsorsuusiorkiusumi minnerpaamik kr. 15 millioninik annertussuseqarpata imaluunniit siusinnerusukkut Naalakkersuisut erseqqinnerusumik aalajangersagaliaat naapertorlugu, Namminersorlutik Oqartussat aatsitassarsiornermit isertitarisai ima qaffasitsigilersimasutut Naalakkersuisut tamanna nalilissappassuk, allaat aatsitassarsiornermi aningaasaateqarfissap aallartinneqarnissaa kissaatiginartinneqarluni".

Upalungaarsimanissamut atortunik Namminersorlutik Oqartussat siunissami tigusisarsinnaanerannut tunngatillugu ajornartorsiutaasinnaasut Naalakkersuisut oqaatigisaat piareersimaffiginarlugit allannguutissatut siunnersuummut pingaartillugu ataani allasimasoq ilanngunneqassasoq ataatsimiititaliap siunnersuutigissavaa.

"..... Aatsitassarsiornermi aningaasaateqarfiup aallartinneqarnissaanut tunngatillugu aningaasanngorlugit isertitat kisimik naatsorsuusiorknermut ilanngunneqartassapput. Namminersorlutik Oqartussanut nuunneqartut nalingi, assersuutigalugu oliekoornernik akiuiniarnermi atortut allaluunniit, aningaasaateqarfiup aallartinneqarnissaanut tunngatillugu taamaalillutik ilaatinneqassanngillat".

Taamaalilluni allannguutissatut siunnersuutissamut missingiusiaq naammassinermini maannakkut imatut oqaasertaqalissaaq:

"Inatsisartut inatsisaat januarip 1-ani atuutilissaaq ukiup ullorsiuteqarfiusup qaangiunnerani, Inatsisartut nunatta karsiata naatsorsuutaanik pingajussaaneeraluni akuersissuteqarnerani, Namminersorlutik Oqartussat aatsitassarsiornermit isertitai ukiumi naatsorsuusiorfiusumi minnerpaamik kr. 15 millioninik annertussuseqarpata [imaluunniit kr. 30 millionit] imaluunniit siusinnerusukkut Naalackersuisut erseqqinnerusumik aalajangersagaliaat naapertorlugu. Aningaasaateqarfiup aallartinneqarnissaanut tunngatillugu aningaasanngorlugit isertitai kisimik naatsorsuosiornernut ilanngunneqartassapput. Namminersorlutik Oqartussanut nuunneqartut nalingi, assersuutigalugu oliekoornernik akiuiniarnermi atortut allalluunniit, aningaasaateqarfiup aallartinneqarnissaanut tunngatillugu taamaalillutik ilaatinneqassanngillat".

Aalajangersakkamut oqaaseqaatigineqartut:

"Siunnersuummi Nunatta aatsitassarsiornermi aningaasaateqarfiata ukiumut aatsitassarsiornermit isertitai, kr. 5 millioninik amerlaneruppata siunertaanngitsumik aallartinneqarnissaata pinaveersimatinnissaa siunertaavoq. Inatsisartut inatsisaata januarip 1-ani atuutilerneratigut ukiup ullorsiuteqarfiusup qaangiunnerani, Inatsisartut nunatta karsiata naatsorsuutaanik pingajussaaneeralutik akuersissuteqarneranni, Namminersorlutik Oqartussat aatsitassarsiornermit isertitai ukiumi naatsorsuusiorfiusumi minnerpaamik kr. 15 millioninik annertussuseqarpata, aatsitassarsiornermi aningaasaateqarfiup ataasiaannartumik isertitai tunngavigalugit aallartinneqarsinnaanera pinngitsoortinneqassaaq. Inatsisissatut siunnersuut aningaasaateqarfiup siusinnerusukkut aallartinneqarsinnaaneranut Naalackersuisut piginnaatinneqarsinnaaneranik imaqarpoq. Tamanna piffissanngorsinnaavoq, assersuutigalugu Naalackersuisut akuerineqarsinnaasutut nalilerpassuk, aatsitassarsiornermit isertitai ima qaffasitsigilerlutillu aalaakkaatigilerpata, allaat aatsitassarsiornermi aningaasaateqarfissap aallartinneqarnissaa kissaatiginartinneqarluni.

Namminersorlutik Oqartussat IBA aqputigalugu Cairn Energy-mik isumaqatigiissuteqarnermi upalungaarsimanissamut atortut kr. 20 millioninik nalilerneqartut pissarsiaarat. Pigisanik taamatut tunniussineq Naalagaaffik eqqarsaatigalugu tamanna Namminersorneq pillugu Inatsimmi § 7 imm. 2 naapertorlugu aatsitassanit isertitai naatsorsorneqassapput, taakkuli nalingi (atortut eqqarsaatigalugit) Aatsitassarsiornermi Aningaasaateqarfimmut ilaatinneqassanngillat taamaalillutillu aamma aningaasaateqarfiup aallartisarneqarneranut naatsorsuusiornermut ilaatinneqaratik. Taamaalilluni aalajangersakkami naggatip kingullersaani siunertaavoq, Aatsitassarsiornermi Aningaasaateqarfiup atortunik taamaattunik tunniussisoqarnera tunngavigalugu naleqqutinngitsumik aallartinneqarnissaata pinaveersimatinneqarnissaa, ataasiaannartumik tunniussineq imaluunniit ataavartumik tunniussuineq pineqaraluarpataluunniit."

Oqaatigineqassaaq, qulaani inatsisissatut siunnersuutissamut missingiusiarineqartut kiisalu Naalackersuisut oqaaseqaatigisaat piumasarineqartut tamatumuuna naapertorlugit teknik-

kikkut aqqissuunneqartariaqassammata Naalackersuisut allannguutissatut siunnersuummik saqqummiussinnginneranni.

2. Tamanna tunngavigalugu ataatsimiititaliap makkua apeqqutigerusuppai:

” Taamatut atuutilersitsinissamut teknikkikkut allaffissornikkullu Naalackersuisut suliaqarnissaminnut periarfissaqassappat?”

3. Price Waterhouse Coopers pillugu apeqqutit

Ataatsimiititaliap apeqqutaanut akissummi Price Waterhouse Coopersimit naatsorsuinerit innersuussutigineqarput. PWC-mit allakkap ullulersimasup assilineranik ataatsimiititaliap ilisimatitsissutitut tunineqarnissani inussiarnersumik qinnutigissavaa. PWC-mit naatsorsuinerit atatillugu ataatsimiititaliap ilassutitut tassunga apeqqutissaqarpoq.

- 3.a.** Aatsitassarsiornermi Aningaasaateqarfiup ingerlatsinermut missingersuutaasa qanoq inissisimanerinit naatsorsuisitsinissamut qanga Naalackersuisut PWC inniminnermaneraat pillugu Naalackersuisut ilisimatitsissuteqaqqullugit ataatsimiititaliap qinnuigissavai? Qangalu PWC-p allakkiaq tamanna tunniuppaa?
- 3.b.** Naalackersuisut tungaanniit suliassarititanik imaluunniit suliassat pillugit allaaserisaqarpa, Aatsitassarsiornermi Aningaasaateqarfimmut atatillugu PWC-p sulinermini malittarisassaani? Tamanna taamaassimappat, allaaserisaq taanna – (allakkialiarluunniit) ullulersimasoq ataatsimiititaliap qinnutigissavaa.
- 3.c** Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaata nr. 6, 5. december 2008-imeersup allanngortinneqarnera pillugu Inatsisartut inatsisissaattut siunnersuutip nr. xx, xx. xx 2012-imeersup suliarneqarnerata nalaani Naalackersuisut PWC-mit paasissutissanik piffissami tamatumani tigusaqareersimappat?
- 3.d** Taamaattoqarsimassappat, PWC-miit paasissutissat taakkua suna pissutigalugu inatsisissatut siunnersuutip nalinginnaasumik nassuiaatitaanut (imaluunniit saqqummiussissummut) ilanngunniarneqarsimannginnerisut ilisimatitsissutiginiissaa kissaatigineqarpoq, paasissutissat taakkua apersuinissamut Naalackersuisut akissuteqaataanni pingaarutilittut isigineqaraluartut?

4. Apersuinissamut akissuteqaammut 2.b-mut erseqqissaat

Aallarniutigalugu Naalakkersuisut tungaanniit suliffeqarfinni aningaasarsiornermik ingerlataqartuni aningaasariorerup malitsigisaanik siulersuisunut ilaasortat unammilligassaqarnerannik paasiuminartumik nassuiaatigineqarnera ataatsimiititaliap qujassutigissavaa. Kisiannili ataatsimiititaliap apeqqutaa pingaaruteqartoq, taamaattoq akissutigineqartumik ilaannakortumik oqaatigineqarpoq. Apersuinissamut aggersaassummi ataatsimiititaliaq imaatumik apeqquteqarpoq:

"2.b *Kalaallit Nunaanni Aatsitassarsiornermi Aningaasaateqarfik pillugu inatsisip aalajangersagartaani § 23-imi allassimasoq, tassalu aatsitassarsiornermi aningaasaateqarfiup allatseqarfiata minnerpaamik ataasiinnarmik tassa pisortamik inuttaqarsinnaanera, aningaasaateqarfiup ulluinnarni ingerlanneqarneranut siulersuisut ataanni kisimiilluni isumaginnittuunissaa aallaavigineqarnerasoq, Naalakkersuisup uppersarsinnaavaa.*

Aammattaaq tamatuma kingunerisaanik aningaasaateqarfik aallartinniariartoq arlalinnik sulisussarsiorinissaq pisariaqalersinnaassanersoq, inatsisiliortup akerlianik erseqqissaateqarfigisinnaanerlugu?"

Apersuinermi apeqqutip matuma akissuteqarfiginissaanut atatillugu nalornisoortoqarsinnaanera pinngitsoorumallugu, Apeqqummut " 2.b-mut" Naalakkersuisunut ilaasortap akissutimini tamanna Aappimik Naaggamilluunniit akissagaa Ataatsimiititaliap inussiarnersumik qinnutigissavaa.

Akissutigineqartut tallimangornermi majip 10-ani tigusissai ataatsimiititaliap qinnutigissavaa.

Inussiarnersumik inuulluaqqusillunga


Naaja Nathanielsen

Ataatsimiititaliap siulittaasua



Inuussutissarsiornermut Aatsitassanullu
Naalakkersuisoq
/MAANI

Dato : 30-04-2012
J.nr.: 01.36.02.04-00017

BILAG

Asasara Ove Karl

Matumuuna Inuussutissarsiornermut Ataatsimiititaliap majip 4-ani nal. 11.00 Inatsisartut ataatsimiittarfianni 2-mi apersuinissaanut aggersarneqarputit. Apersuinermi Kalaallit Nunaata Aatsitassarsiornermi Aningaasaateqarfia pillugu inatsisissatut siunnersuut qulequtarineqassaaq.

Apersuinermi ataatsimiititaliap makkua eqqartorneqarnissaat kissaatigaa:

Apeqqu 1: Kalaallit Nunaanni Aatsitassarsiornermi Aningaasaateqarfik pillugu inatsisip kiisalu Namminersorneq pillugu inatsisip akornanni ingiaqatigiissitsinissaq.

Kalaallit Nunaanni Aatsitassarsiornermi Aningaasaateqarfik pillugu inatsisissatut siunnersuummi allassimavoq, Namminersorneq pillugu Inatsimmi isertitarisassatut killiliussat kr. 75. millioniusut eqqarsaatigalugit ataqatigiissaakkamik ingiaqatigiissitsisoqassasoq. Taamaalilluni aningaasat aatsitassarsiornermi aningaasaateqarfiup aallartinneqarnerani atorineqartussat kr. 5. millioniniit kr. 75. millioninut qaffanneqarlutik.

1.a Inatsisit marluusut tunngaviusumik imminnut attuumassuteqanngitsut ataqatigiissakkamik taamatut inatsisitigut ingiaqatigiissinniarneqarnerat nassuiaatigeqquneqarpoq. Tassunga atatillugu tamatumunnga assigusumik inatsisinik allanik marlunnik ingiaqatigiissinneqartunik assersuutaasinnaasunik taasasaqarnerluni.

1.b Namminersorneq pillugu inatsisip kiisalu Kalaallit Nunaanni Aatsitassarsiornermi Aningaasaateqarfik pillugu inatsisip akornanni ingiaqatigiissitsinissaq pillugu anguniagassap innersuussutiginiisaa tassalu aatsitassarsiornermi aningaasaateqarfiup aallartinnissaanut aningaasat kr. 70. millioninut qaffanneqarnissaat ilumut pisariaqavinnerluni.

Aningaasaateqarfiup aallartisarneqarnissaanut aningaasat pisariaqartinneqartut kr. 70. millioninut qaffatsinnissaat kisiisa eqqarsaatigalugit (taamaalillunilu aningaasaateqarfimmi katersarineqartut ikilillugit) Naalakkersuisut inatsisissatut siunnersuusiunnarsimasinnaanngillat.

- 1.c Ingiaqatigiissitsinissap siunnersuutigineqartup pilersinneqarnera sunik ajoqutissarsiffiussanersoq ajoqutissarsiffiusinnaanersorlu paasissutissiissutigeqqullugu Naalakkersuisoq qinnuigineqarpoq. Tassungalu ilanngullugu aatsitassarsiornikkut isertitaqarneq pissutigalugu akisussaaffiit Naalagaaffimmit tigusassat aningaasalersornissaannik aammalu ataatsimoortumik tapiissutit ikiliartornerisa pakkersimaarneqarnissaannik aningaasaateqarfiup siunniussatut aalajangersagaanik eqquutsitsinissap kinguarsarneranik aningaasat aningaasaateqarfimmi katersarineqartussat siunnersuutigineqartut ikilinnerat nassataqarsinnaanersoq paasissutissiissutigalugu?
- 1.d Aningaasat aatsitassarsiornermi aningaasaateqarfiup aallartinneqarnerani atorineqartussat 5. mio. kr.-init 75. mio. kr.-inut qaffanneqarnerat pitsaaqutinik ajoqutinillu sunik nalinginnaasumik nassataqartussat isumaqarfigineqarnersoq pillugu naatsumik paasissutissiinissaq kissaatigineqarpoq.

Apeqqutit 2: Aningaasat kr. 75. millioninut killilerneqarnerat

Andreas Uldumip § 37 naapertorlugu apeqquteqaataanut akissut tunngavigalugu ataatsimiititaliap ima tamanna paasivaa, tassalu aningaasaateqarfiup aallartinnissaanut aningaasat kr. 5. millioniniit kr. 75. millioninut qaffannissaannik pisariaqartitsineq Cairn Energyp oliekoornermi saliinissamut atortunik kr. 20 millioninik naleqartunik tunissuteqarnera ilaatigut tunngavigineqartoq, aningaasaateqarfiup aallartinnissaanik kinguneqartumik.

Aammattaq Naalakkersuisut akissuteqaataanni allassimavoq, Aatsitassarsiornermi Aningaasaateqarfiup allatseqarfia ukiumut kr. 1-2 millioninik ingerlatsinermut aningaasartuuteqarfiusartussat ilimagineqartoq. Tamatumunnga atatillugu ataatsimiititaliap ima tamanna takorloorpaa tassalu aningaasaateqarfik aallartinneqarniariapat allatseqarfissaq arlalinnik sulisulik aallartisarneqarniartoq.

- 2.a Cairn Energyp atortut Kalaallit Nunaannut tunniussai Nammissorneq pillugu inatsimmi § 7, imm. 2-mi normu 1.-4.-milu isertitat pillugit nassuiaammut atasutut sooq isigineqarnersut inatsisilerinikkut naatsumik nassuaateqarfiginissaa kissaatigineqarpoq. Isertitatut taaneqartunut ilaanngitsut Kalaallit Nunaata atortunik tigusisinnaanera imaluunniit piginnittuusinnaanera ilanngullugu aamma nassuaateqarfiginissaa qinnutigineqarpoq.
- 2.b Kalaallit Nunaanni Aatsitassarsiornermi Aningaasaateqarfik pillugu inatsisip aalajangersagartaani § 23-imi allassimasoq, tassalu aatsitassarsiornermi aningaasaateqarfiup allatseqarfiata minnerpaamik ataasiinnarmik tassa pisortamik inuttaqarsinnaanera, aningaasaateqarfiup ulluinnarni

ingerlanneqarneranut siulersuisut ataanni kisimilluni isumaginnittuunissaa aallaavigineqarnerasoq, Naalakkersuisup uppersarsinnaavaa.

Aammattaaq tamatuma kingunerisaanik aningaasaateqarfik aallartinniariartoq arlalinnik sulisussarsiornissaq pisariaqalersinnaassanersoq, inatsisiliortup akerlianik erseqqissaateqarfigisinnaanerlugu?

- 2.c Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaannut nassuiaatini allassimavoq aningaasaateqarfiup ingerlanneqarneranut allaffissornikkut aningaasartuutissat ukiumut katillugit 450.000 kr.-iusussatut naatsorsuutigineqartut. Andreas Uldumilli § 37 naapertorlugu apeqqutaanut akissummi allassimavoq ingerlatsinermut aningaasartuutissat 1-2 mio. kr.-iusussatut maanna nalilerneqartut. Tamannalu Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaata 2008-mi akuersissutigineqarnerata kingorna marloriaat sinnerlugu qaffariarneruvoq.

Aammalu akissummi allaqqasorinarpoq akit pissarsiallu ineriartornerat tamatumunnga annikitsuinnarmik pissutaasoq aammalu Naalakkersuisut maanna naliliisut ingerlatsinermut aningaasartuutissat aallaqqaammulli minnaagaasimasut.

Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaat naammattumik piareersarneqarsimanngila imaluunniit inatsisissatut siunnersuutip aningaasatigut kingunissai pillugit Inatsisartut kukkusumik paasissutissinneqarsimappat?

- 2d. Aningaasaateqarfiup tamakkiisumik atuussinnaassusilimmik allattoqarfeqareerluni aallartinneqarnissaanut, tamatumalu nassatarisaanik aallartinnissamut 75 mio. kr.-inik pisariaqartitsineraanermut taarsiullugu aningaasaateqarfiup aqunneqarneranut allaffissornikkut periutsinik allanik, aningaasaateqarfiup 75 mio. kr.-init ikinnerusunik aallarniuteqarluni atuutilersinnaaneramik periarfissiisunik inatsimmi killiliussat iluani toqqaasoqarsinnaava?

- 2.e Tassunga atatillugu periusissamik aalajangersimasumik apeqqummut 2.d-mut tunngatillugu atorneqarsinnaasumik Naalakkersuisut tikkuussaqaarsinnaappat?

Apeqqutit 3: Allannguutissatut siunnersuut

Naluneqanngitsutuut inatsisissamut siunnersuummut allannguutissatut siunnersuusiornissani ataatsimiititaliap isumaliutersuugigaa. Allannguutissatut siunnersuut tamanna aatsitassarsiornermi aningaasaateqarfiup inatsisaani atuutilersitsinissamut aalajangersakkat allannguutissaannik aallaaveqarsinnaasutut takorloorneqarpoq, taamaalilluni aningaasaateqarfik aatsaat assersuutigalugu Namminersorlutik Oqartussat ukiut pingasut tullerit aatsitassarsiornikkut isertitarisai ukiumut kr. 15 millionit qaangerpatigut imaluunniit Naalakkersuisut tamatumuuna erseqqinnerusunik aalajangersagai aallaavigalugit aallartittussanngorlugu.

Taamaassappallu inatsisip atuuttup § 50-iani atuutilersitsinissamut aalajangersakkap, oqaasertaa imaalillugu allangortinneqassagaluarpoq: *"Inatsisartut inatsisaat januarip 1-ani atuutilissaaq ukiup ullorsiuteqarfiusup qaangiunnerani, Inatsisartut nunatta karsiata naatsorsuutaanik pingajussaaneeraluni akuersissuteqarnerani, Namminersorlutik Oqartussat aatsitassarsiornermit isertitai ukiumi naatsorsuusiorfiusumi minnerpaamik kr. 15 millioninik annertussuseqarpata imaluunniit siusinnerusukkut Naalackersuisut erseqqinnerusumik aalajangersagalialaat naapertorlugu, Namminersorlutik Oqartussat aatsitassarsiornermit isertitarisai ima qaffasitsigilersimasutut Naalackersuisut tamanna nalilissappassuk, allaat aatsitassarsiornermi aningaasaateqarfissap aallartinneqarnissaa kissaatiginartinneqarluni".*

- 3.a Teknikkikkut allaffissornikkullu taamatut atuutilersitsinissaq Naalackersuisut taamatut suliaqarnissaminnut periarfissaqassappat?
- 3.b Ataatsimiititaliap allannguutissatut siunnersuutigissallugu isumaliutigisaani aningaasanit taaneqartunit allaanerusumik aqutsivigiuminernerusutut isigisaminnik Naalackersuisut tikkuussisinnaappat?
- 3.c Allannguutissatut siunnersuutigilersaagaq allannguuteqartinnagu akuerineqassappat aatsitassarsiornermi aningaasaateqarfiup atuutilersinneqarnissaa sioqqullugu ukiuni aatsitassarsiornermit isertitat ataavartuunngitsut 15. mio. kr.-init amerlanerusut kinguaassatsinnut aamma iluaqutissanngorlugit katersorneqarlutillu erniortinneqarnissaat Naalackersuisut qanoq qulakkiilersaarpaat?
- 3.d Inuiaqatigiit aatsitassarsiornermit annertunerusumik isertitaqarnissaat sioqqullugu nunani avannarlerni nunanilu allani sorlerni aatsitassarsiornermi aningaasaateqarfimmik pilersitsinissamut piareersarnissamik inatsisitigut aalajangiisoqarsimava atuutilernissaanullu minnerpaamik isertitarineqartussat qanoq annertussusilerneqarsimappat?

Apeqqutit 4: Aningaasaateqarfiup aningaasaataata erniortinnissaat

Naalackersuisut Andreas Uldumimut akissuteqaamminni eqqoriakannerpaat, aatsitassarsiornermi aningaasaateqarfiup kr. 75 millioninik katersaqarnissaa pisariaqassasoq, aningaasaateqarfiup ingerlanneqarneranut ukiumut kr. 1-2 millioninik pissarsisarnissaaq qulakkeerniarlugu. Tamanna aningaasat katersarineqartut ukiumut 1,3%-it aamma 2,6%-it akornanni ernialerineqarnerisut annertussuseqassaaq. Assersuutigalugu Norske Oliefondi 2009-imi katersaminit 25,9%-nik¹ erniaatigut iluanaaruteqarsimasooq takuneqarsinnaavoq.

¹ http://borsen.dk/nyheder/investor/artikel/1/194906/norsk_statsfond_hoester_milliarder.html.


4.a Kalaallit Nunaanni uagut aamma katersatta 1,2-2,6%-init annerusumik erniaqarnissaannik siunissaq ungasinnerusoq eqqarsaatigalugu piunasaqartariaqannginnersugut Naalakkersuisunut ilaasortaq ataatsimiititaliatulli isumaqarnerluni? Taamak appasitsigisumik erniaaqartitsigissagaanni ukiumut aningaasat uninngasuutigineqartut nikerarnerannut tamanna iluaqutaanaviangilaq, tamannalu aningaasat aningaasaateqarfimmi katersarineqartut tunngaviatigut nalikinnerulernerannik kinguneqarsinnaalluni!

Apersuinerimi apeqqtunik malitseqartitsissutininik saqqummiussisarnissani ataatsimiititaliap naatsorsuutigaa.

Apersuinerit Naalakkersuisup ataatsimiititaliallu politikikkut – nalinginnaasumik pingaarnersiunerit anguniakkallu pillugit - oqallinnerattut sapinngisamik iluseqartinneqarnissaat ataatsimiititaliap anguniagaraa. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqtut siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsisinneqarnissani ataatsimiititaliap kissaatigaa. Allakkiap ataatsimiititaliap Naalakkersuisumik apersuinerata kinguninngua uunga nassiuinneqarnissaa qinnutigineqarpoq: dje@inatsisartut.gl. Allakkiap ataatsimiititaliap Naalakkersuisumik apersuinissaanut nassarneqarpat atorneqarpallu taassuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga


Naaja Nathanielsen
Ataatsimiititaliap Siulittaasua



Inatsisartut Inuussutissarsiornermut Ataatsimiititaliaanni ilaasortat

BILAG

Kalaallit Nunaanni Aatsitassarsiornermi Aningaasaateqarfik pillugu inatsisissatut si- unnersuummut tunngatillugu isumasioqatigiilluni ataatsiminneg.

4. maj 2012
Sagsnr. 2012-060499
Dok. Nr.

Apeqqu 1: Kalaallit Nunaanni Aatsitassarsiornermi Aningaasaateqarfik pillugu inatsisip kiisalu Namminersorneq pillugu inatsisip akornanni ingiaqatigiissitsinissaq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Kalaallit Nunaanni Aatsitassarsiornermi Aningaasaateqarfik pillugu inatsisissatut siunnersuummi allassimavoq, Namminersorneq pillugu Inatsimmi isertitarisassatut killiliussat kr. 75. millioniusut eqqarsaatigalugit ataqatigiissaakkamik ingiaqatigiissitsisoqassasoq. Taamaalliluni aningaasat aatsitassarsiornermi aningaasaateqarfiup aallartinneqarnerani atorneqartussat kr. 5. millioniniit kr. 75. millioninut qaffanneqarlutik.

1.a Inatsisit marluusut tunngaviumik imminnut attuumassuteqanngitsut ataqatigiissakkamik taamatut inatsisitigut ingiaqatigiissinniarneqarnerat nassuiaatigeqquneqarpoq.

Akissut:

Inatsisini marlunni taakkunani aningaasartat ingiaqatigiissinniarneqarnissaat siunnersuutigineqartoq inatsisilerinikkut pisariaqanngilaq. Taamaattorli aamma inatsisissatut siunnersuummi nassuiaatinilu allassimangilaq ingiaqatigiissitsiniarneq inatsisitigut pisariaqanngitsoq. Taamaallaat allassimavoq aningaasartasat 75 millioninut qaffanneqarnerisa kingunerisaanik, piffissaq Kalaallit Nunaanni Aatsitassarsiornermi Aningaasaateqarfik pillugu inatsisip (aatsitassarsiornermi aningaasaateqarfimmut inatsit) atuutliffissaa aamma piffissaq Namminersorneq pillugu inatsit malillugu naalagaaffiup Namminersorlutik Oqartussanut tapiissutaasa (ataatsimoortumik tapiissutit) siullermeertumik annikillisinneqarfissaat imminnut naapertuutilissasut imaluunniit assigiilissallutik.

Namminersorneq pillugu inatsimmi Namminersorlutik Oqartussat ukiumoortumik aatsitassarsiornermit isertitassaannut annikinnerpaaffissamik aalajangersaasoqarpoq. Ataatsimoortumik tapiissutit annikillilernerqassappata, annikinnerpaaffissaq 75 millioner koruuniusoq qaangerneqarsimassaaq. Ukiumoortumik aatsitassarsiornermit isertitat aningaasartanit taakkunanga annerunerulerpata aatsaat aatsitassarsiornermut suliassaqarfimmik pingaaruteqavissumik aammalu aningaasaqarnikkut ataavartitsinissamut pingaaruteqartumik ataavarnerususamik pilersitsisoqarsimassasoq, Namminersorneq pillugu isumalioqatigiissitap naliliineranut tunngavigisaanullu tamanna tapersiivoq. Naliliineq taanna kingusinnerusukkut namminersorneq pillugu inatsisissamut Namminersorneq pil-

lugu isumalioqatigiissitap missingiutaa pillugu tikkuussisussamik taasitsinermi kalaallinit qinersisartunit taparserneqarpoq, tamatumalu kingorna Namminersorneq pillugu inatsisip suliarineqarneratigut akuerineqarneratigullu Namminersornequllutik Oqartussanit naalagaaffimmillu taparserneqarluni. 5 millioner koruunit Aatsitassarsiornermi Aningaasaateqarfimmi maannakkut aningaasartasut naleqqunnersut naapertuunnarsullu imaluunniit qaffasinnerusunngorlugit allanngortittariaqarnersut naliliisoqartillugu, aningaasartanut tunngatillugu Namminersorneq pillugu inatsimmi naliliineq inatsisitigut pisussaaffiliisuunngilaq imaluunniit toqqaannartumik inatsisilerinermut attuumassuteqarani. Taamaattorli aningaasartanut Namminersorneq pillugu inatsimmi allassimasunut tunngatillugu naliliineq, aningaasartanut aatsitassarsiornermut suliasaqarfiup Kalaallit Nunaanni pingaaruteqavissumik aningaasaqarnikkullu pingaaruteqartumik atavarnerusumik pilersinneqarsimaneranut takussutissaasutut isigineqarsinnaasunut tikkuussilluni taasinermut toqqaannangitsumik atorneqarsinnaavoq. Taamaattumik aningaasartanut killiliussap qaffannissaanut Inatsisartut kissaateqassappata, 75 millioner koruunit killiliussassatut aalajangiutissallugit naleqquttut naapertuuttullu Naalakkersuisut isumaqarput.

- 1.b Namminersorneq pillugu inatsisip kiisalu Kalaallit Nunaanni Aatsitassarsiornermi Aningaasaateqarfik pillugu inatsisip akornanni ingiaqatigiissitsinissaq pillugu anguniagassap innersuussutiginissaa tassalu aatsitassarsiornermi aningaasaateqarfiup aallartinnissaanut aningaasat kr. 70. millioninut qaffanneqarnissaat ilumut pisariaqavinnerluni?

Aningaasaateqarfiup aallartisarneqarnissaanut aningaasat pisariaqartinneqartut kr. 70. millioninut qaffatsinnissaat kisiisa eqqarsaatigalugit (taamaalillunilu aningaasaateqarfimmi katersarineqartut ikilillugit) Naalakkersuisut inatsisissatut siunnersuusiunnarsimasinnaangillat?

Akissut:

Inatsisissatut siunnersuummi imaluunniit nassuiaatini allassimanngilaq ingiaqatigiissitsinissaq inatsisilerinikkut pisariaqartoq – taamaallaat tikkuarneqarpoq Namminersorneq pillugu inatsimmi 75 mio. koruunit annikinnerpaaffissatut aalajangersarneqartut, taakkualu ataatsimoortumik tapiissutit annikillilerneqarsinnaalernissaannut qaangerneqarsimasussaapput. Tassani tikkuussisoqarpoq anner-tussusiliussaq taanna qaangerneqarpat aatsaat aatsitassarsiornermut suliasaqarfik atavarnerusumik pilersinneqarsimassasoq Namminersorneq pillugu isumalioqatigiissitaq isumaqartoq.

Aningaasartassanut killissaliussap qaffanneqarnissaa kissaatigineqarpat 75 mio. koruunit killissaliunneqarnissaat pissusissamisoorpoq. Naatsorsuutigineqartariaqarpoq siulersuisunut ilaasortat piginnaaneqarnissaannut taamaalillutillu aningaasarsiaqartinneqarnissaannut piumasaqaatit suli annertusiartuinna-sasut, takuuk assersuutigalugu Danmarkimi aningaasaqarnermut suliasaqar-fimmi siulersuisunut piumasaqaatit annertusisimanerat. Tamanna aningaasartuuteqarnerulernermik malitseqartarpoq. Taamaalilluni aningaasaateqar-fimmi ukiumoortumik ingerlatsiner-mut aningaasartuutit 2 mio. koruuninik anner-

tussuseqarsinnaanerat ilimanaateqarpoq, tamannalu PwC-imit upper-narsarneqarpoq. Maannakkut erniat annertussusaat eqqarsaatigalugu mianersortumik aningaasaliersarnermut politikkeqarnermi 2-iniit 3 %-init annertunerusumik iluanaaruteqarnissaq naatsorsuutigineqarsinnaangilaq, tamatumani uki-umoortumik ingerlatsinermut aningaasartuutit illuatungilerniarnerinnaannut 75 mio koruunit missaannik pisuussutinik peqarnissaq pisariaqarpoq, tamannalu taamaalilluni pissusissamisortumik minnerpaaffiusariaqartoq naliliisoqarpoq.

- 1.c Ingiaqatigiissisinissap siunnersuutigineqartup pilersinneqarnera sunik ajoqutissarsiffiusanersoq ajoqutissarsiffiusinnaanersorlu paasissutissiissutigeqqullugu Naalackersuisoq qinnuigineqarpoq. Tassungalu ilanngullugu aatsitassarsiornikkut isertitaqarneq pissutigalugu akisussaaffiit Naalagaaffimmit tigusassat aningaasalersornissaannik aammalu ataatsimoortumik tapiissutit ikiliartornerisa pakkersimaarneqarnissaannik aningaasaateqarfiup siunniussatut aalajangersagaanik eqquutsisinissap kinguarsarneranik aningaasat aningaasaateqarfimmi katersarineqartussat siunnersuutigineqartut ikilisinnerat nassataqarsinnaanersoq paasissutissiissutigalugu?

Akissut:

Suliassaqarfinnut akisussaaffimmik tigusinissamut, aningaasat Nunap karsiani imaluunniit aatsitassarsiornermi aningaasaateqarfimmi ileqqaarneqarnersut annertuumik apeqqutaasussaangilaq (takuuk qanittumi § 37 naapertorlugu apeqqummut akissuteqaatinga). Taamaattorli oqaatigineqassaaq ukiumi ataatsimi imaluunniit arlalinni uuliakoormik akiuinissamut atortunik tigusinermi aningaasaateqarfik aallartinneqassagaluarpas, aningaasaateqarfimmik aningaasalersuutissanik isertitaqarfiusussaangitsumik, ukiumut 2 mio. koruuninik aningaasartuuteqarfiusussamik aningaasaateqarfik aallartinneqartussaassamat. Taamaalilluni pisumi tassani aningaasaateqarfimmik aallartitsineq qanoq pisoqaraluarpuunniit ataatsimut katillugit amerlanerusunik aningaasartuuteqarfiusussanngortussaavoq. Aningaasartuutit annertunerulersut taakkua aningaasalersornissaannut aatsitassarsiorniluni ingerlatanit naammattunik isertitassaqqannginnermi, taamaalilluni tamatuma aningaasaateqarfiup aningaasartuutai aningaasalersorniartugit aningaasanut inatsimmi aningaasaliissutit allat ataavartussamik annikillilerneqarnissaat malitsigisussaavaa.

- 1.d Aningaasat aatsitassarsiornermi aningaasaateqarfiup aallartinneqarnerani atorineqartussat 5. mio. kr.-init 75. mio. kr.-inut qaffanneqarnerat pitsaaqutinik ajoqutinillu sunik nalinginnaasumik nassataqartussatut isumaqarfigineqarnersoq pillugu naatsumik paasissutissiinissaq kissaatigineqarpoq?

Akissut:

Iluqaqtissartaasut:

Saqqummiussissumi oqaatigineqartut, iluanaarutit allaffissornermut aningaasartuutinuinnaq atorneqannginnissaannut imaluunniit aningaasaatinut tunngaviusut nungutinneqannginnissaannut, aningaasaateqarfiup pilersinneqarnerani aningaasaatitigut tunngaviusussat naammannissaat qulakkeerniarlugu, aningaasartanut killissaliussat qaffanneqarnissaat Naalakkersuisut kissaatigisimavaat. Aningaasartat 75 mio. koruuninut qaffatsinneranni aningaasaatinut tunngaviusut, aamma ukiuni tulliuuttuni aningaasaateqarfimmut aki-liuteqartoqanngikkaluarpalluunniit, aningaasaateqarfik ineriartorsinnaangorlugu annertussuseqarnissaat qulakkeerneqassaaq. Tassunga atatillugu eqqumaffigineqassaaq, atuutsisilernissamut aalajangersakkap maannakkutut innerani, aatsitassarsiornermit isertitat ukiumi ataasiinnarmi 5 mio. koruunit sinnerpagit, taakkua ukiorpassuarni tulliuuttuni 0 koruuninngorlutik annikilligaluarpataluunniit tamanna apeqqutaatinnagu, aatsitassarsiornermi aningaasaateqarfik pilersinneqartussaammat.

Aningaasaateqarfimmi siulersuisuni ilaasortat piginnaaneqarnissaannut inatsit annertuumik piumasaqaateqarpoq. Taamaalillutik siulersuisut ataatsimut katillutik inatsisitigut pissutsit, aningaasaatinik ingerlatsineq aamma aningaasaliisarneq kiisalu aatsitassarsiorluni misissuinermit paaanermullu tunngatillugu aningaasaqarnikkut inuussutissarsiornikkullu pissutsit pillugit qaffasissumik ilisimasaqartussaapput. Siulittaasumut siulersuisunullu ilaasortanut aningaasarsiarititassat, siulersuisunut pikkorissuseqarluartunut aningaasarsiaqartitsisarnermut niuerfimmi annertussuseritinneqartartunut assigutinnikkaanni, siulersuisunik piginnaanerisassanut piumasaqaatinik naammassinnissinnaasunik nassaarniarnissaq ajornakusoorsinnaavoq. Taamaattumik nassuiaatini siulersuisunut aningaasartuutitut missiliuinerit atorsinnaajunnaarsimassasut ilimagisariaqarpoq, taamaattumillu aningaasarsiat siulittaasumut 70.000 koruuninit aammalu ilaasortat sinnerinut 35.000 koruuninit qaffasinnerungaatsiassasut ilimagisariaqarluni. Tassunga atatillugu naatsorsuutigineqartariaqarpoq siulersuisunut ilaasortat piginnaanerisassaannut piumasaqaatit sulii annertusiartortussaasut, takuuk assersuutigalugu aningaasaqarnermut suliaasaqarfimmi siulersuisunut piumasaqaatit annertusiartornerat.

Ingerlatsinermit aningaasartuutit ataatsimut katillugit ilimagineqaqqaaraluartumit qaffasinnerungaatsiarnissaat piviusumik aarlerinaateqarpoq, tassani annertussuseq 2,0 mio. koruunit tikillugit piviusorsiornerusoq paasinarsisinnaalluni.

Taamaattumik aningaasaateqarfiup aningaasaataanniit iluanaarutit ingerlatsinermit aningaasartuutit kisiisa matussusersinnaaginnarnagit, aamma taakkuninnga annertunerunissaat annertuumik qulakkeerneqartussanngorlugu annertussuseqalersillugu, aningaasartassanut killissaliussat qaffanneqarnissaat Naalakkersuisut kissaatigisimavaat, taamaalilluni aallaqqaataaniit Aatsitassarsiornermi aningaasaateqarfimmi ingerlatsinermit piujuartussamik tunngavissaqarnissaa qularnaarneqassalluni. Aamma aatsitassarsiornermit isertitat aningaasaateqarfimmi aallartitsissutaasussaasut ataasiaannartumik taamaallaat pisuusut, imaluunniit isertitat ilai "atortutitigut pigisaasut", piviusumik iluanaaruteqarfiunatik paasinarsissagaluarpat. Kalaallit Nunaat nunatut aatsitassarsiorfittut ingerlallu-

artutut inississimatinnagu, ukiumoortumik aningaasaateqarfimmut aningaasanik nutaanik takkuttoqartassasoq qulakkeerneqarsinnaangilaq.

Ajoqutissartaasut:

Aningaasaateqarfimmi ingerlatsinissaq aningaasanut inatsimmi siunertanut allanut aningaasaliissutit ataavartumik annikillisinnerisigut aningaasalersorneqartariaqalernissaa erseqqilluinnartumik aarlerinaateqalersillugu, aningaasaateqarfiup pilersinneqarnissaanut aningaasartaliussat taamatut annikitsigisut attatiinnarneqarnissaat nalinginnaasumik iluaqutissartaqanngilaq.

Aningaasaateqarfimmik pilersitsinissamut siunertaavoq aningaasaqarnikkut akisussaassuseqartumik ingerlatsinissap qularnaarneqarnissaa – aningaasaateqarfiup aallartinnissaata aningaasaqarnikkut siunertaqalernissaanut naammattumik isertitaqalernissaq sioqqullugu aningaasaateqarfiup ingerlanneqarneranut pisariaqanngitsumik aningaasat atorineqarnissaat siunertaanani.

Apeqquut 2: Aningaasat kr. 75. millioninut killilerneqarnerat

Andreas Uldumip § 37 naapertorlugu apeqquteqaataanut akissut tunngavigalugu ataatsimiititaliap ima tamanna paasivaa, tassalu aningaasaateqarfiup aallartinnissaanut aningaasat kr. 5. millioniniit kr. 75. millioninut qaffannissaannik pisariaqartitsineq Cairn Energyp oliekoornermi saliinissamut atortunik kr. 20 millioninik naleqartunik tunissuteqarnera ilaatigut tunngavigineqartoq, aningaasaateqarfiup aallartinnissaanik kinguneqartumik.

Aammattaaq Naalakkersuisut akissuteqaataanni allassimavoq, Aatsitassarsiornermi Aningaasaateqarfiup allatseqarfia ukiumut kr. 1-2 millioninik ingerlatsinermut aningaasartuuteqarfiusartussatut ilimagineqartoq. Tamatumunnga atatillugu ataatsimiititaliap ima tamanna takorloorpaa tassalu aningaasaateqarfik aallartinneqarniaripat allatseqafissaq arlalinnik sulisulik aallartisarneqarniartoq.

2.a Cairn Energyp atortut Kalaallit Nunaannut tunniussai Namminorneq pillugu inatsimmi § 7, imm. 2-mi normu 1.-4.-milu isertitat pillugit nassuiaammut atasutut sooq isigineqarnersut inatsisilerinikkut naatsumik nassuaateqarfiginissaa kissaatigineqarpoq. Isertitatut taaneqartunut ilaanngitsutut Kalaallit Nunaata atortunik tiguisinnaanera imaluunniit piginnittuusinnaanera ilanngullugu aamma nassuaateqarfiginissaa qinnutigineqarpoq.

Akissut:

Namminersorneq pillugu inatsimmi § 7 imm. 2, nr. 1-imi isertitat suulluunniit, akuersissutit aalajangersimasut aatsitassanut ikummatissanullu inatsit malillugu tunniunneqarsimasut naapertorlugit Namminersorlutik Oqartussanit tiguneqartut pineqartunut ilaatinneqarput. Cairn Energy-p atortunik Namminersorlutik Oqartussanut tunniussinera, misissuinissamut akuersissut aalajangersimasooq malillugu ingerlatseqatigiiffiup pisussaaffimminik naammassinninnissaata ilaatut, inuiaqatigiinni piujuartussamik iluaqutaasumik sunniuteqartitsinissaq pillugu Cairn Energy-mut isumaqatigiissut (IBA-mut isumaqatigiissut) naapertorlugu pisus-

saavoq. Taamaalilluni atortunik akeqanngitsumik tunniussineq, isumaqatigiisummut aalajangersakkat misissuinissamut akuersissut malillugu aalajangersarneqartut naapertorlugit Namminersorlutik Oqartussat (Nunap karsia) isertitanik tigusinerannik malitseqartussaavoq. Taamaattumik atortut akeqanngitsumik tигuneranni Namminersorlutik Oqartussat isertitaat tassaassapput isertitat aatsitassarsiornissamut akuersissut naapertorlugu tигuneqartut, taamaalillunilu aamma Namminersorneq pillugu inatsimmi § 7, imm. 1, nr. 1 malillugu aatsitassarsiornermisertitaassallutik.

Tamatumunnga taarsiullugu Namminersorlutik Oqartussat atortut, niuernermit akiusumit appasinnerusumik attartornermit imaluunniit atukkiussinermit akiliuteqarlutik attartorunik imaluunniit atorunik, taamatutaaq Namminersorlutik Oqartussat aalajangersimasumik aningaasaqarnikkut ajunngitsorsiassanik tigusisussaapput. Tamanna Namminersorneq pillugu inatsimmi § 7, imm. 1, nr. 1 malillugu Namminersorlutik Oqartussani isertitatut isigineqartussaavoq. Taamaangippat, taakkua pigisanut, soorlu assersuutigalugu illunut, illuutitut allanut, aqqusinerlut, umiarsualivinnut, timmisartoqarfinnut, timmisartunut, qulimiguullinut, aalisariutinut, umiarsuarnut ilaasortaatinut, umiarsuarnut allanut aamma it-mut attaveqatigiinnermullu atortunut aatsitassarsiornissamut akuersissutit malillugit ajunngitsorsiassatut ukiuni qulikkaani taamaallaat atuisinnaatitaaneq akeqanngitsumik pissarsiarisassagunikku, aatsitassarsiornermisertitat aamma ataaatsimoortumik tapiissutit pillugit inatsimmi maleruagassat Namminersorlutik Oqartussanit unioqqutinneqarluiarneqarsimasinnaapput. Akeqanngitsumik atuisinnaatitaanermut taarsiullugu attartorsinnaatitaaneq imaluunniit atorsinnaatitaaneq annikitsuinnarmik akiliuteqarnikkut, assersuutigalugu 1 koruunimik imaluunniit attartornermit atukkerneqarnermulluunniit niuernermit akiusumit appasinnerusumik qanorluunniit aningaasartalimmik akiliuteqarluni tigussagaluaruniuk, aatsitassarsiornermisertitat aamma ataaatsimoortumik tapiissutit pillugit Namminersorneq pillugu inatsimmi maleruagassat aamma Namminersorlutik Oqartussanit tamakkiisumik ilaannaasumilluunniit unioqqutinneqarsimasinnaapput.

Naalakkersuisut taamaalillutik isumaqarput aamma upalungaarsimanermut atortut, IBA-mut isumaqatigiisummut misissuinissamut akuersissut aalajangersimasooq naapertorlugu isumaqatigiisutigineqarsimasumut ilaatillugu, akeqanngitsumik tunniunneqarnerat isertitanut nassuiaassummi ilaasoq.

Aammattaaq Naalakkersuisut isumaqarluiinnarput attartornissamik ilusiliaq siunnersuutigineqartoq Namminersorneq pillugu inatsimmi isertitanut nassuiaassummik uniuinerusussaasoq aammalu Namminersorlutik Oqartussat aamma naalagaaffik inatsisip siunertaata naammassineqarnissaa pillugu ataqpeqatigiilutik suleqatigiinnissaat pillugu Namminersorneq pillugu inatsimmi tunngavitusunut akerliusussaalluni.

Namminersorneq pillugu inatsimmi piumasaqaatigineqarpoq Naalakkersuisut aamma danskit naalakkersuisui, isertitanut nassuiaassut malillugu isertitat naatsorsorneqarnerannut tunngatillugu najoqqutassanik attuumassuteqartunik tamanik ingerlaavartumik imminnut paasitittassasut. Piviusuunngitsumik 1 koruunilerlugu attartornissamik pisussaaffiliilluni upalungaarsimanermut atortut na-

lingisa allanngortinnera eqqortuusussaangilaq aammalu Namminersorlutik Oqartussat tatigeqatigiinnissamut pisussaaffianut naapertuuttusnaanani.

Taamaattumik Naalakkersuisut siunnersuummut inatsisunik unioqqutitsinissatut paasineqarsinnaasumut akuersisinnaangillat.

Naalakkersuisut isumaqarput Naalakkersuisut aamma danskit naalakkersuisuisa akornanni ataqeqatigiilluni tatigeqatigiillunilu suleqatigiinnissaq pillugu Namminersorneq pillugu inatsimmi tungavissarititaasut unioqqutinneqarlunnartussaasut. Tamatuma kingunerisaanik danskit naalakkersuisui isertitanut nasuiaassutip isumaqatiginninniutigeqqinnissaanik piumasaqaateqarsinnaalissaput imaluunniit Naalakkersuisut Namminersorneq pillugu inatsimmi § 7, imm. 2-imi isertitanut nasuiaassut malillugu isertitanik naatsorsuinerannut sukannerne-rusumik toqqaannartumik nakkutilliilersinnaassallutik.

- 2.b Kalaallit Nunaanni Aatsitassarsiornermi Aningaasaateqarfik pillugu inatsisip aalajangersagartaani § 23-imi allassimasoq, tassalu aatsitassarsiornermi aningaasaateqarfiup allatseqarfiata minnerpaamik ataasiinnarmik tassa pisortamik inuttaqarsinnaanera, aningaasaateqarfiup ulluinnarni ingerlanneqarneranut siulersuisut ataanni kisimilluni isumaginnittuunissaa aallaavigineqarnersoq, Naalakkersuisup uppersarsinnaavaa.

Aammattaaq tamatuma kingunerisaanik aningaasaateqarfik aallartinniariartoq arlalinnik sulisussarsionnissaq pisariaqalersinnaassanersoq, inatsisillortup akerlianik erseqqissaateqarfigisinnaanerlugu?

Akissut:

Suliffeqarfinni aningaasaqarnermik suliaqartuni siulersuisuni ilaasortat ataasiakkaat tamarmik suliffeqarfinni aningaasaqarnermik suliaqartumi aalajangersimasumi siulersuisuni ilaasortatut sulissagaanni sukumiisumik misilittagaartuunissaq, aningaasaqarnikkut ajornartoornermut, pigisanut niuerfimmi allanngorartitsilluni suli annertoorsuarnik unammilligassaqartitsisumut atatillugu suli annertunerusumik pingaartinneqalerpoq. Aningaasaqarnikkut ajornartoornerup kingunerisaanik annaasaqaataasinnaasut suussusersilluarneqarnissaat kisalu annaasaqaataasinnaasut uuttorluarneqartarnissaat aqulluarneqarnissaallu pisariaqartinneqalerpoq, ilanngullugu tamatuma tungavilersorniarnanunut peri-aatsit pisariaqartut atuutsinneqalernissaat.

Siulersuisut ilisimasatigut misilittakkatigullu minnerpaamik piginnaaneqartussaanerminni, assersuutigalugu pisortaaqatigiit unammillersinnaasari-aqarpaat, ilanngullugu pisortaaqatigiinnut attuumassuteqartunik apeqquteqarsinnaassallutik aammalu akissuteqaatinut isornartorsiuillutik isummersinnaassallu-tik. Tamanna aamma pisortaaqatigiit piginnaanerisassaannut annertuumik pi-umasaqaateqarfiuvoq.

Piumasaqaatit taakkua siulersuisunut pisortaaqatigiinnullu pikkorilluinnartunut aningaasarsiarititassatut naatsorsuutigneqartariaqartunut sunnuteqarput.

Matuma kinguliani missingersuutini tikkuussisuni PWC-imit suliarineqartuni tunngavigineqarpoq pisortaq qaammammut ataatsimut katillugu 50.000 koruuninik aningaasarsiaqartoq, siulersuisuni siulitaasoq ukiumut 100.000 koruuninik aningaasarsiaqartoq kiisalu siulersuisuni ilaasortat sinneri tallimat ukiumut 50.000 koruuninik aningaasarsiaqartut, taakkualu aqutsisuni ilaasortanut pikkorilluinnartunut niuerfimmi atorneqartutut nalilernerqarput. Aammattaaq allatigut allaffissornikkut aningaasartuutunik missiliuisoqarpoq.

1.000 kr.

Akissarsiassaq, siulersuisuni siulit- taasoq	100
Akissarsiassaq, siulersuisuni ilaa- sortat 5	250
Aningaasarsiat, pisortaq	600
Aningaasarsiat, allaffissornermi sulit- sut	300
Kukkunersiuineq	100
Eqqartuussissuserisoq	100
Allaffissornermut aningaasartuutit	150
IT-mut aningaasartuutit	100
Naqitertitat / paasissutissanut na- joqqutassat	100
Aningaasaatinik aqutsinermut an- ingaasartuutit	200

Katillugit

2000

2.c Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaannut nassuiaatini allassimavoq aningaasaateqarfiup ingerlanneqarneranut allaffissornikkut aningaasartuutissat ukiumut katillugit 450.000 kr.-iusussatut naatsorsuutigineqartut. Andreas Uldumilli § 37 naapertorlugu apeqqutaanut akissummi allassimavoq ingerlatsinermut aningaasartuutissat 1-2 mio. kr.-iusussatut maanna nalilernerqartut. Tamannalu Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaata 2008-mi akuersissutigineqarnerata kingorna marloriaat sinnerlugu qaffariarneruvoq.

Aammalu akissummi allaqqasorinarpoq akit pissarsiallu ineriartornerat tamatumunnga annikitsuinnarmik pissutaasoq aammalu Naalakkersuisut maanna naliliisut ingerlatsinermut aningaasartuutissat aallaqqaammulli minnaagaasimasut.

Kalaallit Nunaanni Aatsitassarsiornermi Aningaasaateqarfik pillugu Inatsisartut inatsisaat naammattumik piareersarneqarsimangila imaluunniit inatsisissatut

siunnersuutip aningaasatigut kingunissai pillugit Inatsisartut kukkusumik paasissutissinneqarsimappat?

Akissut:

Maannakkut naalackersuisuusut siusinnerusukkut naalackersuisuusimasut pillugit nalinginnaasumik oqaaseqarsinnaanngillat. Kisiannili isumaqarani eqqunnigsumik paasissutissiisoqarsimasoq. Suliffeqarfiit pisariusut aningaasaqarnikkut annaasaqarsinnaasut isumannaatsumik aqunneqarnissaannut piumasaqaatit, takuuk ilaatigut Danmarkimi aningaaseriviit, aningaaseriviit ajornartoornerisa kingorna malunnaateqarluartumik annertusisimapput.

- 2d. Aningaasaateqarfiup tamakkiisumik atuussinnaassusilimmik allattoqarfeqareerluni aallartinneqarnissaanut, tamatumalu nassatarisaanik aallartinnissamut 75 mio. kr.-inik pisariaqartitsineraanermut taarsiullugu aningaasaateqarfiup aqunneqarneranut allaffissornikkut periutsinik allanik, aningaasaateqarfiup 75 mio. kr.-init ikinnerusunik aallarniuteqarluni atuutilersinnaaneranik periarfissiisunik inatsimmi killiliussat iluani toqqaasoqarsinnaava?

Akissut:

Suut tamarmik ajornanngillat – isumannaatsumik aqutsinissamik ingerlatsinissamillu piumasaqaatit annikillisinneqarpata. Tamaattorli erseqqissarneqassaaq tamatuma kingunerisaanik isumannaatsumik ingerlatsisoqannginnissaa aarlerinaateqarnerulertussaammat kiisalu siunissami ungasinnerusumi Kalaallit Nunaanni aningaasaqarnikkut inuiaqatigiillu soqutigisaannut ajoqusiisussamik aalajangiisoqartarsinnaanera aarlerinaateqarnerulertussaalluni. Tassunga atatillugu puiorneqassanngilaq, aningaasaqarnikkut niuerfinni pisariusuni pitsaasumik aalajangiisinnaanissamut ilisimasaqarfiusariaqartuni aatsitassarsiornermi aningaasaateqarfimmi aningaasaliinissanut aalajangiisoqartartussaannissaa ilimaateqarmat.

Aamma peqquserluttuliortoqarsinnaanera aarlerinaateqarsorineqassanngilaq. Aqutsisulunnerup ingerlatsinerliornerullu sulianik nakkutiginninnerliorinikkut naapertuutinngitsumik pisoqartitsinnaaneranik annertunerulersitsisarneranut assersuutissarpassuaqarpoq.

- 2.e Tassunga atatillugu periusissamik aalajangersimasumik apeqqummut 2.d-mut tunngatillugu atorneqarsinnaasumik Naalackersuisut tikkuussaqaarsinnaappat?

Akissut:

Ilusiliat appasinnerusumik pitsaassuseqartitsinissamik, annikinnerusumik nakkutiginninnissamik aammalu pisortap siulersuisullu annikinnerusumik piginnaaneqarnissaannik kinguneqartitsiviusussat sukkulluunniit toqqarneqarsinnaapput, kisianni ukiuni kingulliunerusuni aningaasaqarnermut suliassaqaarfimmi ineriartorneq eqqarsaatigalugu tamanna inassutigineqarsinnaanngilaq.

Apeqqu 3: Allanguutissatut siunnersuut

Naluneqanngitsutuut inatsisissamut siunnersuummut allanguutissatut siunnersuusiornissani ataatsimiititaliap isumaliutersuugigaa. Allanguutissatut siunnersuut tamanna aatsitassarsiornermi aningaasaateqarfiup inatsisaani atuutilersitsinissamut aalajangersakkat allanguutissaannik aallaaveqarsinnaasutut takorlooneqarpoq, taamaalilluni aningaasaateqarfik aatsaat assersuutigalugu Namminersorlutik Oqartussat ukiut pingasut tulleriit aatsitassarsiornikkut isertitarisai ukiumut kr. 15 millionit qaangerpatigit imaluunniit Naalakkersuisut tamatumuuna erseqqinnerusumik aalajangersagai aallaavigalugit aallartittussanngorlugu.

Taamaassappallu inatsisip atuuttup § 50-iani atuutilersitsinissamut aalajangersakkap, oqaasertaa imaalillugu allannngortinneqassagaluarpoq: *"Inatsisartut inatsisaat januarip 1-ani atuutilissaaq ukiup ullorsiuteqarfiusup qaangiunnerani, Inatsisartut nunatta karsiata naatsorsuutaanik pingajussaaneeraluni akuersissuteqarnerani, Namminersorlutik Oqartussat aatsitassarsiornermi isertitai ukiumi naatsorsuusiorniusumi minnerpaamik kr. 15 millioninik annertussuseqarpata imaluunniit siusinnerusukkut Naalakkersuisut erseqqinnerusumik aalajangersagaliaat naapertorlugu, Namminersorlutik Oqartussat aatsitassarsiornermi isertitarisai ima qaffasitsigilersimasutut Naalakkersuisut tamanna nalilissappassuk, allaat aatsitassarsiornermi aningaasaateqarfissap aallartinneqarnissaa kissaatiginartinneqarluni".*

- 3.a Teknikkikkut allaffissornikkullu taamatut atuutilersitsinissaq Naalakkersuisut taamatut suliaqarnissaminut periarfissaqassappat?

Akissut:

Aap – kisianni tamatuma aningaasaateqarfimmi ingerlatsinermut matussusiinissaq qulakkeersinnaanngilaa – assersuutigalugu ukiut pingasut tulleriit upalungaarsimanermut atortut tiguisimassagutsigu.

- 3.b Ataatsimiititaliap allanguutissatut siunnersuutigissallugu isumaliutigisaani aningaasanit taaneqartunit allaanerusumik aqutsivigiuminarnerusutut isigisaminik Naalakkersuisut tikkuussinnaappat?

Akissut:

Maleruagassamik tapiliussamik nassuiaasoqarsinnaassaaq, allassimasumik Naalakkersuisut naliliippata aamma siunissami aalajangersimasumik annertussusilimmik isertitaqassasoq ilimagineqarsinnaasoq uppernarsaatissaqartoq, aatsitassarsiornermi aningaasaateqarfik 75 mio. koruuninit annikinnerusumik isertitaqarnermi aamma aallartinneqarsinnaassasoq.

- 3.c Allanguutissatut siunnersuutigilersaagaq allanguuteqartinnagu akuerineqassappat aatsitassarsiornermi aningaasaateqarfiup atuutilersinneqarnissaa sioqqullugu ukiuni aatsitassarsiornermi isertitat ataavartuunngitsut 15. mio. kr.-init amerlanerusut kinguaassatsinnut aamma

iluqaqtissanngorlugit katersorneqarlutillu erniortinneqarnissaat Naalakkersuisut qanoq qulakkiilersaarpaat?

Akissut:

§ 37 naapertorlugu apeqqummut akissumi allassimasutut: isertitat 75 mio. koruuninik ikinnerusut ingerlatsinermut aningaasartuutitut annertunerulersunut atorneqarnissaat Naalakkersuisut inassutigisinnaangimmassuk. Inassutigineqarpoq isertitat ileqqaarneqassasut imaluunniit ataasiartumik aningaasaliineranut, siunissami aningaasaqarnerup patajaatsuunissaanik tunngavissiisunut atorneqassasut.

Aningaasanik ingerlatsivimmi aqutsineq Aningaasaqarnermut naalakkersuisoqarfimmit, akuersaarneqarsinnaangitsumik annaasaqaataasinnaasumik iliuseqarani niuernermit iluanaaruteqarnissaq pillugu tunngaviusut malillugit isumagineqarpoq.

- 3 d. Inuiaqatigiit aatsitassarsiornermit annertunerusumik isertitaqarnissaat sioqqullugu nunani avannarlerni nunanilu allani sorlerni aatsitassarsiornermi aningaasaateqarfimmik pilersitsinissamut piareersarnissamik inatsisitigut aalajangiisoqarsimava atuutilernissaanullu minnerpaamik isertitarineqartussat qanoq annertussilerneqarsimappat?

Akissut:

Statens Petroleumsfond pillugu inatsit 1990-imi akuerineqarpoq. Taanna 2006-imi Statens Pensjonsfond pillugu inatsimmit taarserneqarpoq. 8-imut nassuiaatini allassimavoq: "Siunnersuutigineqarpoq inatsit piffissamit Kunngip aalajagi-gaanit aallartittumik atuutilissasoq. Naalakkersuisut malittarisassat taakkua malillugit petroleumsfond-imik 1. januar 1991 aallarnerfigalugu pilersitsiniarnissaq anguniarniarpaat." Akiliuteqarneq siulleg, nunami namminermit naatsorsuutit 1995-imi sinneqartooruteqarfiunerisa kingorna aatsaat 1996-imi pivoq. 1996-imi akiliutigineqartut katillugit 46,3 mia. norske koruuninik annertussuseqarput.

Paasissutissat Ukiumoortumik nalunarusiami 1998-imeersumi takuneqarsinnaapput, taannalu Petroleumsfonden pillugu ukiumoortumik nalunaarusiat siullersaraat Norges Bankimit saqqummersinneqarluni. Taanna linkimi matuma kingulia-niittumi nassaarineqarsinnaavoq.

http://www.nbim.no/Global/Reports/2000_1999_%201998/1998%20hele.pdf

Apeqquut 4: Aningaasaateqarfiup aningaasaataata erniortinnissaat

Naalakkersuisut Andreas Uldumimut akissuteqaamminni eqqoriakannerpaat, aatsitassarsiornermi aningaasaateqarfiup kr. 75 millioninik katersaqarnissaa pisariaqassasoq, aningaasaateqarfiup ingerlanneqarneranut ukiumut kr. 1-2 millioninik pissarsisarnissaq qulakkeerniarlugu. Tamanna aningaasat katersarineqartut ukiumut 1,3%-it aamma 2,6%-it akornanni ernialerineqarnerisut annertussuseqassaaq.

Assersuutigalugu Norske Oliefondi 2009-imi katersaminit 25,9%-nik¹ erniaatigut iluanaaruteqarsimasoq takuneqarsinnaavoq.

4.a Kalaallit Nunaanni uagut aamma katersatta 1,2-2,6%-init annerusumik erniaqarnissaannik siunissaq ungasinnerusoq eqqarsaatigalugu piumasaaqartariaqannginnersugut Naalackersuisunut ilaasortaq ataatsimiititaliatulli isumaqarnerluni? Taamak appasitsigisumik erniaaqaartitsigissagaanni ukiumut aningaasat uninngasuutigineqartut nikerarnerannut tamanna iluaqutaanaviangilaq, tamannalu aningaasat aningaasaateqarfimmi katersarineqartut tunngaviatigut nalikinnerulernerannik kinguneqarsinnaalluni!

Akissut:

Naalackersuisup PWC-imit naatsorsuinerit makkua piniarsimavai:

Norgemi uuliasiornermut aningaasaateqarfiup "Statens pensjonsfond Utland"-up niuernerme nalinga 2011-imi NOK 234 mia.-inik qaffappoq katillugit NOK 3.312 mia.-itut annertussuseqalerluni.

Aningaasaateqarfik 2011-imi NOK 86 mia.-inik aktiaatini iluanaarutinit amigartooruteqarpoq, Norgemilu naalagaaffimmit tunniunneqartut katillugit NOK 271 mia.-iullutik. Nunat angisuut arlallit aningaasaasa nalingannut naleqqiullugu Norgemi koruunip nalingata nalikinnerulernerani, aningaasaateqarfimmi aningaasaatit niuernerme nalingat 2011-imi NOK 49 mia.-inik qaffappoq. Tamannalu ataatsimut isigalugu niuernerme nalinganut 2011-imi katillugu NOK 234 mia.-inik qaffatsitsivoq.² **Taamaattorli tamanna iluanaarutinit amigartooruteqarfiusimasunut tutsinneqarsinnaangilaq.**

Aningaasaateqarfiup aningaasaliiffigisaanni illuutitut aningaasaliinerit, ernianut aningaasaliinerit aamma aktianut aningaasaliinerit ilaapput.

Matuma kinguliani takussutissiat assigiinngitsut Statens pensjonsfond Utland-imi oqaluttuarisaanikkut ineriartornermut tunngatillugu paasissutissartaqartut takuneqarsinnaapput, uuttuutaallutik; piffissap ingerlanerani niuernermut nalinga, piffissap ingerlanerani niuernermut nalingata allannguutai, aningaasaateqarfiup ukiumoortumik ataatsimut katillugu iluanaarutai (illuutitut aningaasaliinerit ilanngunnagit), piffissap ingerlanerani aktianut aningaasaliinerme iluanaarutit aamma piffissap ingerlanerani ernianut aningaasaliinerit uuttuutigalugit iluanaarutit.

Takuneqarsinnaavoq piffissap ingerlanerani iluanaarutit nikerartorujussuusimasut, pingaartumik aktianit iluanaarutit isigissagaanni.

Petroleumsfonden-ip pisariitsumik agguaqatigiissillugu piffissami 1998-2011-imi ukiumoortumik iluanaarutaannut procenti, takuuk takussutissiaq "Aningaasaateqarfiup ukiumut iluanaarutai" 4,76%-iuvoq. Taanna iluanaarutinit eqqoqqissaar-

¹ http://borsen.dk/nyheder/investor/artikel/1/194906/norsk_statsfond_hoester_milliarder.html.

² Najoqqutarisaq: <http://www.nbim.no/no/Investeringer/markedsverdi/>

tumik naatsorsuinerunngikkaluartuq annertussutsip taassuma takutippaa, iluanaarutit annertussusaat Norgemi Petroleumsfond-imut immikkut qaffasissuusi-manngitsiq, naak aningaasaateqarfimmi annertuumik aktianut aningaasaliineq annaasaqaataasinnaasumik aningaasaliinerungaluartuq.

Tamanna aningaasaateqarfiup maannakkut pisuussutaasa, 3.300 mia. koruunit missaanniittut ukiumut 2.500 mia. koruuninik annertussuseqartunik ilaneqartarneranut, aammalu piffissami 1998 – 2011-imi iluanaarutit 800 mia. koruuninik annertussuseqarnerannut imaluunniit ataatsimut katillugu ilassutaasut taamaallaat sisamarterutaannik annertussuseqarnerannut annertuumik tungatinneqarsinnaanerannit uppersarneqarpoq.

Mianersortumik aningaasaliisarnermut periuseqarnermi aammalu erniat maannakkut appasinneranni, Kalaallit Nunaanni Aatsitassarsiornermi aningaasaateqarfiata ukiorpassuarni aggersuni aamma annikitsuinnarmik iluanaaruteqar-nissani naatsorsuutigisinnaavaa.

Tamanna annertunerusumik takussutissinniarlugu ilassutigineqarsinnaavoq, Danmarkimi naalagaaffiup obligationiinut aammalu Danmarkimi realkreditobligationinut ernialiussat maannakkut imatut annertussuseqarmata (ulloq 11/4 – 2012):

	Danmarkimi statsobligation	Danmarkimi realkreditobligation
Ukioq ataaseq atuuttussat	0,15%	0,66%
Ukiut tallimat atuuttussat	0,66%	1,66%
Ukiut qulit atuuttussat	1,72%	2,78%

Qaammatini pingasuni aningaasaateqarfiup niuernerminalinga. Milliarder koruunit

2002	9,90	9,41	0,49
2003	5,26	4,77	0,48
2004	6,10	5,73	0,37
2005	3,82	3,46	0,36
2006	1,93	1,68	0,25
2007	2,96	4,26	-1,29
2008	-0,53	6,07	-6,60
2009	12,49	5,13	7,36
2010	4,11	2,58	1,53
2011	6,51		0,51

Najoqqutarisaq: <http://www.nbim.no/no/Investeringer/avkastning/>

§ 27 naapertorlugu aningaasaateqarfiup aningaasaataasa inissinneqarneranni, toqqissi-simanartumik qularnaveeqqusiinissaq aammalu annertunerpaamik iluanaaruteqarnissaq siulersuisut qulakkeertussaavaat. Aningaasaliisarnerup ilusissaa, ilanngullugu an-naasaqarsinnaanerup iluanaaruteqarnissallu oqimaaqatigiissinneqarnerat, siulersuisut akisussaaffigisussaavaat. Annaasaqarsinnaaneq annertusissappat imaluunniit qaffa-sippat, iluanaarutissat qaffakkiartornissaasa imaluunniit qaffasinnissaasa aamma pi-umasaqaataasarnera, nalinginnaasumik annaasaqarsinnaanermut iluanaarutissanullu ataqatigiissinneqartarpoq. Taamaattorli naatsorsuutigineqartariaqarpoq siulersuisut, pingaartumik aningaasaateqarfiup pilersinneqareernerata kingorna ukiumi siullermi, qu-larnaveeqquteqarnissaq pingaartittorjuusussaagaat, taamaalillunilu annertoorsuarmik iluanaaruteqarnissaq anguniartusnaanagu. Suliaqarnermi pingaartumik obligationinut qularnaatsunut inissiisoqartarpoq, aammalu erniat maannakkut annertussusaat tunng-avigalugu 2 – 3 %-imik iluanaaruteqarnissaq naatsorsuutigineqarluni.

Inussiarnersumik inuulluaqqusillunga

Ove Karl Berthelsen

1999	12,44	11,21	1,23
2000	2,49	2,22	0,27
2001	-2,47	-2,62	0,15
2002	-4,74	-5,04	0,30
2003	12,59	12,04	0,55
2004	8,94	8,39	0,54
2005	11,09	10,03	1,06
2006	7,92	7,78	0,14
2007	4,26	4,50	-0,24
2008	-23,30	-19,93	-3,37
2009	25,62	21,49	4,13
2010	9,62	8,57	1,06
2011	-2,54	-2,42*	-0,13*

*Illuutit ilanngunnagit

Najoqqutarisaq: <http://www.nbim.no/no/Investeringer/avkastning/>


Aningaasaateqarfiup aktianut aningaasaliinerinit iluanaarutit

	Aningaasaateqarfimmi iluanaarutit Procent	Suliassanut iluanaarutit Procent	Iluanaarutit naleqqiullugit Procentpoint
1999	34,81	31,32	3,49
2000	-5,82	-6,31	0,49
2001	-14,60	-14,66	0,06
2002	-24,39	-24,47	0,07
2003	22,84	22,33	0,51
2004	13,00	12,21	0,79
2005	22,49	20,33	2,16
2006	17,04	17,13	-0,09
2007	6,82	5,67	1,15
2008	-40,71	-39,55	-1,15
2009	34,27	32,41	1,86
2010	13,34	12,61	0,73
2011	-8,36		-0,48

Najoqqutarisaq: <http://www.nbim.no/no/Investeringer/avkastning/>


Aningaasaateqarfiup ernianut aningaasaliineranit iluanaarutit

	Aningaasaateqarfimmi iluanaarutit Procent	Suliassanut iluanaarutit Procent	Ilu- lluanaarutit naleqqiullugit Procentpoint
1999	-0,99	-1,00	0,01
2000	8,41	8,34	0,07
2001	5,04	4,96	0,08



Najoqqutarisaq: <http://www.nbim.no/no/Investeringer/markedsverdi/>

Aningaasaateqarfiup niuernermi nalingata allannguutaa. Milliarder ko-ruunit



Najoqqutarisaq: <http://www.nbim.no/no/Investeringer/markedsverdi/>

Aningaasaateqarfiup ukiumut iluanaarutai

	Aningaasaateqarfimmi iluanaarutit Procent	Suliassanut iluanaarutit Procent	Iluanaarutit naleqqiullugit Procentpoint